


B 12

6


183

BIBLIOTECA NAZIONALE
CENTRALE - FIRENZE

2



Est
is
Joa: Baptista
de
Lima
1708.





COSMI
Philoso-
phici

Friderici
Giannetti
Asgianensis
Tomus II




Florentiæ

Ex Typogr. Sub Signo Passionis

MDC

LXXXII.





FRIDERICI GIANNETTI

ALBIANENSIS S. T. D

*Ex Presbyteris Congregat. Ie'u Salvatoris
Insignis Colleg. Flor. S. Laurentij Canonici
atque Academici Apatista*

COSMVS PHILOSOPHICVS

SEV

ARISTOTELICAE PHILOSOPHIAE

Vniuersalis

EXPLANATIO

*In commodum studiosae iuuentutis
edita.*

Serenissimo Principi

COSMO III

ET RVRIÆ MAGNODVCI

Dicata.

TOMVS SECVNDVS

Physicam Complectens.



FLORENTIÆ

Ex Typogr. Sanctis Franchij 1681.

Sub Signo Passionis, de Superiorum Licentia

THE NEW YORK

LIBRARY
OF THE
CITY OF NEW YORK

ASTOR LENOX TILDEN FOUNDATION

150 EAST 44TH STREET, NEW YORK 17, N. Y.

1883

1883

1883

1883

1883

1883

B.12-G.183

1883

1883

DEFINITIONES

Huius Tomi II.

ARISTOTELICAE PHILOSOPHIAE

INDEX

Capitum Definitionum.

A

Actio xv.
Actus xj.

Æternitas xxij.

Æuiternitas xxij.

Æuum xxij.

Agere xvij.

Antipathia xxjv.

Appetitus xj.

Ars xjv.

Atomus xij.

Bonum xjx.

C

Causus xjx.

Causa xjv.

Causalitas xv.

Coexistentia xij.

Conditio xv.

Contrarietas xxj.

Corruptio x.

Creatio x.

D

Destructio xvij.

Diuisio xxjv.

E

Efectus xvij.

Efficiens causa. xvj.

Emanatio xv.

Ens vij.

Entitas cause xv.

Esse in loco xxij.

Existentia xj.

F

Fatum xjx.

Finalis causa. xvij.

Finis xvij.

Forma xij.

Formalis causa.

xvj.

Fortuna xjx.

Gene-

G ^Generatio jx

I ^Impossibile xij.

I ^Infinītum xxj.

Instrumētalis cau-
sa xvj.

Instrumentum
xvij.

L ^Locus xxij.

M ^M

M ^Materia pri-
ma x.

Materialis causa
xvj.

Mobilitas xxj.

Motus xx.

Mouens xxjv.

N ^N

N ^Natura xij.
N ^Naturale

xjv.

Negatio x.

Non esse xvij.

Numerus xxij.

P ^Pars xjx.

P ^Passum xvij.

P ^Physica viij.

P ^Principium viij.

P ^Prioritas xjx.

P ^Priuatio x.

P ^Punctum xxjv.

Q ^Q

Q ^Quantitas
xxjv.

Q ^Quies xxj.

S ^S

S ^Sympathia
xxjv.

T ^T

T ^Tempus xxij.

T ^Totum xjx.

T ^Transmutari xxij.

T ^Transmutatio xxij.

V ^V

V ^Vacuum xij.

V ^Vbicatio xxij.

V ^Virtus causandi

xv.

V ^Vnio xij.

DEFI.

DEFINITIONES

DESCRIPTIONESVE

Ex hoc II. Tomo in vnum collectæ

STVDIO

FRANCISCI CIONACCII

Sacerdotis Florentini

Et Auctoris quondam Discipuli.

QVÆ

RERVM INDICIS VICE

Defungi possunt.

Physica

Scientia propria entis mobilis. 5.
Quæ obiecti physici proprietates
& passionēs demonstrat. 3.

Ens

Quod habet esse. 2.
Quod propriè per se est. 2.
Quod propriè per se fit. 2.
Quod recedit à nihilo. 2.

In actu perfectò, quod non mouetur, sed
iam motum est. 116.

In potentia tantùm, quod nondum mo-
uetur. 116.

Medio modo se habens, quod cū sit partim
in potentia partim in actu, mouetur. 116.

Principium

Id, à quo aliquid procedit quocumque
modo

modo.

5.

Id, ex quo sequitur aliud.

5.

Id, vnde aliquid est, aut fit, aut cognoscitur.

5.

Complexum, seu cognitionis, id, vnde aliquid cognoscitur.

5. 8.

Extrinssecum id, quod principiat dando aliquid à se distinctum.

8.

Incomplexum rei in fieri id, vnde aliquid fit.

5. 8.

Incomplexum rei in facto esse id, vnde aliquid est.

5. 8.

Intrinscae connexionis id, ex quo aliud per se oritur.

6. 7.

Intrinssecum id, quod principiat dando se ipsum.

8.

Quod neque ex alterutro, neque ex alio, sed ex hoc omne.

8.

Ordinis, ex quo aliud contingenter sequitur.

6.

Quod non necessario post ipsum aliquid est, & post ipsum aliquid esse vel fieri natum est.

6.

Generatio

Effectio rei ex supposito subiecto.

12. 27

Mutatio substantialis.

14.

Res in fieri.

9.

Transitus essentialis de non esse ad esse.

7.

Transitus subiecti de non esse formæ ad esse formæ substantialis.

12.

[Faint, illegible handwritten notes]



COSMI
Philoso-
phici

Friderici
Giannetti
Asgianensis
Tomus II



Florentiæ


Ex Typogr. Sub Signo Passionis

MDC

LXXXII.



FIRENZE



FRIDERICI GIANNETTI

ALBIANENSIS S. T. D.

*Ex Presbyteris Congregat. Iesu Salvatoris
Insignis Colleg. Flor. S. Laurentij Canonici
atque Academici Arabista*

COSMVS PHILOSOPHICVS

SEV

ARISTOTELICAE PHILOSOPHIAE

Vniuersalis

EXPLANATIO

*In commodum studioſe iuuentutis
edita.*

Sereniſſimo Principi

COSMO III

ET RVRIÆ MAGNODVCI

Dicata.

TOMVS SECVNDVS

Physicam Complectens.



FLORENTIÆ

Ex Typogr. Sanctis Franchij 1682.

Sub Signo Passionis, de Superiorum Licentia

IT IS THE POLICY OF THE

LIBRARY OF CONGRESS TO ACQUIRE
AND PRESERVE FOR THE PEOPLE
OF THE UNITED STATES

ALL BOOKS AND MANUSCRIPTS

WHICH ARE OF PERMANENT VALUE

TO THE HISTORY AND CIVILIZATION

OF THE UNITED STATES

IT IS THE POLICY OF THE

LIBRARY OF CONGRESS TO ACQUIRE

AND PRESERVE FOR THE PEOPLE

OF THE UNITED STATES

ALL BOOKS AND MANUSCRIPTS

WHICH ARE OF PERMANENT VALUE

B-12-G-183

1833

1833

DEFINITIONES

Huius Tomi II.

ARISTOTELICAE PHILOSOPHIAE

I N D E X

Capitum Definitionum.

A

Actio xv.
 Actus xj.

Æternitas xxiiij.

Æuitermitas xxiiij.

Æuunus xxiiij.

Agere xviiij.

Antipathia xxjv.

Appetitus xj.

Ars xjv.

Atomus xij.

Bonum xjx.

C

Causa xjv.

Causalitas xv.

Coexistentia xiiij.

Conditio xv.

Contrarietas xxj.

Corruptio x.

Creatio x.

D

Destructio xviiij.

Diuisio xxjv.

E

Effectus xviiij.

Efficiens causa xvj.

Emanatio xv.

Ens viij.

Entitas causa xv.

Esse in loco xxij.

Existencia xj.

F

Fatum xjx.

Finalis causa xviiij.

Finis xviiij.

Forma xij.

Formalis causa.

xvj.

Fortuna xjx.

Gene-

G ^Generatio jx

I ^Impossibile xij.

Insinitum xxj.

Instrumentalis cau-
sa xvj.

Instrumentum
xviij.

L ^Locus xxij.

M ^Materia pri-
ma x.

Materialis causa
xvj.

Mobilitas xxj.

Motus xx.

Mouens xxjv.

N ^Natura xiiij.

Naturale
xjv.

Negatio x.

Non esse xviiij.

Numerus xxiiij.

P ^Pars xjx.

Passum xviiij.

Physica viij.

Pincipium viij.

Prioritas xjx.

Priuatio x.

Punctum xxjv.

Q ^Quantitas
xxjv.

Quies xxj.

S ^Sympathia
xxjv.

T ^Tempus xxiiij.

Totum xjx.

Transmutari xxiiij.

Transmutatio xxiiij.

V ^Vacuum xij.

Vbicatio xxij.

Virtus causandi
xv.

Vnio xiiij.

4 **DEFI-**

modo .

5.

Id, ex quo sequitur aliud .

5.

Id, vnde aliquid est, aut fit, aut cognoscitur .

5.

Complexum, seu cognitionis, id, vnde aliquid cognoscitur .

5. 8.

Extrinssecum id, quod principiat dando aliquid à se distinctum .

8.

Incomplexum rei in fieri id, vnde aliquid fit .

5. 8.

Incomplexum rei in facto esse id, vnde aliquid est .

5. 8.

Intrinseca connexionis id, ex quo aliud per se oritur .

6. 7.

Intrinssecum id, quod principiat dando se ipsum .

8.

Quod neque ex alterutro, neque ex alio, sed ex hoc omne .

8.

Ordinis, ex quo aliud contingenter sequitur .

6.

Quod non necessario post ipsum aliquid est, & post ipsum aliquid esse vel fieri natum est .

6.

Generatio

Effectio rei ex supposito subiecto. 12. 27

Mutatio substantialis .

14.

Res in fieri .

9.

Transitus essentialis de non esse ad esse .

7.

Transitus subiecti de non esse formæ ad esse formæ substantialis .

12.

Definitiones

21

quibus ens determinatur , est enim quid,
de quo singula horum prædicantur. 20.

Primum subiectum vniuscuiusque , ex
quo fit aliquid , cum in sit non secundum
accidens , & si corrumpitur aliquid , in
hoc abibit vltimum. 19.

Principium passiuum motus. 71.

Pura potentia. 20.

Subiectum aliquod remanens idem in
genito , quod erat in corrupto. 17.

Subiectum, ex quo necessario fiunt quæ-
cunque fiunt. 10.

Subiectum potens recipere quemlibet
actum. 20.

Actus

Metaphysicus seu entitativus , ipsa
realitas, per quam res dicitur esse actu id,
quod est. 21.

Physicus , per quem potentia deter-
minatur ad speciem entis physici. 21.

Existentia

Extra omnes causas existentia. 25.

Vltima actualitas. 26.

Appetitus

Ordinatio rei in bonum. 30.

Elictus , per quem cognoscens bo-
num ordinat se ad ipsum. 30.

Innatus ordinatio à natura indita
in bonum ab appetente non cognitum. 30.

Naturalis ordinatio rei in bonum ab
appetente non cognitum. 31.

Impossibile

Ab intrinseco vel simpliciter, cuius conceptus inuoluit contradictoria. 37.

Ab extrinseco seu secundum quid, ad cuius productionem nequit dari aliquid necessarium, siue sit causa, siue conditio, vel quid simile. 33.

Atomus

Corpus indiuisibile. 9.

Minutissima quædam particula materiæ indiuisibilis seu insecabilis. 37.

Vacuum

Coaceruatum locus omni prorsus corpore carens. 44.

Dispersu seu disseminatum spatiola omni prorsus corpore carentia, quæ inter atomos corpus constituêtes reperiuntur. 44.

Forma

Bonum & perfectio materiæ. 17. 31.

Ratio illa, per quam singulæ res naturales sunt tales substantiæ in tali specie, diuersæ substantialiter ab alijs. 36.

Ratio substantiæ. 35.

Res, per quam subiectum fit de nouo aliquid, quod prius non erat. 10.

Substantia quædam partialis, quæ per vnionem cum materiâ componit substantiam integram totalẽ & per se vnã. 34.

Partis, quæ recipitur in parte totius. 52.

Totius, quæ est in toto. 53.

Tota quidditas compositi. 53.

Materia

Materialis, quæ tam in fieri quam in
esse pendet à materiâ ipsam substantan-
te. 56.

Spiritualis anima rationalis. 56.

Coexistentia

Duorum vel plurium in eodem instan-
ti existentia. 59.

Unio

Entitas modalis. 63

Id, cuius munus est ex materiâ & formâ
vnum facere. 65.

Id, quo extrema sunt principia mo-
tus. 72.

Id, quo principia constituunt compo-
situm. 13.

Nexus plurium. 64.

Nexus principiorum. 13.

Ratio, qua forma aëuat & materia
aëtuatur. 63.

Substantia modalis. 66.

Natura

Author vniuersitatis creaturarum. 67.

Essentia cuiuscumque rei. 67.

Principium & causa mouendi & quie-
scendi in quo est primum & per se, & non
secundum accidens. 68. 69. 73.

Principium motus & status. 4. 68. 115.

Principium motus in composito. 72.

Secunda causa. 67.

Substantiale constitutum rei. 74.

Vniuersitas omnium rerum. 67.

Naturale

Id, quod habet naturam. 4.

Id, quod mobile est. 4.

Totum conflatum ex materia & forma. 71.

Ars

Accidentale constitutum rei. 74.

Causa

Id, ad quod sequitur aliud. 75.

Id, à quo aliquid per se pendet. 75. 76.

Id, per quod satisfit interrogationi, quæ inquitur propter quid aliquid sit. 75.

Per quam satisfit interrogationi propter quid. 79.

Principium per se dans esse alteri realiter & naturā à se distincto. 76.

Principiū per se influēs esse in aliud. 76.

Principium per se primo influens. 80.

Principium, vnde aliquid est, vel esse potest, tanquam à priori naturā. 76.

Quæ per se primo influit in compositum. 80.

Quæ saltem sustentatiuè concurrat ad dandum esse alteri, quod nec identicè quidem est à se. 76.

Extrinfeca, quæ causat non dando se ipsam. 78.

Quæ tendit ut compositum habeat esse. 78.

Intrinfeca, quæ causat dando se ipsā. 78.

Pars totius. 78.

Entitas causæ

Res ipsa, quæ influere in aliud. 80.

Virtus causandi

Ratio illa, vi cuius entitas causæ potest influere. 80.

Causalitas

Actualis influxus in compositum. 81.

Id, quo causa denominatur actu causans. 97.

Processio seu actio effectus à causa. 83.

Actio

Causalitas efficientis, per quam denominatur causa agens in actu secundo. 83.

Accidentalis, qua causa producit accidens. 83.

Substantialis, qua causa producit substantiam. 83.

Instantanea, qua causa producit effectum totum simul. 84.

Successiva, qua causa producit effectum successive. 84.

Immanens, qua causa producit effectum ad intra. 84.

Quæ fit cum mutatione subiecti. 84.

Transiens, qua causa producit effectum ad extra. 84.

Emanatio

Fluxus naturalium rei proprietatū. 84.

Quæ fit sine transmutatione subiecti. 84.

Conditio

Id, sine quo causa exercere nequit suam causam.

causalitatem. 81.

Materialis causa vide *Materia*.

Formalis causa.

Effectus agentis. 80.

Vide Forma.

Efficiens causa.

Id, unde principium mutationis primum aut quietis. 82.

Per accidens, quæ habet quandam cum causâ similitudinem, vel connexionem. 83.

A qua indirectè, & nō vt causâ, effectus pender. 85.

Per se, à qua vt tali directè pender effectus, vt effectus est. 85.

Particularis, quæ non cum alijs causis subordinatis sed se solâ peculiare effectus producit. 85.

Vniuersalis, quæ cum pluribus causis particularibus habet concurrere ad eorū effectus producendos. 85.

Instrumentalis, vide *Instrumentum*.

Principalis, quæ per virtutem nobiliorē vel æquē nobilem cum effectu, influit in actionem, per quam effectus producit. 86.

Æquiuoca, quæ producit effectum à se specie diuersum. 87.

Vniuoca, quæ operando per virtutē propriæ formæ producit effectum eiusdem secum speciei. 87.

Libera, quæ, positis omnibus prærequiritis

fitis ad agendum, potest agere aut non agere. 87.

Necessaria, quæ, positis omnibus prærequiritis ad agendum, non potest non agere. 87.

Moralis, quæ tantum imputatiuè operatur. 87.

Quæ realiter non agit, sed ipsi imputatur effectus. 87.

Physica, quæ per virtutem intrinsicam seu realem operatur. 87.

Partialis, quæ cum consortio alterius in eodem genere & ordine causat totum. 88.

Totalis, quæ sine consortio alterius in eodem genere & ordine producit totum. 87. 88.

Instrumentum

Id quod influit in effectum per virtutem inferiorem effectui, qui produci-
tur. 86.

Actuum seu *naturale*, quod habet in se qualitatem actiuam. 86.

Passuum seu *artificiale*, quod à causâ principali non accipit virtutem actiuam, sed solum motum localem. 86.

Coniunctum, quod non agit nisi vt actu coniunctum causæ principali. 86.

Separatum, quod non eget actuali coniunctione & concursu principalis ad agendum actu. 86.

Passum

P ssum

Terminus actionis. 88.

Agere

Dare alteri esse. 88.

Destructio, seu Non esse

Quid non reale. 89.

Finis seu Finalis causa

Id, cuius gratiâ. 95.

Id, quod causat secundum esse intentionale. 101.

Eius seu qui, res, ad quam adipiscendam agens mouetur. 95.

Cui, illud, cui procuratur finis qui. 95.

Formalis operatio, in qua ultimò sistit agens. 95.

Obiectiuus ipsum obiectum, quod eâ operatione attingitur. 95.

Operantis id, cuius gratiâ, non ipsum opus aut facultas ex propriâ naturâ, sed operans, aut habens illam facultatem, aliquid facit. 95.

Operis id, cuius gratiâ est opus, seu facultas ex propriâ naturâ. 95.

Proximus, qui ita propter se amatur, ut tamen vel ex naturâ suâ, vel ex intentione operantis tendat & referatur in vltiorem finem. 96.

Vltimus, qui ita propter se amatur, ut ad vltiorem finem non ordinetur. 96.

Effectus

Quidquid ponitur vi alicuius causæ. 96.

Naturalis

Naturalis id, quod semper aut frequenter fit. 105.

Per accidens id, quod raro & præ intentionem causæ fit. 105.

Bonum

Id, quod omnia appetunt. 100.

Id, quod trahit ad se voluntatē. 103.

Fortuna

Causa operans ex electione, cuius effectui per se intento coniungitur alter per accidens. 106.

Casus

Causa operans non ex electione, cuius effectui per se coniungitur alter per accidens. 106.

Fatum

Causarum colligantia ex astrorum motibus ac vi efficaciam trahens. 105.

Necessitas rerum omnium actionumque, quam nulla vis rumpat. 105.

Immobilis dispositio in rebus mobilibus, per quam diuina prouidentia suis quæque necit ordinibus. 107.

Totum

Partes collectivè sumptæ. 108. 109.

Quod constat ex partibus. 108.

Pars

Quæ simul cum aliâ constituit intrinsecè totum. 124.

Prioritas

A subsistendi consequentia, cum ex vnius
existen

existentiâ inferitur existentia alterius, nō
è contra. 112.

Dignitatis, vi cuius dicitur prior, qui
maiores obtinet dignitatem. 112.

Naturæ, habitudo eorum inter se, quo-
rum vnum per se determinat aliud ad
existendum. 112.

Motus

Actus entis in potentiâ secundum
quod in potentiâ. 2.

Actus entis in potentiâ in quantum hu-
iusmodi. 3. 116.

Actus imperfectus. 136.

Est de genere continuorum. 117.

Instantaneus, infinitè velox. 119.

Qui fit breuissimo tempore. 119.

Succeffiuus, actus subiecti, quod tendit
ad vltiorem actum. 117.

Irregularis, quandò totus actus non est
vniiformis. 151.

Règularis, quandò totus actus est vni-
formis. 151.

Localis, qui extrinsecè mutat mobi-
le. 131.

Qui minus immutat mobile. 121.

Ratio formalis, qua mobile tendit ad
locum. 138.

Per accidens, cum res mouetur tan-
tùm ad motum alterius. 119.

Per se, cum res proprio motu moue-
tur. 119.

Circu-

Circularis, cum mobile fertur circa aliquod centrum. 120.

Obliquus, cum mobile fertur per lineam transversam. 120.

Rectus, cum mobile fertur per lineam rectam. 120.

Naturalis, qui fit ex principio innato, seu extrinseco, non repugnante passo. 120.

Præternaturalis, qui est à principio extrinseco illum non exigente, nec renitente passo, sed indifferenter se habens. 120.

Violentus, qui fit à principio extrinseco renitente passo. 120.

Mobilitas

Formalis ratio obiecti Physicæ. 4.

Prædicatum intrinsecè constituens obiectum Physicæ. 4.

Quies

Priuationo motus. 73.

In termino ad quem perfectio motus. 153.

In termino à quo contrarium motui. 153.

Contrarietas

Differentia secundum formam. 152.

Infinitum

Cuius finis non est. 121.

Cuius secundum quantitatem accipientibus semper aliquid accipere extractum est. 121.

Quod impossibile est transire. 121.

Transitum habens inconsumabile. 121.

Actu, seu categorematicum, quod secundum

ea, quæ actu conti- et, finē non habet. 121

Potentia seu sy. categorematicum cuius quidquid actu est, finitum est, quod vero potentiā impertransibile est. 121.

Id, in quo dicuntur esse finita in infinitum 121.

Locus

Id, per quod satisfacit interroganti ubi res sit. 133.

Extrinssecus superficies prima corporis continetis immobilis, 133.

Superficies corporis, quæ est in corpore, cuius est superficies. 134.

Communis, superficies mediata tantum rem continens. 135.

Proprius, superficies immediate circumscribens locatum. 135.

Intrinssecus id, per quod corpus locatum constituitur in loco. 136.

Aliqualis unio accidentalis locati cum loco. 136.

Formalis præsentia locati ad talem locum. 137.

Modalis entitas, per quam corpus locatum determinatur ad locum. 136.

Ratio formalis, qua mobile est in loco. 138.

Vbicatio intrinseca. 147.

Vbicatio superaddita loco. 136.

Vbicatio siue Esse in loco

Circumscriptiva esse totum in toto loco

Loco, & partes singulas in singulis parti-
bus loci. 132.

Extēdere partes in ordine ad locū. 155

Definitiva esse totum in toto loco,
& totum in singulis partibus loci. 139.

Tempus

Duratio principium & finem habens
continua & successiva. 146.

Numerus motus secundum prius &
posterius. 144.

Extrinsēcū mēsurā rebus extrinseca. 146

Intrinsecum modalis entitas, per quam
res hoc vel illo tempore formaliter ex-
istat. 146.

Duratio intrinseca. 147.

Duratio superaddita. 146.

Aeternitas

Duratio principio & fine carens. 147.

Interminabilis vitæ tota simul & per-
fecta possessio. 148. 147.

Ævum siue Æuiternitas

Duratio habēs principium led nō finē. 148.

Numerus

Numerans ille, quo numeramur. 145.

Numerus absolutè acceptus & abstra-
ctus à rebus. 145.

Quantitas discreta. 149.

Numeratus, numerus rerum à parte
rei. 145.

Transmutatio seu Transmutari

Per accidens mutatio, quæ accidit ali-
cui

xxjv *Definitiones*

cui non vi eius, quod habet. 150.

Secundum quid, cum res dicitur mutari,
quia aliqua eius pars mutatur. 150.

Simpliciter, cum aliquod primò & per
se mutatur. 150.

Quantitas

Accidens, quo satisfacimus interrogan-
ti quanta res sit. 153.

Continua, cuius partes termino còmunì
copulantur. 153.

Discreta, cuius partes nullo còmunì
termino copulantur. 153.

Punctum

Mathematicum, siuè *Zenonicum*, quan-
tatis pars indiuisibilis adeò minima, vt
illâ minor nequidem concipi possit. 156.

Physicum realis entitas. 166.

Quid realiter indiuisibile, virtualiter
diuisibile. 166.

Indiuisibile physicum. 167.

Diuisio

Còniunctorum separatio. 160.

Mouens

Perfectiū mobilis. 179.

Sympathia

Naturalis diuersorum corporum ad in-
uicem consensio & inclinatio à naturâ
instita. 181.

Antipathia

Diuersorum corporum naturalis dis-
sensio. 181.



INDEX

DISPUTATIONVM QVAESTIONVMQVE

In Octo Aristotelis Libros

De Physico Auditu.

Disputatio Proemialis. 1.
 Quæstio Vnica. Vtrum obiectum Phy-
 sica sit ens mobile. 2.

In I. Librum.

Disputatio I. De principijs rerum natura-
 lium. 5.

Quæst. Vnica. Quot & quæ sint principia
 entis mobilis. 5.

Disputatio II. De Materia prima. 17.

Quæst. I. Vtrum materia prima sit aliquis
 actus entitativus. 19.

Quæst. II. Vtrum materia possit existere sine
 omni forma. 28.

Quæst. III. Vtrum materia prima omnes for-
 mas simpliciter appetat. 30.

Disputatio III. De forma substantiali. 34.

Quæst.

Quæst. I. Vtrum detur forma substantialis. 35

Quæst. II. Vtrum substantialis rerum naturalium constitutio rectè explicetur per solam dispositionem atomorum. 37.

Quæst. III. Vtrum detur, vel dari possit, naturaliter vacuum. 44.

Quæst. IV. Vtrum forma substantialis sit tota quidditas compositi. 52.

Quæst. V. Vtrum formæ educantur de potentia materiæ. 56.

Quæst. VI. Vtrum inter materiam & formam detur unio ab ipsis distincta. 59.

In II. Librum.

Disputatio I. De natura 67.

Quæst. I. Quid sit natura. 67.

Quæst. II. Vtrum ars opera natura facere possit. 74.

Disputatio II. De causis. 75.

Quæst. I. Quotuplex sit causa. 77.

Quæst. II. Quanam sit natura, & quid causalitas causæ efficientis. 81.

Quæst. III. Quotuplex sit causa efficiens. 85.

Quæst. IV. Vtrum causa efficiens ad agendum requirat passum sibi dissimile. 88.

Quæst. V. Vtrum accidentia possint substantiam immediatè producere. 91.

Quæst. VI. Quanam sit effectus, & quæ causalitas causæ finalis. 95.

Quæst. VII. Vtrum bonitas finis sit ratio finalis.

lizandi.

99.

Quæst. VIII. Quid sint fortuna, casus, & fatum.

104.

*Quæst. IX. Vtrum totum physicum distingua-
tur intrinsecè à partibus simul sumptis
& unitis.*

108.

*Quæst. X. Vtrum detur mutua prioritas na-
tura.*

112.

In III. Librum.

Disputatio I. De motu.

115.

*Quæst. Vnica. De natura & proprietatibus
motus.*

115.

Disputatio II. De infinito.

120.

*Quæst. Vnica. Vtrum possibile sit infinitum
actu creatum.*

120.

In IV. Libram:

Disputatio I. De loco.

131.

Quæst. I. Quid sit locus.

131.

*Quæst. II. Vtrum præter locum extrinsecum
detur etiam locus intrinsecus.*

136.

*Quæst. III. Vtrum repugn t idem corpus esse
simul in pluribus locis, aut plura corpora
esse in eodem loco.*

138.

Disputatio II. De Tempore.

144.

*Quæst. Vnica. Vtrum præter tempus extrin-
secum sit admittendum etiam intrinse-
cum.*

In

In V. Librum.

Disputatio Vnica. De speciebus motus. 149.

Quæst. Vnica. Quot sint species motus. 150.

In VI. Librum.

Disputatio Vnica. De continuo. 153.

*Quæst. I. In quo consistat formalis effectus
quantitatis.* 154.

*Quæst. II. Vtrum continuum componatur ex
punctis mathematicis.* 156.

*Quæst. III. Vtrum continuum constet ex di-
uisibilibus in infinitum.* 159.

*Quæst. IV. Vtrum continuum constet ex pun-
ctis physicis.* 166.

In VII. Librum.

*Disputatio Vnica. De motu in ordine ad mo-
torem.* 176.

*Quæst. I. Vtrum omne, quod mouetur ab
alio moueatur.* 177.

*Quæst. II. Vtrum mouens agere possit in mo-
bile distans.* 179.

*Quæst. III. Quo pacto agant pulvis sympathi-
cus & vnguentum armarium.* 181.

In VIII. Librum.

Disputatio Vnica. De primo Motore. 187.

*Quæst. Vnica. Vtrum existat primus Motor
immoibilis.* 187.

In Octo
ARISTOTELIS
LIBROS
De Physico Auditu

DISPVATIO PROEMIALIS

DE Physico scè naturali auditu tractatum hunc Aristoteles inscripsit, tum quia ad audientes per modum doctrinæ traditus est, tum quia cum in ipso rerum naturalium principia, ex quorum notitia totius naturæ pendet cognitio, tradantur, attentâ opus est auscultatione, totis videlicet ingenij viribus in ipsum intendere. Eius subiectum alij dixerunt cum Alberto esse corpus mobile, quorum opinionem meritò non admittit. S. Thom. hîc Sect. 1. hac efficacis signâ ratione ductus, *quia omne mobile esse corpus probatur in isto libro, nulla autè scientia probat suum subiectum, sed supponit.* Alij dixerunt esse substantiam naturalem; alij corpus naturale; alij ens naturale; alij denique, & est sententia S. Thomæ esse ens mobile.

& propterea entia mobilia, ut hinc significatur, non sunt. His prænotatis

Dico. Obiectum physicæ est ens mobile.

Probatur. Illud convenientius dicitur obiectum alicuius facultatis, de quo primo & per se demonstrantur proprietates & passionēs in illā; sed proprietates & passionēs obiecti physicæ demonstrantur in physica primo & per se de ente mobili; ergo convenientius dicitur ens mobile obiectum physicæ. Minor probatur; quia proprietates obiecti physicæ sunt præcipue motus, tam in genere, quam in specie; sed motus primo & per se demonstratur de ente mobili; ergo &c. Minor probatur: quia de illo demonstratur primo & per se motus, quod venit in definitione ipsius motus; sed ens mobile venit in definitione motus; ergo de ente mobili primo & per se demonstratur motus. Minor est certa; nam motus definitur actus entis in potentia in quantum huiusmodi, scilicet mobilis ut mobile.

Ex his intelligitur primo cum assignetur obiectum non sub formalitate corporis; quia scilicet ens est quid notius corpore, in physica enim probatur mobile esse corpus, atque adeo non est notissimum, cum tamen sit notissimum esse ens; & hinc alia ratio desumitur, quia scilicet nulli scientia probat, sed supponit suum obic-

Cum, ergo cum mobile esse corpus probe-
 tur in physica, cum probatur omne mo-
 bile esse diuisibile, esse vero ens non probe-
 tur, sed supponatur, retius assignatur ens
 quam corpus. Secundò propter eamde
 rationem, quia scilicet ens est notissimum,
 substantia verò non est notissima, cum du-
 bitetur an mobile sit substantia, non du-
 bitetur verò an sit ens, non assignatur
 pro obiecto substantia mobilis. Tertiò
 non assignatur ens naturale, sed mobile;
 quia naturale obscurius est mobili, ut eni
 intelligatur naturale debet explicari per
 mobile, dicendo naturale est illud, quod
 mobile est, seu quod habet naturam, quæ
 est principium motus, mobile vero cla-
 rius est; obiectum autem in scientijs assi-
 gnandum est sub formalitate notiori,
 & clariori. Quartò intelligitur quodnā
 discrimen sit inter ens, ut consideratum à
 physica, & ut consideratū à metaphysica
 nam physica considerat, ut includit mate-
 riā sensibilem, scilicet ut est compositum
 ex materiā, & formā; metaphysica verò;
 cōsiderat ens sub aliā abstractione, scilicet
 præcisè, ut recedit à nihilo, & abstrahit à
 materiā. Quintò denique quod mobilitas,
 pro ut hīc sumitur, non est passio seu pro-
 prietas obiecti physice, ut est motus; non
 enim consequitur ipsum obiectum, sed est
 formalis ratio seu prædicatum intrinsecè
 illud constituens.

IN.

Aristotelis Librum de Physico
Auditu

DISPUTATIO I.

De principijs rerum naturalium.

CUm eò præsens labor spectet, ut entis mobilis propriam assequamur scientiam, & hæc, iuxta ea, quæ diximus in Logicâ, non habeatur nisi per cognitionem causarum, opus est ut enucleatè ipsas entis mobilis causas perscrutemur. Quoniam verò causa per principium, veluti per genus, explicari debet, propterea prius de principijs agendum est.

QVÆSTIO VNICA

Quot & quæ sint principia entis mobilis.

Prinzipium est id, ex quo sequitur aliud; quare Arist. 5. Metaph. inquit *Principium esse id unde aliquid est, aut fit, aut cognoscitur*, & D. Thom. 1. Parte Q. 33. Art. 1. *Principium est id, à quo aliquid procedit quocunque modo.* Ex quibus liquet, ad rationem principij duo requiri, scilicet quod sit alio prius, & ut aliud ex ipso aliquo modo sequatur; e. g. ut

Quaest. vnic. Quorū & quae sint 7

id., ex quo aliud per se oritur, & hoc oriri per se duplici pacto fit. Primò non per influxum positium, sed per quamdam necessariam habitudinem, vi cuius fit, ut naturaliter nequeat aliud sequi, nisi ex hoc principio: e. g. naturaliter nequit sequi generatio, nisi ex priuatione formæ introducendæ, ideòque generatio rei naturalis habet intrinsecam habitudinem seu necessarium ordinem ad priuationem, tamquam ad id, vnde sequitur; generatio enim est essentialiter transitus de non esse ad esse; ideòque priuatio est principium generationis, vitalis habitudinis necessaria, non autem per influxum positium, quia cum priuatio sit non ens, non potest positivè influere. Secundò per positium influxum, seu per cōmunicationem sui esse, qui modus cōmunicationis in creatis semper inuoluit dependentiam principiati à principio: e. g. Petrus pater est principium Pauli filij per influxum positium, quia cōmunicat esse Paulo per veram generationem.

Ex dictis clarè intelligitur, quid significauerit Arist. loco citato 5. Metaph. videlicet quòd cum omne principium sit vel rei, vel cognitionis, si sit rei duo habet membra, cum enim quælibet res in duplici tantum statu intelligatur, nempe vel in fieri, vel in facto esse, principia rei

sunt vel principia in fieri, idest, ipsius effectationis rei, vel principia in facto esse, idest rei iam constitutæ; & hoc exponit Philosophus per illas particulas, *unde aliquid est, aut fit*, quarum primæ significant rem constitutam, secundæ ipsum fieri rei. Reliquæ verò *aut cognoscitur*, significant principia cognitionis.

Patet etiam principia alia esse intrinseca, & alia extrinseca. Intrinseca sunt quæ principiant dando se ipsa. Extrinseca sunt quæ principiant dando aliquid à se distinctum: e. g. Petrus pater est principium extrinsecum Pauli filij, quia principiat ipsum non dando se, sed aliud distinctum à se, nempe naturam seu esse filij; materia verò & forma, constituentes naturale compositum, sunt principia intrinseca, quia ipsum constituunt dando se ipsas. De principijs non extrinsecis sed intrinsecis hîc est sermo, quæ definiuntur ex Arist. 1. Physic. tex. 42. *Sunt quæ nequẽ ex alterutris, nequẽ ex alijs, & ex his omnia.*

Ex Philosophis quidam vnum, quidã multa rerum naturalium principia posuerunt. Ex illis, qui posuerunt vnum, Melissus existimauit esse ens, & hoc immobile: cæteri putarunt esse mobile, sic Diogenes affirmavit, omnium rerum principium esse aerem, Thales aquam, Heraclitus ignem. Ex illis verò, qui plura principia posue-

posuerunt, aliqui dixerunt esse finita, alij infinita. Parmenides assignauit duo, scilicet calidum & frigidum, scû ignem & terram; Empedocles posuit sex, nempe quatuor elementa, amicitiam, & littem. Ex his, qui posuerunt infinita, Democritus affirmauit esse atomos, quas dicebat esse corpora indiuisibilia vnius generis & naturæ, quæ tamen differunt, quia habent ad inuicem tres contrarietates; vnâ secundum figuram, quæ est inter curuum & rectum; aliam secundum ordinem, quæ est prioris & posterioris; aliam secundum positionem, videlicet antè & retrò, sursum & deorsum, dextrorsum & sinistrorsum, ita vt ex atomis vnius naturæ fierent diuersa entia naturalia, e. g. canis, lapis, leo, quæ differrent secundum diuersitatem figuræ, positionis, & ordinis atomorum. Anaxagoras posuit infinita principia, non vnius tamen generis & naturæ, sed diuersæ: e. g. infinitas partes carnis, infinitas ossis &c.

Aristoteles 1. Physic. cap. 3. tria esse generationis, scû rei in fieri principia, scilicet subiectum, priuationem & formam: duo verò rei in esse scû in facto esse, scilicet materiam & formam, asseruit.

Quod vt clariùs & faciliùs intelligi posset, prænotauit cap. 1. tex. 34. omnes

naturales Philolophos in eo principio cōueniēte, *ex nihilo nihil fit*, ac propterea si uē in artificialibus, si uē in naturalibus, quæcunque fiunt, necessariò fieri ex aliquo, quod est: e. g. dūm fit statua Cæsaris, necessariò debet esse marmor, æs, lignum, aut aliud subiectum, ex quo fiat: dūm fit homo musicus, necessariò debet esse homo, qui fiat musicus: dūm fit ex ligno ignis, necessariò debet esse lignum, ex quo fiat ignis. Hoc subiectum, quod in omni effectiōe seu mutatione supponitur esse, dicitur materia: res autem illa, per quam subiectum fit de nouo aliquid, quod prius non erat (e. g. figura per quam marmor fit taliter figuratum, musica per quam homo fit musicus, ratio ignis per quam subiectum ex ligno fit ignis) dicitur forma. Quia verò, quod figuratur nunc figura Cæsaris, non erat antea figuratum tali figurâ, & quod fit musicum, aut ignis, antea non erat musicum, nequē ignis; illud non figuratū, non musicum, non ignem, appellat Philolophus priuationem.

Rursus prænotauit, quod in effectiōibus naturalibus subiectum aliquandò permanet essentialiter, quod erat antea; aliquandò mutatur in ipso aliquid essentialē: e. g. cum homo de non musico fit musicus, remanet essentialiter homo, qui

qui erat prius, & sic simul est homo & musicus; at cum ex ligno fit ignis, non remanet lignum & ignis, sed subiectum desinit esse lignum, & suscipit esse seu formam ignis; mutatio primo modo dicitur accidentalis, secundo modo dicitur substantialis; in utraque tamen mutatione semper excluditur oppositum, seu priuatio formæ; sic dum homo fit de non musico musicus, non permanet non musicus; dum lignum de non igne fit ignis, non remanet non ignis. His positis

Dico. Principia entis mobilis in fieri seu generationis tria sunt, subiectum, seu materia, res seu forma substantialis, & oppositum seu priuatio: in facto esse duo tantum, scilicet materia & forma.

Probatur prima pars conclusionis. Principia generationis entis mobilis sunt ea, ex quibus per se primò fit ens mobile; sed hoc per se primò fit ex materiâ, formâ, & priuatione; ergò materia forma & priuatio sunt principia generationis entis mobilis. Maior est definitio principij. Minor patet ex prænotatis, & probatur ulterius; quia præcise intellecto, quod materia transeat ex priuatione ad formam substantialem, e. g. ex non igne ad ignem, habetur & intelligitur adequatus conceptus generationis substantialis; ergò ens mobile per se primò fit

ex materiâ priuatione & formâ substantiali, ergò hæc tria sunt principia generationis entis mobilis.

Ex his patet quam rectè definita sit generatio substantialis, transitus subiecti de non esse formæ ad esse formæ substantialis. Patet etiam discrimen ipsius à creatione; nam in hac, cum fiat ex nihilo simpliciter, nō supponitur subiectum seu materia, ex qua fiat; quare merito dicitur, quod generari est rem fieri ex supposito subiecto, creari verò est rem fieri ex nihilo sui & subiecti. Denique patet ex dictis, quod priuatio principiat ut terminus à quo, ac proindè ut est recedens; forma verò principiat ut terminus ad quem, idèòque specificat generationem, nam iuxtà diuersitatem formarum diuersæ sunt generationes.

Probatur secunda pars conclusionis. Principia entis mobilis in facto esse sunt ea, ex quibus ens mobile primò est, seu quibus præcisè habitis & intellectis habetur & intelligitur esse ens mobile, & quibus non habitis nequè intellectis, licet habeantur & intelligantur omnia alia, non habetur nec intelligitur esse ens mobile: sed præcisè habitis & intellectis materia & forma, e. g. animâ rationali & corpore vnitis, habetur & intelligitur ens mobile, e. g. homo, & his non habitis

tis neque intellectis non habetur neque intelligitur ens mobile; ergò materia, & forma sunt principia entis mobilis in facto esse. Vnio ipsarum nequit dici principium, quia cum sit nexus principiorum non est id, quod primò constituit, sed id quo principia constituunt compositum.

I. Ob. cum Francisco le Rées. Ratio principij generationis potiùs conuenit formæ recedenti, quam priuationi; ergò forma recedens est principium. Antecedens probatur: quia in generatione materia transit de formâ eius quod corrumpitur, ad formam eius quod generatur. Rursùs illi soli tribuenda est ratio termini à quo, cui propriè conuenit expelli vi formæ aduenientis: sed adueniens forma expellit propriè & formaliter formam recedentem; ergò &c.

Resp. Nego antecedens; & distingo probationem. Materia transit de formâ per se, seu ex vi ipsius generationis, nego; per accidens, concedo. Materia igitur primò & per se in generatione substantiali transit de non esse formæ ad esse formæ, quia his præcisè intellectis intelligitur adæquata ratio mutationis substantialis; sicuti enim, vt habeatur mutatio accidentalis, satis est vt subiectum transeat de non esse formæ ad esse formæ accidentalis; e. g. de non esse musici

fici ad esse musici, non verò quod ex formâ accidentali transeat ad formam accidentalem; ita in mutatione substantiali, qualis est generatio êtis mobilis, satis est vt materia transeat de non esse formæ substantialis ad esse eiusdem formæ, non autem requiritur ex vi generationis, vt materia transeat de formâ ad formam. Insuper expelli propriè & per se à formâ, conuenit priuationi, per accidens verò formæ præcedêti, quia illi per se primò conuenit expelli à formâ, cui per se primò opponitur forma: sed forma per se primò opponitur suæ priuationi; ergò per se primò conuenit priuationi expelli à formâ. Conuenit verò per accidens formæ præcedenti expelli, quia scilicet materia non est capax simul duarum formarum. Cōfirmatur & magis declaratur hæc doctrina; quia principia per se generationis sunt, quæ essentialiter & determinatè ad generationem requiruntur: sed forma præcedens hoc non habet, nam si generatio e. g. ignis necessariò requireret formam præcedentem, deberet aliquam formam numero vel specie determinatam requirere: sed non est assignabile, quam determinatè formam requirat, nam generatio ignis æquè fit, si materia transeat à formâ ligni, ac si transeat à formâ stuppæ, papiri, lanæ, palæ, aquæ,

& a.

& aliorum in ignem transmutabilium; ergò nullam specie vel numero determinatam formam præcedentem requirit; ergò nulla forma præcedens est per se principium generationis. Requiritur tamen, per se, vt materia transeat determinatè à priuatione talis formæ ad talem formam.

Dices in mutationibus accidentalibus Aristoteles docet, quod album ità fit ex nō albo, vt non fiat ex omni non albo, sed vel ex nigro, vel ex coloribus medijs; ergò mutatio accidentalis dicit essentialiter formam recedentem; ergò etiam mutatio substantialis.

Resp. Aristotelem rectè asserere, quòd nō quodlibet non album potest fieri albū, quia dantur non alba per negationem albedinis, quæ scilicet sunt incapacia ipsius, sic e.g. Deus, Angeli, anima, sunt non alba, quæ non possunt fieri alba, ideòque dicit, quod vt albū fiat ex non albo, necesse est, vt nō album dicat priuationem, nō autem negationem albedinis, scilicet vt ità sit carens albedine, vt tamen sit capax albedinis; & hoc idem verificatur in generatione substantiali e. g. ignis, fit enim ignis, non ex omni non igne, sed ex eo solum subiecto, quod ità non est ignis, vt tamen sit capax ignis; quare mens Philosophi non est, quòd hæc, vel illa
forma

forma requiratur, ad generationem, sed solum, quod subiectum generationis, transeat de non esse illius formæ cuius sit capax.

II. Ob. Aristoteles docet, principia esse contraria: sed subiectum seu materia, nequè cum formâ, nequè cum priuatione, dicit contrarietatem, cum sit successiue subiectum vtriusque, & cum vtrâque permaneat; ergo materia non est principium.

Resp. Aristotelem docere duo principia, scilicet priuationem & formam, esse contraria, idest opposita, non autem omnia principia; nam Lib. I. cap. 3. tex. 67. ait. *Aliud est subiectum, hoc enim non est contrarium. Quare neque solum contrariis principia quodammodo, sed duo (ut sic dicam) numero, & tex. 68. Manifestum est, quod oportet subijci aliquid contrariis, & contraria duo esse.*

Quæres, an priuatio distinguatur à materiâ?

Resp. Distingui realiter demonstrant rationes Aristotelis, quarum aliquas hîc breuiter adducam. Prima est tex. 60. Ea, quorum vno permanente aliud non permanet, distinguuntur realiter, est enim impossibile, quod permanens & non permanens sint realitèr idem: sed non permanente priuatione, permanet materia; ergo priuatio & materia distinguuntur

tur realiter. Minor patet; nam dum materia de non igne transit ad ignem, permanet materia cum formâ ignis, & non permanet non ignis; ergò &c.

Secunda vt tex. 81. quia cum forma fit bonum & perfectio materiæ, appetitur à materiâ; sed forma expellit & destruit priuationem sibi oppositam; ergò si materiâ & priuatio essent idem, materia appeteret expulsiuum & destructiuum sui, quod est impossibile. Alias rationes videre potes tex. 62. & tex. 69.

DISPUTATIO II.

De Materia Prima.

EX his quæ nuper adduximus ex Aristotelis 1. Phisic. tex. 34. scilicet omnes naturales Philosophos in eo conuenire, quod naturaliter *Ex nihilo nihil fit*, est adeò manifestum dari materiam primam, vt in hac veritate immorandum non sit; quia nomine materiæ primæ intelligimus subiectum aliquod remanens idem in genito, quod erat in corrupto: sed datur in omnium sententiâ tale subiectum; ergò datur materia prima. Minor probatur: quia in omnium sententiâ *ex nihilo nihil fit*; ergò quæcumque fiunt, ex aliquo subiecto fiunt: sed hoc subie-

subiectum est idem in genito, ac erat in corrupto; ergò &c. Minor vltima probatur, quia subiectum, ex quo fiunt quæ fiunt, est id, quod prius non erat tale, & poterat fieri tale: e. g. subiectum, ex quo fit ignis, est illud, quod prius non erat ignis, & poterat fieri ignis; subiectum, ex quo fit animal, est id, quod prius non erat animal, & poterat fieri animal; sed si non remaneret idem in genito, ac erat in corrupto, non haberet hanc potetiam, vt fieret tale quid, quod antea non erat; ergò &c. Minor patet: nam quod naturaliter & necessariè non remanet in genito, non potest fieri genitum; ergò non habet potentiam, vt fiat genitum, ideòque ignis nõ fieret ex subiecto ignibili, neque animal ex subiecto animabili, quod est absurdum; sicuti esset absurdum dicere, quòd æs figurabile figurâ Cæsaris non remaneret idem sub tali figurâ, ac erat antea; ergò in omnium sententiâ concedendum est tale subiectum, quod dicimus materiam primam. Hoc significauit Aristoteles 1. Physic. tex 62. dicens. *Quod autem substantia, & quæcumque alia simpliciter entia ex subiecto quodam fiant, consideranti fiet vtique manifestum, semper ens est aliquid, quod subiicitur, ex quo fit, quod fit, vt plantæ & animalia ex semine. His præmissis, alia ad materiam primam spectantia*

QVÆSTIO I.

*Vtrum materia prima sit aliquis actus
entitativus.*

Materia duplicem tradit definitio-
nem Aristoteles; prima habetur
1. Physic. tex. 82. sic: *Primum subiectum
vniuscuiusque, ex quo fit aliquid, cum insit
non secundum accidens, & si corrumpitur
aliquid in hoc abibit vltimum.* Cuius signi-
ficatio, licet pateat ex dictis, tamen cla-
ritatis gratia hinc adducitur.

Dicitur *subiectum*, quia subiicitur for-
ma, quam recipit, & cum qua constituit
compositum. Dicitur *primum*, quia in
quâlibet substantiali generatione primo
supponitur materia, ne res dicatur fieri
ex nihilo. Dicitur *vniuscuiusque*, scilicet
forma, quia potest omnes formas
substantiales recipere successivè. Dicitur
ex quo aliquid fit, scilicet compositum;
nam recipiendo varias formas, varia
cum ipsis composita constituit. Dicitur
non secundum accidens, scilicet constitu-
tium substantiale & per se. Dicitur *cum
insit*, scilicet est principium compositi in
trinsecum. *Et si corrumpitur aliquid,
in hoc abibit vltimum* significant, quod
materia est id, quod in corruptione non
corrumpitur, sed, vt diximus, remanet ea-
dem ingenito.

Se-

Secunda materiæ definitio habetur 5. Metaph. tex. 8. *Materia per se ipsam neque quid, neque quantum, nec aliquid aliud quidpiam dicitur, quibus ens determinatur, est enim quid, de quo singula horum prædicantur.*

Dicitur *neque quid* scilicet non est neque hæc neque illa substantia completa, quare per ipsam non potest responderi ad interrogationem quid absolutè & simpliciter, ad quam responderi solet per substantiã completam, dicendo v. g. est homo, lignum &c. *neque quantum, nec aliquid quidpiam dicitur, quibus ens determinatur,* quia cum quantitas determinet ens ad esse tantum, qualitas verò ad esse tale, materia per se nihil horum facit. Dicitur *est enim quid, de quo singula horum prædicantur,* scilicet est capax recipiendi ista omnia, quia recipiendo formam substantialem, ponitur in prædicamento substantiæ, recipiendo quantitatem fit quanta, recipiendo qualitatem fit talis.

Ex his clarè constat, materiam esse subiectum potens recipere quemlibet actû, siue substantialem, siue accidentalem, ac propterea communiter pura potentia vocatur. Hinc desumunt fundamentum Thomistæ dicendi, materiam nullum actû sibi identificare, sed omnem habere vi formæ. Scotistæ verò, cum alijs, actum constitutum, & propriam existentiam
ipfi

ipsi concedunt independenter à formâ.

Vt clarè procedamus, prænotandum est, quòd actus alius est physicus, alius methaphysicus seu entitativus. Physicus est, per quem potentia determinatur ad speciem entis physici; e. g. forma ignis, per quam determinatur ad esse ignem; anima, per quam determinatur ad esse animal. Metaphysicus seu entitativus est ipsa realitas, per quam res dicitur esse actu id, quod est. Hoc posito

Dico. Materia prima, licèt sit pura potentia, est tamen per se ipsam suus actus entitativus.

I. Probatur; quia materia prima creata à Deo præcisè per suum esse opponitur potentiaè obiectivaè; non enim est in statu puræ possibilitatis, sicuti sunt ea, quæ creari possunt, & nondum creata sunt: sed id per quod aliquid opponitur potentiaè est actus; ergò materia prima per suum esse præcisè est actus, non physicus, ergò entitativus. Minor patet; quia potentia, quæ potentia, nihil opponitur, nisi actus; ergò. Confirmatur quia, quod est per se participatio actus, est aliquis actus: sed materia per se est participatio primi actus, scilicet divini esse, quod est actus purus; ergò materia est aliquis actus. Minor probatur: quia materia per se non est pura n. nihil, sed

sed ens creatum: sed omne creatum per se est participatio diuini esse, habet enim suam bonitatem, non à se, sed per participationem diuinæ bonitatis; ergò materia est participatio diuini esse, seu actus puri; ergò est aliquis actus saltem entitatus.

II. Prob. Quia quod per se est actu receptiuum, habet per se aliquam actualitatem: sed materia est per se actu receptiua formæ; ergò per se habet aliquam actualitatem. Maior patet: quia ut vas sit per se actu receptiuum aquæ, debet per se habere actualitatem vasis; ut lignum sit per se receptiuum caloris, debet per se habere actuale esse ligni; & sicut esset incongruum dicere, quod vas fieret actu vas per aquam, aut lignum actu lignum per calorem, ita est alienum à veritate dicere, quod materia fiat actu subiectum receptiuum per formam.

Ex his manifestè deducitur etiam, quòd materia per se habeat propriam existentiam, quia per se existere est habere per se entitatem positam à causâ in rerum naturâ: sed independenter à formâ hoc habet materia, cum neque sit in causâ, neque sit purum nihil; ergò independenter à formâ seu per se existit. Confirmatur; quia materia per se præsciudendo à formâ est entitas creatâ; ergò

ergò præscindendo à formâ est entitas existens. Consequentia probatur: quia creatio terminatur ad actualem entitatem, extrahit enim rem de statu possibili ad statum existentie; ergò si per se materia est creata, est per se actualis entitas, seu existens. Hinc intelligitur, quid significauerit Commentator 3. de Cælo Comment. 29. dicens, *omnem potentialitatem passivam fundari in aliqua actualitate*, scilicet intellexit fundari in actualitate entitativa & existenciali ipsiusmet potentie passivæ. Nec ab hac doctrinâ videtur recedere S. Thomas 1. Physic. lect. 60. assignans enim differentiam inter priuationem & materiam, dicit, *quod priuatio est non ens per se, materia verò est non ens secundum accidens, sicuti æs infiguratum*; ex quibus verbis deducitur, quod sicuti æs per hoc, quod sit in potentia ad figuram, & habet per se non esse figuratum, tamen est per se actuale ens & existens, ita materia, licet sit in potentia ad omnem formam physicam, & sic habeat non esse formam, tamen habet suæ entitatis actualitatem.

I. Ob. Materia prima est pura potentia; ergò nullum habet actum. Consequentia probatur: quia si purus actus, qualis est Deus, haberet aliquam potentialitatem, non esset purus; ergò etiam

pura

pura potentia habens aliquam actualitatem non esset pura. Confirmatur: quia si materia per se esset ens actu, non fieret ex ipsa & forma vnum per se, nam ex duobus entibus in actu non fit vnum per se.

Resp. Distinguo antecedens; est pura potentia in genere physico, concedo; in omni genere etiam metaphysico, nego antecedens; ad probationem nego paritatem. Primò quia Deus ideò nullam potest includere potentialitatem, quia est actus purus simpliciter, & in omni genere; at materia est potentia pura, solum in genere physico, & in hoc genere nullum includit actum scilicet physicum, non autem est potentia in genere metaphysico & entitativo. Secundò quia esse actum est perfectio, & non repugnat quòd detur perfectio ita pura, vt omnem imperfectionem excludat, ideòque non repugnat, quòd detur purus actus in omni genere. At esse potentiam est imperfectio, repugnat autem quòd detur entitas realis cum tantà imperfectione, vt nullam includat per se perfectionem; si enim nullam includeret perfectionem, nullum esset bonum, & sic non ens; bonum enim & ens idem sunt; pura ergò potentia, in omni genere, esset non ens, seu simpliciter nihil; quare cum materia
per

per se sit ens, & quid bonum, nequit esse absolute pura potentia, sed tantum potentia in aliquo genere, videlicet physico. Ad Confirmationem dico ex duobus entibus in actu completis, e. g. ex duobus lapidibus, ex duobus leonibus, non posse fieri vnum per se, quia ista per se non ordinantur ut perfectum & perfectibile: at ex duobus incompletis, quorum vnum se habeat ut perfectibile, aliud ut perfectum, fieri potest vnum per se: materia autem est ens in actu incompleta, cum sit per se complebilis per actum physicum seu formam substantialem, non autem ens in actu completo. In hoc eodem sensu intelligitur, quod materia sit potentia ad omnem substantiam completam, non autem ad substantiam incompletam, sicuti quod sit non ens, idest in potentia ad ens completum, quod solet dici absolute ens, non autem ad ens incompletum. Hic vnum est aduertendum, quod aliud est esse puram potentiam, aliud est esse in pura potentia; nam esse in pura potentia dicit absolute nihil esse actu, & posse esse; at esse puram potentiam, significat esse actu aliquam entitatem, quae possit recipere actum eius generis, in quo est potentia.

II. Ob. Existencia est extra omnes causas sistentia; sed materia non est e-

extrà omnes causas, nisi per formam; ergò non habet existentiam nisi per formã.

Resp. Distinguo maiorem: existentia completa est extrà omnes causas existentia, concedo; existentia incompleta, nego: sicuti ergò res completè existit per existentiam extrà omnes causas, ita si per se sistatur extrà aliquas, existit incompletè; & quia materia per se, præscindendo à formã, sistitur extrà suam causam efficientem, propterea eius existentia incompleta dicitur. Nec obstat, quòd aduersarius dicat, existentiam esse ultimam actualitatem, nam est ultima in genere metaphysico & entitativo, non autem in genere physico; vel si instet esse ultimam in quouis genere, dicatur, hoc verum esse de existentia completã, non autem de incompletã.

Instabis. Materia non potest existere sine formã; ergò existit per existentiam formæ.

Resp. Transeat antecedens, & nego cõsequentiã; nã etiam dato & non cõcesso, quòd materia existere non posset sine formã, non indè rectè concluderetur, quòd existeret per existentiam formæ; nam etiam corpus existere nequit sine loco, & tamen non existit per existentiam loci, quia aliud est existere necessariò cum alio, aliud est existere vi illius. Primum dicit solam connexionem duorum, quam
utique

utique naturaliter habent ad inuicem
matetia & forma; ex qua tamen conne-
xione non bene infertur, quòd vna exi-
stat per existentiam alterius. Secundum
dicit, quòd vnum existat per existentiam
alterius, & hoc non competit materiæ:
cum enim materia sit prior formâ (præ-
supponitur enim ad eius productionem)
nequit existere vi formæ.

*Quæres. Vtrum materia sit ingenera-
bilis & incorruptibilis?*

Resp. Ex dictis clarè patere, esse inge-
nerabilem & incorruptibilem naturali-
ter, quia naturaliter generari est rem-
fieri ex præsupposito subiecto: sed mate-
ria, cum sit primum subiectum, non potest
fieri ex præsupposito subiecto, alioquin
esset primum & non primum subiectum;
ergò nequit generari. Similiter corrup-
pi est desinere esse remanente subiecto:
sed materia nequit desinere esse remanen-
te subiecto, quia, cum sit vltimum subie-
ctum, esset simul non vltimum; ergò ne-
quit naturaliter corrumpi. Dixi *naturali-
ter*, nam Deus per suam potentiam posset
destruere materiam non corrumpendo,
sed annihilando, sicuti potest Angelos,
& alias creaturas naturaliter incorrupti-
biles annihilare. Hæc omnia expresse
docet Aristoteles 1. *Physic.* cap. 5.
tex. 84.

QVÆSTIO II.

*Utrum materia possit existere sine
omni forma.*

VLtima instantia, superiori quæstione
proposita, poscere videtur, ut hîc
breuiter examinemus, an possit existere
materia omni prorsus formâ spoliata.

Suppono, quod apud omnes Peripateticos
indubitatum est, videlicet naturali-
ter non posse materiam omni prorsus for-
mâ substantiali spoliari, sed necessariò ad
expulsionem vnius aliam introduci. Hoc
tùm experientia, tum ratio suadet. Ex-
perientia quidem; nam videmus quod
corrumpitur semen, & transit in plan-
tam; corrumpitur planta, & transit in
ingnem &c. vnde sicut ex nihilo nihil fie-
ri, ita in nihilum nihil reuerti videmus.
Ratio vltior est, quia nullum agens in-
tendens ad malum operatur; sed cor-
ruptio, cum sit ad non esse, est malum;
ergò nullum agens operatur intendens
præcisè corruptionem; ergò intendit po-
sitionem alicuius esse, seu nouæ formæ in
materiâ, ex qua positione sequitur desi-
tio, seu non esse prioris; quare veri-
ficatur illud commune proloquium, ge-
neratio vnius, est corruptio alterius, sicut
corruptio vnius est generatio alterius.
His positis

Dico

Dico. Materia potest supernaturaliter spoliata omni formâ substantiali existere.

Prob. Quia possibile est, quod nullam inuoluit contradictionem: sed materiam existere spoliatam omni formâ substantiali, nullam inuoluit contradictionem, cum hæc non sit assignabilis, ut patebit in solutione obiectionum; ergo est possibile.

I. Ob. Impossibile est existere à parte rei aliquod indiuiduum, quod sit in nullâ specie entis determinati: sed hoc esset materia omni formâ substantiali spoliata, species enim desumitur à formâ; ergo est impossibile existere omni formâ substantiali spoliatam.

Resp. Nego minorem; nam materia esset in specie metaphysicâ entis determinati, quia esset substantia incompleta. Dum dicitur quod species desumitur à formâ, verum est de specie physicâ e. g. ignis, leonis, hominis &c. non verè de specie metaphysicâ.

II. Ob. Nequit materia esse sine omni formâ accidentali; ergo multo minùs sine omni substantiali. Antecedens patet; quia nequit esse sine omni duratione, sine omni vicatione &c. Consequentia probatur; quia materia magis ordinatur ad formam substantialem, quia est eius finis, facitque cum ipsâ maiorem vnita-

tem, magisque ab ipsâ pendet, quàm à formâ accidentali.

Resp. Transeat antecedens, & nego consequentiâ, eiusque probationem; nam materia non ordinatur ad formâ substantialem, vt ad suum finem; sed tam ipsa, quàm forma ordinatur ad totum, quod est finis vtriusque. Nec etiam facit vnitatem cum formâ, siue substantiali, siue accidentali, semper enim realiter & physicè à formis distinguitur, solùmque cum ipsis vnitur. Nec denique pendet ab vllâ formâ, cum nec fiat, nec conseruetur vi formæ.

QVÆSTIO III.

Vtrum materia prima omnes formas simpliciter appetat.

Appetitus est ordinatio rei in bonum. Alius est elicitus, alius innatus. Elicitus est, per quem cognoscens bonum ordinat se ad ipsum: si cognitio sit tantùm sensitiva, appetitus animalis seu sensitivus dicitur, qualis est in cane, equo &c. si sit intellectiva, appetitus rationalis vocatur, qualis est in homine. Innatus est ordinatio à naturâ indita in bonum ab appetente non cognitum: e. g. lapidis appetitu innato appetit centrum. Certum est appetitum elicitedum non competere materiæ, cum non sit cognoscitivus.

Quæst. III. De appetitu ad form. 31

ua. Appetitum quoque innatum negauit ipsi Auicenna, quia putauit ad hunc appetitum esse necessariam aliquam formam identificatam cum ipso appetente.

Dico. Materia prima appetitu innato appetit omnes formas simpliciter.

Probatur. Quia appetitus innatus est naturalis ordinatio rei in bonum ab appetente non cognitum: sed materia habet huiusmodi ordinationem ad formas simpliciter; ergo &c. Minor probatur; quia formæ simpliciter, idest omnes, siue existentes, siue possibles, siue æqualis, siue inæqualis perfectionis, sunt bonum materiæ, sunt enim id, cum quo materia ita totum constituit, vt non minus cum vnâ, quam cum aliâ, cuiusuis sit perfectionis, constituat; ergo ad omnes simpliciter habet appetitum innatum.

Ex his intelligitur, appetitum materiæ ad formas esse ipsam potentiam seu proportionem, quam habet ad ipsas; et quia est omnibus formis æquè proportionata; cum per se sit subiectum vniuscuiusque, ideò et ad quas habet, et ad quas non habet, appetitum retinet, quia dum vnâ habet, non definit propterea esse ipsi proportionata.

I. Ob. Materia nequit simul habere formam quam habet & quam non habet, perfectiorem & imperfectiorem; ergo
B 4 nequit

nequit simul appetere omnes simpliciter.

Resp. Concesso antecedenti nego consequentiam: quia licet materia non appetat similitatem formarum, tamen simul cum appetitu unius, habet appetitum alterius, imò appetitus unius est appetitus omnium, quia talis appetitus est ipsa entitas & potentia materiæ, quæ eadem est respectu omnium formarum. Aliud est ergò simul appetere omnes, aliud appetere omnes simul. Primum dicit, unam & eandem entitatem esse omnibus proportionatam, & hoc verificatur de materiâ: secundum dicit similitudinem ipsarum formarum, quæ utique repugnat.

II. Ob. Materia appetit formam ut bonum suum; ergò magis appetit meliores ut maius bonum. Confirmatur; quia esuriens magis appetit meliorem, quàm deteriolem cibum; ergò & materia, quæ esurit formas, magis appetet meliores; ergò non appetit omnes simpliciter.

Resp. Concesso antecedenti nego consequentiâ: ad confirmationem distinguo antecedens; magis appetit meliorem, quàm deteriolem cibum, appetitu delectationis, concedo; appetitu satietatis, nego: si enim esuriens velit solum satiari, & non delectari, quia omnes cibi æqualiter

liter satiant, omnes æqualiter appetit, in quo materia esurienti similis est, appetit enim materia solùm satiari, idest aëuari substantialiter, vt constituatur totum substantiale; & quia tam substantialiter aëuatur, & totum substantiale constituit, per meliorem ac deterio rem formam, propterea omnes æqualiter appetit.

III. Ob. Materia non potest appetere formas corruptas; ergò non appetit omnes simpliciter. Antecedens probatur; quia materia nequit appetere impossibile: sed formæ corruptæ sunt naturaliter impossibiles, cum nulla sit virtus in naturâ valens eas reproducere; ergò nequit materia appetere formas corruptas.

Resp. Nego antecedens, & distinguo maiorem probationis; materia nequit appetere impossibile simpliciter, concedo; impossibile secundùm quid, nego. Potest aliquid dupliciter esse impossibile, primò ab intrinseco, scilicet quia conceptus ipsius inuoluit contradictoria, vt homo lapis, & tunc dicitur impossibile simpliciter, ad quod implicat aliquam dari potentiam, siuè actiuam, siuè passiuam. Secundò ab extrinseco; scilicet non quia ipsius conceptus innoluat contradictoria, sed quia naturaliter nequit dari, vel causa, vel conditio, aut quid si-

mile ad eius productionem necessarium, & tunc non dicitur simpliciter & absolute impossibile, sed solum secundum quid. Primum dicunt alij impossibile quoad substantiam, secundum quoad modum ad impossibile. In hoc secundo sensu non repugnat dari potentiam, quia cum intrinsece spectatum sit absolute possibile & non repugnans, nullum est inconueniens, quod ab aliquâ potentiâ respiciatur. Sic si Deus destrueret omne visibile, & conseruaret oculum, adhuc oculus esset naturaliter potentia visiva, licet visibile non esset naturaliter producibile; & de facto materia est naturalis potentia ad formam rationalem, licet naturaliter non sit possibilis anima rationalis, sed solum supernaturaliter. In hoc ergo sensu formæ corruptæ sunt appetibiles à materia, quia est proportionata ipsis, tam post quam antè corruptionem; nam si reproducantur, habet eandem capacitatem ad ipsas recipiendas, ac habebat antequam corrumpere.

DISPUTATIO III.

De forma substantiali.

Nomine formæ substantialis intelligimus substantiam quandam partialem, quæ per unionem cum materia
com-

componat substantiam integram, & totalem, & per se vnam; quare Aristoteles ipsam dicit, esse rationem substantiæ, idest id, propter quod res hæc aut illa est certa & determinata substantia, e. g. homo, leo, lignum &c.

QVÆSTIO I.

Vtrum detur forma substantialis.

DIco. Datur in omnibus rebus naturalibus seu corporeis forma substantialis.

I. Prob. Datur in homine forma substantialis; ergo & in cæteris naturalibus seu corporeis datur forma substantialis. Antecedens est certum; quia datur in homine anima rationalis, quæ per unionem cum materiâ componit integram & totalem substantiam hominis per se vnam. Consequentia probatur; quia cæteræ res naturales sunt eiusdẽ ordinis generationis & corruptionis, ac homo; ergo si datur in homine, etiã in illis datur forma substantialis. Consequentia probatur; quia ideò ex hominis generatione & corruptione colligimus dari in ipso formam substantialem, quia in generatione hominis fit mutatio materiæ à non esse talis substantiæ ad esse talis substantiæ, & in corruptione fit mutatio ab esse talis substantiæ ad non

esse talis substantiæ: sed in generatione & corruptione cæterorum naturalium fit hoc idem; ergò etiam in ipsis datur forma substantialis. Minor inductione patet; nam in generatione leonis, canis, ignis, ferri &c. ex non leone, non cane, non igne, non ferro, fit leo, canis, ignis, ferrum, & è contra in corruptione. Confirmatur; quia nullum est assignabile signum & fundamentum, ex quo affirmetur in homine forma substantialis, quin hoc idem reperiatur etiam in cæteris naturalibus; ergò si est in homine forma substantialis, est etiam in cæteris naturalibus.

II. Prob. Quia in omnibus naturalibus, præter materiam communem, datur id, per quod singula sunt tales substantiæ in tali specie: e. g. in terrâ, ligno, igne &c. præter materiam communem datur id, per quod terra est talis substantia diversa essentialiter à ligno, & lignum est talis substantia diversa essentialiter à terrâ, & igne: sed nomine formæ substantialis nihil aliud intelligitur, nisi ratio illa per quam singulæ res naturales sunt tales substantiæ in tali specie, diversæ substantialiter ab alijs; ergò datur in omnibus naturalibus forma substantialis. Confirmatur; quia, vt superius vidimus, materia est eiusdem rationis in omnibus natu-

naturalibus; ergò in ipsâ solâ non potest consistere eorum essentia, alioquin omnia essent eiusdem essentia, & solum accidentaliter differrent: ergò debet in rebus naturalibus aliquid admitti, quod substantialiter perficiendo materiam, perficiat & integret ipsarum essentiam: hoc aliquid intelligimus nomine formæ substantialis; ergò.

I. Ob. Possunt omnes differentia substantiales saluari per solam dispositionem atomorum, ut ait Democritus relatus *Disp. 1. de principis quæst. unic. versu ex Philosophis*; ergò non sunt admittenda formæ substantiales.

Resp. Hæc obiectio petit specialem difficultatem, quam oportet quæstione sequenti examinare.

QVÆSTIO II.

Vtrum substantialis rerum naturalium constitutio rectè explicetur per solam dispositionem atomorum.

Democritus & Epicurus, quorum opinionem hoc nostro sæculo cum eruditissimo Gaslendo sequuntur multi, atomos & vacuum esse naturalium omnium constitutiva principia putarunt. Atomi sunt minutissimæ quædam particulae materiæ, indivisibiles seu insectiles, quæ singula, licet sensibus percipi nequeant,

ant, habent tamen proprias figuras. Sunt autem indiuisibiles, quia solidæ sunt, continuæ & non porosæ, ad hoc enim, ut res diuidi possit, debet inter eius partes aliquod spatium vacuum intercipi. Hæ sunt rerum naturalium materies, quæ ut in certâ substantiæ specie v. g. leonis, ferri, constituatur, non requiritur alia substantia seu forma substantialis, sed satis est modificatio atomorum, nempe varia configuratio, quæ certis motuum legibus afficiat composita. Tria igitur docet hæc sententia. Primum est, materiam constari ex minutissimis particulis physicis indiuisibilibus, & hoc nobis non displicet. Secundum est, inter partes materiæ dari spatia vacua. Tertium est, substantialem differentiam, inter vnâ rem & aliam, haberi per variam illarum partium configurationem, & non per formam. Hoc vltimum hîc examinandum suscipimus, acturi de vacuo quæstione sequenti.

Dico. Nequit rectè explicari substantialis rerum constitutio & differentia, per solam dispositionem atomorum.

I. Prob. Quia si diuersitas figuræ, situs, ordinis, magnitudinis, & motus, sufficeret ad constituendam substantiam in determinatâ specie diuersâ substantialiter ab alijs, quotiescumque in aliquo corpore

pore poneretur diuersitas illa, corpus illud indueret nouam specie substantiam: sed hoc non sequitur; ergo diuersitas figuræ, situs, ordinis, magnitudinis, & motus, non sufficit ad constituendam indeterminatâ specie substantiâ. Maior est indubitata; nam idem vt idem semper facit idem. Minor experienciâ probatur; nam si eiusdem ligni partes in diuersam figuram, e. g. ex quadrata in rotundam, triangularem &c. formentur, si mutant situm & ordinem, ita vt quæ erant antè, ponantur retrò; quæ erant priores, fiant posteriores, & è contra; quæ sursum, ponantur deorsum; si aliquæ minoris fiant magnitudinis, & quouis motu moueantur, semper remanet lignû, eiusdem substantiæ ac erat prius; idemque sequitur in cerâ, aquâ, & alijs omnibus corporibus præsertim homogeneis, quorum partes diuisæ, & in aliam quamuis figuram, situm, ordinem, magnitudinem, & motum transeuntes, adhuc eiusdem, cuius erant prius, substantiæ remanent; ergò præfata diuersitas non sufficit ad explicandam substantialem indeterminatâ specie constitutionem & differentiam.

II. Prob. Quia nequit esse vera sententia, cuius principia per se ad falsitatem, ducunt: sed principia sententiæ explicantis

tis substantialem constitutionem & differentiam per configurationem atomorum, ducunt per se ad falsitatem; ergò nequit esse vera. Maior est certa; nam veritas veritati non aduersatur, sed cum ipsa coheret. Minor probatur; quia est manifesta falsitas; quòd substantialis constitutio & differentia hominis à cæteris naturalibus sit configuratio atomorum: sed præfatæ sententiæ principia ducunt ad dicendum, quòd substantialis constitutio & differentia hominis à cæteris naturalibus sit prædicta configuratio; ergò ducunt per se ad falsitatem. De maiori nemo dubitat, qui se animam rationalem habere cognoscat. Minor probatur; quia principia præfatæ sententiæ docent, quòd ideò perfectior est in plantâ modus essendi & operandi, quàm in lapide; perfectior in verme, quàm in planta; & perfectior in cane, quàm in verme; quia perfectior in vno, quàm in alio est atomorum configuratio, quæ sicuti vnumquodque in specie perfectiori constituit, ità nobiliorem tribuit operandi modum, facitque vnum substantialiter ab alio differre; ergò dicendum similiter est, quòd ideò nobilior est modus essendi & operandi in homine quàm in cane, quia in illo perfectior est atomorum configuratio, per quam homo in tali specie constituitur

luitur, & à cæteris naturalibus substantia-
liter differt. Consequentia probatur;
quia si perfectior configuratio atomorum
facit, quòd canis potius, quàm vermis,
cognoscat & sectetur dominum, alia-
que operationes longè nobiliores, quàm
vermis efficiat, & per illam sit in tali mo-
do substantiali essendi diuerso substantia-
liter à cæteris; cur in homine non dice-
retur nobiliorem ipsius essendi & ope-
randi modum in nobiliori configuratio-
ne atomorum consistere? Sed hæc omnia
sunt manifesta falsitas; ergò principia
sententiæ Atomistarum ducunt per se ad
manifestam falsitatem.

Dices Catholicam fidem docere, in
homine esse animam rationalem, quæ
dat esse homini, ideòque dici non posse,
quod sit configuratio atomorum.

Resp. Ergò præscindendo à fide, &
stando in puris naturalibus, sententiæ
Atomistarum ducit, ad dicendum non es-
se in homine formam substantialem ra-
tionalem, quod est manifesta falsitas.

I. Ob. Ars imitatur naturam: sed ars
facit diuersa opera per diuersam confi-
gurationem paruorum & magnorum
corporum; ergò & natura facit diuersa
composita, per diuersam configuratio-
nem atomorum. Confirmatur; quia si
dentur formæ substantiales à Peripateti-
cis

cis assignatæ, fient ex nihilo, sed ex nihilo nihil fit; ergò nō dantur tales formæ.

Resp. Concessa maiore distinguo minore. Ars facit diuersa opera, diuersitate accidentali, concedo; diuersitate substantiali, nego. Ex eo quod ars imitetur naturam, sequitur non attingere perfectionem ipsius naturæ, sed eius opera esse inferiora operibus naturæ, per hoc enim, quod variè disponat parua & magna corpora format res tantum secundum accidens, & inter se accidentaliter, non non verò substantialiter diuersas, ut patet in scamno, mensâ, & cathedrâ, quæcum differant solâ dispositione corporum, & configuratione, non differunt substantialiter, sed accidentaliter: at opera naturæ differunt in esse substantialiter, ut patet in leone, & plantâ, ideòque non potest eorum esse constitui ex solâ configuratione atomorum, sed requiritur substantia aliqua seu forma, per quam, in esse substantiali constituentur, & differant substantialiter ad inuicem. Ad confirmationem responderetur, quòd sicuti Atomistæ dicunt configurationem atomorum non fieri ex nihilo, quia præcessit materies; scilicet atomi, in potentia quorum erat configuratio, ita dicimus, formam substantialem non fieri ex nihilo, quia præcessit materies, in cuius potentia

tentiâ erat forma , & de cuius potentiâ educitur , quandò fit . Illud autem ex nihilo &c. intelligitur , quod ex nihilo simpliciter, idest tam rei quàm subiecti, nihil fit ; at ex nihilo sui , sed non subiecti, fieri potest & naturaliter aliquid .

II. Ob. Res constituitur ex ijs , in quæ resolvitur : sed resolvitur omne compositum naturale in atomos ; ergò constituitur ex atomis . Confirmatur ; quia frustra fit per plura , quod potest fieri per pauciora : sed constitutio rerum naturalium, fieri potest per solam configurationem atomorum sinè formâ substantiali ; ergò frustra fit per formam substantialem .

Resp. Distinguo maiorem : constituitur ex ijs in quæ resolvitur , & ex aliquo alio , concedo ; ex ijs tantum , in quæ resolvitur , nego : nam etiam in sententia Aristoteli mixtarum constituitur res naturalis ex atomis & configuratione , & tamen non resolvitur in configurationem , sed in solas atomos . Ad confirmationem , nego minorem ; ostensum enim est , solam configurationem atomorum esse insufficientem adtribuendam substantialem diversitatem , quæ reperitur in rebus naturalibus , ideoque non frustra multiplicatur forma substantialis .

QVÆSTIO III.

Utrum detur, vel dari possit, naturaliter vacuum.

QUoniam in Democriti sententiâ, præter atomos & ipsorum configurationem, ad constituenda corpora naturalia requiritur vacuum, hîc de ipso agendum censeo.

Vacuum duplicis generis asseritur, aliud coaceruatum, & aliud dispersum, seu disseminatum. Coaceruatum dicitur locus omni prorsus corpore carens; e. g. si hoc in cubicolo nec aer, nec vllum aliud corpus esset, quod inter hos parietes, pavementum, & fornicem, interciperetur, esset hoc cubiculum vacuum coaceruatum. Dispersum seu disseminatum nihil aliud est, nisi quædam spatiola omni prorsus corpore carentia, quæ inter vnâ, & aliam cuiusvis corporis partem, seu inter atomos corpus constituentes, reperiuntur; hæc vacua spatiola admittenda sunt præsertim ex duplici capite; primo vt corpus sit diuisibile, secundo vt explicetur rarefactio, condensatio, & motus. De utroque vacuo duplici conclusionis statuemus, ac primo de disperso.

I. Dico Non est verisimile dari vacuum dispersum.

I. Prob.

I. Prob. Quia non est verisimile dari id, quod destruit continuitatem inter corporum partes: sed tale vacuum destrueret omninò talem continuitatem; ergò non est verisimile dari. Minor probatur; quia si datur vacuum disseminatum, ut corpus diuidi possit, ibi solùm poterit diuidi, vbi erit tale vacuum: sed corpus diuidi potest in omnes sui partes, ità ut vna pars secundùm se totam separari possit ab alià; ergò inter vnā partem secundùm se totam, & aliam, & sic inter singulas dabitur vacuum: sed partes secundùm id, in quo est vacuum, non se tangunt; ergò vna pars, secundùm nihil sui tanget aliam, alioquin in eo, in quo tangeret, non interciperetur vacuum, & sic ibi non posset esse diuisibilitas; ergò nulla pars continuatur cum alterà; ergò vacuum disseminatum destruit continuitatem inter corporis partes. Confirmatur; quia nulla est necessitas admittendi tale vacuum, ut patebit in solutione obiectionum; ergò non est admittendum.

De vacuo coaceruato, licet multi Atomistarum sentiant non dari, tamen ille naturaliter possibile affirmant.

II. Dico Non potest dari naturaliter vacuum.

I. Probatur. Quia natura summè abhorret à vacuo; ergò nequit dari naturaliter.

ter vacuum. Antecedens probatur ratione, & experimento. Ratione quidem, quia natura summè poscit contiguitatem corporum inter se, ut accipiant & transmittant influentias vnum in aliud; sed per vacuum tollitur ista contiguitas: ergò natura summè abhorret à vacuo, si enim admitteretur vacuum circa aliquod corpus, influxus cælestes, qui ad eius conseruationem necessarij sunt, cum non possint propagari sinè medio, qualitates enim esse nequeunt sinè subiecto, hærent in vltimâ illâ superficie aliorum corporum, & ad illud, circa quod esset vacuum, non peruenirent. Experimento verò probatur primò contrà naturalem grauitatis exigentiam graua non descendunt, imò & ascendunt, quando non admittitur aliud corpus, quod subintrans in locum ipsorum, impediatur vacuum; sic ex fistula vtrinque perforata non descendit aqua, si superius foramen sit clausum, quia nequit subintrare aer ad impediendum vacuum: si verò aperiatur superius foramen, & præbeatur aeri aditus, statim aqua descendit: hoc idem euenit in cado vel dolio pleno aqua vel vino, ex quibus non exit, nisi in parte superiori aperiatur foramen, per quod aer ad impediendum vacuum pateat ingressus. Similiter scyphus immissus aquæ
 sita

situ inuerso extrahitur plenus, vsque ad superficiem aquæ, nec illa descendit, nisi quando potest aer in eius locum subintrare. In cucurbitulis pariter, quæ applicantur infirmis, quo magis euanescebat calor, per quem aer intus existens fuerat rarefactus, & se ad debitam densitatem reducit, eo magis attollitur caro & sanguis, ad impediendum ne spatium relictum ab aere fiat vacuum. Rursus si ex aliquâ fistulâ extrahatur aer (vt patet in illis, quibus vtitur ad extrahendam è puteis aquam) ascendit aqua; ergò euidenter constat naturam summè abhorre-
re à vacuo; ergò nequit dari naturaliter vacuum.

Hic notandum est, naturam impedire vacuum illis medijs, quæ minus violenta sunt, si ad impediendum apta fuerint, aliquandò enim grauiora ascendunt, aliquandò non descendunt, aliquandò densiora rarefiunt; vel si alio pacto impediri nequeat vacuum, corpora dirumpuntur, vt patet in follibus, quorum latera perfringuntur potius, quam diducantur; quia nequit aer intus existens tantum rareferi, quantum satis esset, ad impediendum vacuum.

I. Ob. contra primam cōclusionē cum Gassendo. Videmus quod si iniiciatur sal communis in aquam vase conclusam, dissol-

dissolvitur sal usque ad certam quantitatem, & non amplius. Similiter saccharum, alumen, & vitriolum, alijque sales, si in ipsam injiciantur ad certam pariter quantitatem, & non maiorem solvuntur: sed hoc nequit explicari, nisi dicendo, esse in aqua illa plurima spatiola vacua, & hæc diversæ figuræ, scilicet quadratæ, aut cubicæ &c. quarum alia recipiunt intra se particulas salis marini quadratas vel cubicas, alia recipiunt particulas sacchari, alia vitrioli, & aluminis, & quod aqua non plus dissolvit illorum salium, quam spatiola illa possint capere; ergo datur in aqua vacuum disseminatum,

Resp. Quod si talis experientia fiat in tubo vitreo, in quo facile veritas apprehendi potest, manifestè videtur aqua illa, per iniectionem salium, intumescere, quod sane non fieret, si particule salium exciperentur in spatiolis vacuis, atque adeò nihil probat,

II. Ob. Non potest explicari quomodo idem corpus e. g. aer, modò condensetur, modò rarefiat, nisi habeat spatiola vacua, quæ modò ampliari, & modò coarctari possint,

Resp. Ex Aristotel, 4. Physic. cap. 6. tex. 80. quod sicut quandò arcus intenditur fit magis curvus accipiendo maiorem

rem curuitatem, non verò quia ipsi addatur aliud corpus curuum; ita cum corpus per rarefactionem fit maius, per condensationem fit minus, non accipit nouum aliud corpus, nec amittit; sed mutat paruitatem in magnitudinem, vel è contra magnitudinem in paruitatem, scilicet maiorem vel minorem acquirendo vlicationem, vt dicemus agentes de continuo, ideòque non est necesse vacuum disseminatum comminisci.

III. Ob. Contrà secundam concl. Si fistula vitrea in vnâ tantum extremitate perforata impleatur hydrargyro, & deindè apposito digito ad foramen, extremitas illa immergatur in subiectum vas hydrargyro plenum, & perpendiculariter erigatur, subtracto digito hydrargyrum ex superiore fistulæ parte aliquantum descendit: sed in illam partem fistulæ nullum potuit subintrare corpus; non enim subintrauit ex foramine, cum obset hydrargyrum, nec ex poris, cum vitrum non sit porosum; ergò datur naturaliter vacuum.

Resp. Manifestum esse, quod superior fistulæ pars non remanet vacua; si enim applicetur ipsi pannus calidus, hydrargyrum aliquantulum descendit, & si applicetur aqua frigida, rursus ascendit, quod nequit fieri nisi sit intus aliquod

corpus, quod rarefiat & densetur. Rur-
 sùs hydrargyrum non descendere ex totâ
 fistulâ, contrâ propriam & naturalem
 inclinationem, signum est naturam po-
 tiùs retinere in sublimi corpus graue,
 quàm permittere vt detur vacuum, sicu-
 ti daretur, si totum descenderet; ergò
 naturaliter est impossibile vacuum. Si
 quis scire cupiat, quodnam sit illud cor-
 pus, quod superiorem fistulæ partem tunc
 replet, dicam esse particulas quasdam,
 subtilissimas ipsius hydrargyri, quæ itâ
 rarefiunt, vt superiorem illam fistulæ par-
 tem impleant, & hoc indè constat, quia
 si perforetur fistula in superiori parte, itâ
 vt aliquid aeris ingrediatur, particulæ
 illæ subtilissimæ se reducant ad debitam
 densitatem, & deorsum guttatim fluere
 conspiciuntur.

IV. Ob. Datur motus localis: sed hic
 nequit fieri in pleno, alioquin duo in eo-
 dem loco simul essent corpora; ergò da-
 tur vacuum.

Resp. Quòd sicut pisces mouentur in
 loco pleno aquâ, & tamen non sunt duo
 corpora in eodem loco simul, itâ cætera
 mouentur in pleno aere; nam dum corpus
 in aere mouetur, aer qui proximus pro-
 truditur, condensatur, qui verò retrò
 succedit, rarefit, & eodem momento oc-
 cupat locum à mobili relictum, atquæ
 adeò

Adedò nec vacuum nec penetratio corporum datur.

I. Quæres. An diuinâ virtute possit fieri vacuum?

Resp. Diuinæ virtuti possibile est, quod positum, nullam inuolueret contradictionem: sed positum vacuum nullam inuolueret contradictionem; ergò est possibile fieri diuina virtute.

II. Quæres. Vtrum in vacuo fieret motus grauium & leuium?

Resp. Certum, est quòd si e. g. hoc cubiculum esset vacuum, & corpus poneretur contiguum fornici, vel pavimento, non posset indè remoueri, quia fieret rara disiunctio corporis à corpore, & sic locus plenus tali corpore fieret naturaliter vacuus, quod repugnare nuper ostendimus. Si verò corpus graue vel leue poneretur in medio cubiculi, indè moueretur, vel sursum, vel deorsum. Ratio est, quia corpus tam graue, quàm leue essent extra proprium centrum, & esset in ipsis eadem grauitas, & leuitas; ergò tam graue, quàm leue mouerentur.

Dices grauia & leuia mouentur motu successiuo: sed si mouerentur in vacuo, mouerentur motu instantaneo; ergò &c. Minor probatur; quia successio in motu determinatur à corpore intermedio: sed in vacuo nullum esset corpus intermedium.

dium; ergo non esset successio motus.

Resp. Nego minorem; ad probationem
nego maiorem: nam licet aliquid conferat
ad velocitatem vel tarditatem motus
corpus intermedium, tamen successio
illius non habetur adæquatè à resistantiā
medij, sed à maiori vel minori gravita-
te: & hoc patet manifestissimè experien-
tiā, qua videmus, quòd in eodem medio
diuersim habent motum, quoad veloci-
tatem & tarditatem mobilia minùs gra-
uia, & minùs leuia, sic in eodem aere ci-
tius mouetur pila ferrea, quam lignea;
si autem tota successiōis ratio proueni-
ret à medio, cum sit idem, deberent æqua-
liter moueri.

Instabis. Saltem si corpus moueretur
in vacuo, faceret naturaliter nouum
vacuum.

Resp. Corpus in vacuo nulla contine-
retur superficie ambienti, & sic cum nullo
esset loco extrinseco, dum moueretur,
non faceret vacuum.

QVÆSTIO IV.

*Primum forma substantialis sit tota
quidditas compositi?*

Forma alia est partis, alia totius.
Forma partis dicitur, quæ est seu re-
cipitur in parte totius; scilicet in materia
e. g. anima est forma partis. Forma to-
tius

ius est illa, quæ non accipitur in parte
seu in materia, sed est in toto: e. g. hu-
manitas est forma totius hominis, quia
non recipitur in materiâ, sed est in toto
homine. Certum est quod forma hoc se-
cundo modo accepta est tota quidditas,
quia materiam simul & formam com-
prehendit: e. g. humanitas est tota quid-
ditas hominis; quare dubium remanet
de formâ substantiali partis: e. g. an
anima rationalis sit tota quidditas ho-
minis.

Dico. Forma substantialis non est to-
ta quidditas compositi.

Probatur. Quia quidditas rei, & eius-
dem definitio convertuntur; ergo id
constituit totam rei quidditatem, quod
constituit adequatam rei definitionem;
sed sola forma substantialis hoc non præ-
stat; ergo non est tota quidditas rei, sed
compositi. Minor probatur: quia sola
forma, e. g. anima rationalis non est ho-
mo, sed pars hominis: sola forma equi
non est equus, sed pars equi; ergo sola
forma non constituit adequatam rei de-
finitionem, alioquin anima rationalis
separata à corpore esset homo, & animal
rationale, quod est falsum. Confirma-
tur: quia siue quidditas accipiatur meta-
physicè, siue physicè, est species; sed spe-
cies non habetur per solam differentiam.

cum requiratur etiam genus; ergò non habetur quidditas per solam formam. Minor est certa: quia species physica habetur per materiam & formam, quæ simul sumptæ sunt e. g. homo, equus. Species logica seu metaphysica pariter habetur per materiam & formam logicam seu metaphysicam, idest per genus & differentiam. Consequentia probatur: quia sola forma constituit differentiam, non verò genus, ut est manifestum; ergò sola forma non constituit totam quidditatem.

Ob. vnic. Constitutum adæquatum quidditatis & adæquatum distinctivum eius à quovis alio sunt idem: sed sola forma est adæquatum distinctivum compositi à quovis alio, e. g. hominis ab equo; ergò sola forma est adæquatum constitutum quidditatis. Confirmatur: quia si materia quoque constitueret partialiter quidditatem compositi, non esset idem e. g. homo senex ac erat puer, quia cum per nutritionem novæ partes materiae acquirantur, & aliæ ex præexistētibus deperdantur, non habebit eandem materiam senex, quam habebat puer, est sic non erit idem.

Resp. Nego minorem; nam licet per materiam homo non differat ab equo, tamen etiam per ipsam ab illo distinguitur,

cum

cum materia hominis non sit materia
equi, sicuti forma hominis non est for-
ma equi; quādo autem dicuntur homo
& equus in materiā conuenire, significa-
tur quod sint similes in ipsā, non autem
quod sint indistincti; quare vitanda est
equivocatio inter differre & distingui,
nam differre est habere prædicata diffi-
milia, & hoc utique tribuit sola forma;
distingui verò est mutuò negari in recto
vnum de alio, quod perfectiò stat cum
perfectā similitudine vnius ad aliud, ut
patet in duabus animabus rationalibus,
quæ, cum sint perfectè similes, tamen
vna distinguitur ab aliā. Ad confirma-
tionē nego, quod homo senex non habeat
eamdem materiā, quam habebat puer,
quia partes primigeniæ, & humidum
nutrimentale semper remanent, licet ipsis
aliæ nouæ partes addantur; quare homo
senex habet partes primigenias, & alias,
& ita est idem homo, qui per additionem
nouarum partium, est solum accidenta-
liter non verò substantialiter mutatus,
quia & eamdem formam, & eamdem
materiā retinet, quam per generatio-
nem accepit.

QVÆSTIO V.

Utrum formæ educantur de potentia materiæ.

Duplicis classis sunt formæ, aliæ scilicet spirituales, aliæ materiales. Spirituales sunt animæ rationales, quas nullus sanæ mentis Philosophus creari à Deo independentem à materia dubitare potest; cum enim operari sequatur ad esse, & operari animæ rationalis, scilicet intelligere & velle sit independens à materiâ, etiam esse & fieri eiusdem animæ à materia non dependere, atque adeò creari à Deo manifestum est. Materiales sunt, quæ tam in fieri quam in esse pendent à materiâ ipsas sustentante, & de his est quæstio.

Dico. Formæ materiales educuntur de potentiâ materiæ.

Probatur. Quia educi de potentiâ materiæ est fieri dependenter ab ipsâ, non solum ut recipiente, sed etiam ut sustentante, idest iuvante ad primum esse, & ad permanendum in esse: sed formæ materiales ita fiunt, ergò educuntur de potentiâ materiæ. Minor probatur: quia, deficiente sustentatione materiæ, formæ materiales pereunt, ergò fiunt sustentante materiâ. Antecedens est certum; quia nequeunt tales formæ quidquam operari
finè

finè confortio materiæ: sed operari sequitur esse; ergò etiam naturaliter esse nequeunt sine materiâ; ergò pereunt deficiente sustentatione materiæ.

Ex his colligite apud Peripateticos educi de potentiâ materiæ non significare, quod formæ lateant in materiâ, & per actionem efficientis detegantur, & extrahantur, vt aliqui parùm cautè sensere; neque quòd antè generationem formæ sint actu in materiâ, secundùm quasdam ipsarum inchoationes, vt quidam Albertum censuisse putarunt; sed esse siuè produci concurrente per se subiecto seu materia, quæ in fieri & in esse ita in fluat, vt sicut esse non possunt naturaliter nisi materia ipsas sustentet in esse, ita fieri nequeant, nisi earum productio in eadem materia sustentetur; quare anima rationalis cum separata à materiâ naturaliter existere possit, sicuti ad esse non indiget sustentatione materiæ, ita nec indiget ad fieri, & propterea non educitur de potentiâ materiæ.

Colligite rursum, non esse idem dicere, materia continet in potentiâ formas, & materia est in potentia ad formas; nam continere ipsas in potentia, est habere vim eas causandi, sustentando ipsarum fieri & esse: at materiam esse in potentia ad illas, significat solum ipsam habere

bere capacitatem eas recipiendi, qua ratione materia est quidem in potentiâ ad animam rationalem, sed ipsam non continet in potentiâ.

Ob. Aristoteles 7. Metaph. tex. 29. docet artificialia differre à naturalibus, quod in artificialibus solum supponitur materia, ex qua artifex opera conficiat, in naturalibus verò præcedit in materiâ pars formæ generandæ; ergo latent in materiâ inchoationes formarum.

Resp. Legenti locum Aristotelis facile patet, ibi non comparare artificialia cum naturalibus, sed assignare rationem cur ex artificialibus aliqua numquam fiant sine arte, aliqua vero fiant, quandoque sine arte; & dicit, quod aliquando materiæ artificiali est coniuncta virtus aliqua actiua, quæ dicitur pars virtualis formæ introducendæ, & ideo contingit, quod producatuur aliquando forma sine artifice extrinseco: e. g. quandoque producitur sine arte sanitas in animali, quia in ipso est calor naturalis, qui potest aliundè excitari sine artifice: aliquando verò materiæ artificiali non est coniuncta virtus vlla actiua, & tunc numquam contingit fieri formam sine artifice extrinseco: e. g. quia in lapidibus nulla est virtus actiua, quæ sit principium operandi, seu faciendi domum,

pro-

propterea numquam contingit fieri domum sine artifice: nihil ergo ibi tangit Aristoteles de formis naturalibus.

QVÆSTIO VI.

Virum inter materiam & formam datur unio ab ipsis distincta.

QUoniam materia & forma ad hoc ordinantur, ut per unionem mutuam constituent substantiale compositum, examinare hic oportet an talis unio sit quid medium distinctum a materia & a forma.

Dico. Inter materiam & formam datur unio, quæ est modus ab utraque distinctus.

Probatur. Quia nullo alio pacto saluari potest, quod materia & forma facient unum per unionem distinctam; ergo datur unio distincta. Antecedens probatur: si quid esset per quod facerent unum sine unione distincta, esset vel coexistentia utriusque, vel intima presentia unius in altera, vel dispositiones proximè preparantes materiam; sed nihil ex istis sufficit sine unione distincta; ergo. Minor probatur quoad primum: quia coexistentia est duorum in eodem instanti existentia: sed in hoc instanti existit anima mea & corpus Pauli, & tamen anima mea non facit unum cum corpore Pauli: existunt

materia & forma Petri mortui, & tamen non faciunt vnum; ergò non sufficit coexistentia. Quoad secundum: fieri potest vt anima Petri mortui sit intimè præsens, & penetretur cum meo corpore; non repugnat quod vnus lapis penetretur cum alio: sed in his & similibus casibus non facient nihilominus vnum per se anima Petri cum meo corpore &c. licet anima sit actus, & corpus potentia; ergò non sufficit intima præsentia vnius in alio. Quoad tertium de dispositionibus: dari potest forma coexistens, & intimè præsens materiæ proximè dispositæ, & tamen non facere vnum per se cum materia; ergò nec dispositiones, cum coexistentiâ & intima præsentia tantum, sufficiunt ad faciendum vnum per se. Antecedens probatur: quia si penetrentur simul duo corpora homogenea, e. g. duo lapides; forma lapidis A erit coexistens & intimè præsens materiæ proximæ dispositæ lapidis B; & tamen non faciet cum illâ vnum per se; cum enim materia prædicta sit actuata forma lapidis B, est per ipsam ens in actu completo, atque adeò quidquid ipsi aduenit, facit cum ea vnum per accidens; ergò sine vnione distincta non sufficiunt dispositiones proximæ cum coexistentiâ & intima præsentia formæ in materia; ergò datur vnio distincta.

Dices

Dices, præter assignata requiri absentiam alterius formæ ab eadem materia.

Sed contra; quia in casu compenetrationis lapidis A cum lapide B, forma lapidis A facit vnum per se cum sua materia licet in eadem materiâ sit intima præsentia formæ lapidis B: in casu quo anima Petri mortui penetretur mecum, anima mea facit vnum cum meâ materia, licet non absit à meâ materia forma Petri; ergò ad faciendum vnum per se non requiritur absentia prædicta, sed solum non facit vnum forma lapidis B. cum materia lapidis A, anima Petri cum materia mea, quia non est ipsi substantialiter vnita; ergò sine vnione distincta nihil sufficit ad faciendum vnum per se, atque adeò requiritur vnio distincta.

I. Ob. Materia & forma se ipsis essentialiter & immediatè sunt potentia & actus cum mutuo respectu; ergò se ipsis & immediatè vniuntur; ergò sine vnione distincta. Confirmatur: quia ipse modus vnionis per Aduersarios non vnitur per aliam vnionem, sed per se ipsum; ergò & materia & forma vniuntur per se ipsas sine vnione distincta.

Resp. Retorqueo argumentum: materia & forma se ipsis essentialiter immediatè sunt potentia & actus, & tamen non vniuntur sine dispositionibus materiæ

riam

riam reddentibus idoneam, & proximè aptam ad formam; ergò ex eo quod essentialiter & immediatè se ipsis sint potentia & actus, non excluditur aliquid ab ipsis distinctum per quod uniantur. Rursus dispositiones non faciunt, quòd materia non uniat per se & immediatè formæ, licèt sint à materiâ & formâ distinctæ; ergò neque unio media distincta ab ipsidem impedit quo minùs materia per se & immediatè uniat per se formam. In forma; concedo totum enthymema, & nego ultimam consequentiam; quia uniri immediatè & per se dicuntur aliqua, licèt uniantur per quid medium ab ipsis distinctum, quando illud medium est ratio uniens; sicuti oculus dicitur videre immediatè colorem, licèt videat mediante visione ab oculo & colore distincta, quia visio est ratio videndi; materia igitur & forma se ipsis & immediatè uniantur, quia unio est ipsa ratio uniens. Non unirentur immediatè, quando unio non esset ratio uniens, vel si antequàm unio ipsas conduceret, attingeret aliud tertium, sed quia terminatur immediatè ad utramque, & est ratio uniens, rectè sequitur quòd, licèt sit distincta, non impedit quo minus immediatè & per se uniantur. Ad confirmationem concedo antecedens, & nego consequentiã: unio enim

cum

eum sit entitas modalis non indiget alio
ut sit in subiecto; at essentia formæ sub-
stantialis, imò & accidentalis, non est es-
se in subiecto, sed habere aptitudinem
ad informandum subiectum, quæ aptitu-
do, ut determinetur ad actualem informa-
tionem, acquirit vnionem mediam inter
formam & subiectum.

II. Ob. Admissâ vnione distinctâ, ma-
teria non exerceretur potentialitatem re-
spectu formæ, nec forma rationem actus
respectu materiæ; ergò non est admitten-
da. Antecedens probatur: quia vtræque
entitas actuaretur per illum modum v-
nionis; ergò &c.

Resp. Nego antecedens, & ipsius pro-
bationem; nam vnio non actuat, sed est
ratio qua forma actuat & materia actua-
tur; sicuti visio respectu oculi non est illa
quæ videt, sed est ratio qua oculus videt
& obiectum videtur.

III. Ob. Si daretur vnio distincta, non
posset assignari, an esset vna vel duplex.
Non esset vna, quia ut vniret extrema,
deberet in ipsis recipi; vniciens autem mo-
dus nequit recipi in extremis realiter di-
stinctis. Rursus in homine, cuius forma
spiritualis est, vnio non posset esse ma-
terialis, alioquin non posset vnire ani-
mam spirituales, nec in ipsâ animâ reci-
pi, ut deberet; nec posset esse spiritualis,
alio-

alioquin non posset vnire materiam cum animâ, nec posset recipi in ipsâ materia; ergò nequit esse vna. Nec etiam potest esse duplex, quia vel neutra esset vnio, cum vnio sit plurium nexus, vel vna ex illis esset superflua; ergò non datur vnio.

Resp. Vnionem esse vnâ & non duplicem in composito; quia vt tangitur in obiectione, cum conceptus vnionis sit nexus plurium, eo ipso quod in composito intelligitur vnio inter materiam & formam, intelliguntur hæc duo connexa. Ad illud quod dicitur, vt vniret extrema, deberet in ipsis recipi, respondendum est, sufficere quod in alterutro ipsorum recipiatur, scilicet vel in materiâ vel in forma, non autem requiri quod recipiatur in vtroque, quia vnio reduplicatiue sumpta non respicit extrema, quæ vnit sub ratione subiecti, sed sub ratione extremorum; ideòque satis est, vt extremum vnum tanquam terminum attingat, in alio verò recipiatur. Quod subiungitur in homine vnionem nec spiritualement nec materialem esse posse, non est ad rem; nã siue sit spiritalis, recipi poterit in materiâ, siue sit materialis, recipi poterit in animâ spiritali, sicuti ipsa hominis anima, licet spiritalis, subiectatur & recipitur in materiâ; & species materiales obiectorum, & sensationes, vt auditio, visio

visio &c. licet materiales, subiectantur & recipiuntur in animâ rationali spiritali. Addo vnionem materialem in humano composito recipi in materiâ vt in subiecto, & attingere seu terminari ad animam vt ad extremum, quod vnit cum ipsâ materia.

IV. Ob. Ratio per quam mutuò referuntur duo alba non est vna, sed duplex; ergo & ratio, per quam vniuntur duo extrema, scilicet materia & forma, non est vna, sed duplex; ergo debet dari duplex vnio.

Resp. Transeat antecedens, & nego consequentiam: disparitas est, quia munus relationis non est ex pluribus vnum facere, imò potest consistere relatio absque eo quod per ipsam sint duo mutuò relata, vt patet in relatione creaturæ ad creatorem, vi cuius relationis est creatura relata ad creatorem, at creator non est relatus ad creaturam: at munus, imò totum, esse vnionis, est ex materiâ & forma vnum facere, & eo ipso quod vnio est, vi ipsius sunt vicissim duo vnita, vt patet ex ipso formali conceptu vnionis physicæ; est enim absurdum dicere, quod per vnionem materia sit physicè vnita formæ, & hæc eo ipso non sit per eandem vnionem vnita materiæ; sicut est absurdum dicere, quod Petrus per catenam sit ligatus cum Pau.

to, & Paulus per eandem catenam non figatur cum Petro; sicuti ergò vnicum vinculum sufficit ad ligandos simul Petrum & Paulum, ita vnica vnio ad ligandam scù substantialiter vniendam simul materiam & formam sufficiat.

Queres; an vnio inter materiam, & formam sit substantia vel accidens?

Resp. Non esse accidens, sed substantiam modalem. Ratio est, quia vnio requiritur ad constituendum intrinsecè vnum per se: sed vnum per se nequit intrinsecè constitui nisi ex substantijs; ergò vnio est substantia. Minor probatur: quia quod in sui constitutiuo includit, supra materiam & formam, aliquod accidens tantum, est vnum per accidens; ergò vnum per se nequit intrinsecè constitui nisi ex substantijs. Antecedens probatur: quia forma & materia simul locata vel simul durantes, ideò sunt concreta accidentalia, quia supra materiam & formam important solum aliquod accidens, nempe durationem, & vlicationem; ergò si vnum per se includeret supra materiam & formam vnionem, quæ esset accidens, non esset vnum per se, sed vnum per accidens; ergò vnio est substantia. Quòd sit modalis est manifestum; est enim ratio vniens, quæ nequit esse sine extremis vnitis, licet ipsa extrema possint esse sine vnione.

IN SECVNDVM

Aristotelis Librum de Physico
Auditu .

DISPVATIO I.

De Natura.

CUm examinasset Philosophus principia rerum, accessit ad inuestiganda hoc libro principia cognitionis, seu scientiae naturalis, & propterea de naturâ & causis praesertim tractauit.

QVÆSTIO I.

Quid sit natura.

Variae sunt huius nominis *natura* significationes . Primò solet aliquandò significare vniuersitatem omnium rerum, vt cum dicitur, *Petrus est in rerum natura*. Secundò significat ipsum naturæ seu vniuersitatis creaturarum authorem, scilicet Deum, sic dicimus *Opus naturæ opus intelligentiæ*. Tertiò accipitur pro secundis causis, vt eum dicitur *Natura facit semper optimum quod potest*. Quartò pro essentia cuiuscumque rei; vt cum dicimus *Definitio explicat naturam rei*. Quintò deniquè pro quietis, & motus sensibilis

prim.

principio intrinseco illi substantiæ, quæ
quiescit aut mouetur, iuxta id quod hîc
tex. 1. ait Aristoteles: *Quæ enim natura sunt
omnia, videntur habere in se ipsis principium
motus & statas.* De natura hoc ultimo
pacto accepta est hîc sermo.

Dico. Cum Aristotele 2. *Physic. tex. 3.*
Natura est principium & causa mouendi
& quiescendi in quo est, primum & per
se, & non secundum accidens.

Probatur bonitas allata definitionis.
Per id optimè definitur natura, per quod
naturalia primò & per se differunt à non
naturalibus: sed differunt à non natura-
libus primò & per se, quia naturalia ha-
bent in se ipsis principium sui motus &
quietis primum & per se, & non secun-
dum accidens; ergò per tale principium
optimè definitur natura. Minor patet:
nam graua habent in se principium sui
motus deorsum, leuia principium sui mo-
tus sursum, animalia & planta prin-
cipium sui motus augmenti & decre-
menti, elementa & ex eis mixta prin-
cipium alterationis; è contra verò quæ
non sunt naturalia, vt lectus, indumen-
tum, scamnum, gladius, & similia, non
habent in se ipsis principium sui motus
primò & per se, sed solum per accidens;
ergò per illud principium &c. naturalia
à non naturalibus differunt. Antecedens
quoad

quoad ultimam partem patet; nam artificialia, si moveantur aut quiescant, moventur solum & quiescunt, quatenus ipsorum materia est res naturalis, non autem ut artificialia sunt: e. g. dum lectus, scamnum, gladius, & similia, deorsum, moventur, non habent hoc, quia sint lectus, scamnum, gladius, id est ut artificialia sunt, sed quatenus sunt lignea, ferrea, vel lapidea: sed respectu artificialium est per accidens, quod sint lignea, ferrea, vel lapidea; ergo per accidens, non autem primo & per se habent illud principium motus; ergo per hoc principium motus & quietis primum & per se in ipsis naturalibus differunt naturalia à non naturalibus; ergo per hoc optime definitur natura.

Explicatur iam definitio. Dicitur *principium & causa*, ut intelligatur quod natura non eodem modo in omnibus est principium motus & quietis, sed diuersimode; nam in illis, quibus competit mouere, est causa seu principium actiuum motus, ut in animalibus & plantis constat: in illis verò, quibus competit moueri, est principium passiuum motus, ut in grauib. & leuib., in quibus principium formale motus comprehenditur sub potentia passiuà; nam grauitas in lapide non est principium ut moueat, sed ut moueatur.

ueatur: est autem hoc ipsi naturale, quia
consequitur ad formam, ad quam sicuti
consequuntur cætera accidentia, ita con-
sequitur & locus, & consequenter moueri
ad locum. Dicitur *mouendi & quiescendi*,
& accipitur disiunctiue, scilicet quod in
aliquibus natura est principium mouendi;
in alijs quæ quiescunt est principium qui-
escendi; in alijs tandem est principium
vtriusque; sic in ijs, quæ naturaliter mo-
uentur ad locum, vt sunt grauia & leuia,
sicuti est principium mouendi, ita est
principium æque imò magis naturaliter
in loco proprio quiescendi, quia quod
naturaliter mouetur propter locum, ma-
gis naturaliter vt in loco, iuxta illud *Pro-*
pter quod vnuquodque tale & illud magis.
Dicitur *in quo est*, scilicet principium na-
turale motus & quietis debet esse intrin-
secum rei, ad differentiam artificialium,
in quibus, quatenus artificialia sunt, non est
principium motus, & ideo non est ipsis in-
trinsecum, sed extrinsecum, & per accidens.
Dicitur *primum & per se & non secundum*
accidens, scilicet substantiale & vt quod,
non autem accidentale & vt quo, sic
grauitas & leuitas non sunt natura, quia
non sunt ipsa substantia, & principium
quod motus & quietis, sed se habent
vt quo. Similiter in Medico, qui curat se
per artem medicinæ sibi intrinsecam, ta-
lis

lis ars non est natura, quia non est in ipso primò & per se; non enim est de ipsius substantiâ esse Medicum, sed est aduentitia & per accidens.

Ex dictis potest facilè colligi, tum materiam primam, tum formam substantialem esse naturam. Materia enim est principium passuum motus alterationis augmentationis & productionis omnium formarum; quare Aristoteles hîc tex. 10. ait *Vno igitur modo natura sic dicitur prima unicuique subiecta materia*. Forma pariter, imò magis principaliter est natura, & hoc patet primò, quia adueniente formâ materiæ constituitur naturalis compositi: e. g. adueniente animâ rationali constituitur natura hominis, adueniente formâ leonis materiæ constituitur natura leonis; ergò forma est natura. Secundò quia sicuti forma quæ non redit per generationem non est natura, itâ forma quæ redit per generationem est natura: sed forma rei naturalis redit per generationem, fit enim ex plantâ planta, ex homine homo; ergò forma rei naturalis est natura; quare ait Aristoteles hîc tex. 12 *Alio modo natura utique erit habentium in se ipsis motus principium forma & species &c. & magis natura est hæc quàm materia*. Totum verò ex materiâ & formâ conflatum non est propriè natura, sed naturale, seu habens.

habens naturam, licet aliquandò lato modo & improprie dicatur natura, ut cum dicimus ex materiam & formam hominis constitui naturam humanam. Multò minus est natura unio, quia non est id, quod est principium motus in composito, sed id quo extrema sunt principia motus.

I. Ob. In alteratione elementorum, e. g. in calefactione aquæ, principium motus alterationis est totum ab extrinseco agente, & tamen motus ille est naturalis & à natura, ergò non est necesse quod natura sit intrinseca illi quod mouetur.

Resp. Distinguo antecedens: principium actuum motus est ab extrinseco agente, concedo; principium passivum, nego antecedens; materia ergò huiusmodi corporum utpotè de se capax & inclinans ad omnes motus & formas naturales, inclinatur etiam & appetit ex vi propriæ naturæ talem motum alterationis, & talem formam; quare ipsa ex vi propriæ naturæ est passivum principium naturale talis motus in ipso elemento, e. g. in aqua; & sic saluatur, quomodò natura sit intrinseca illi quod mouetur; ad differentiam motus artificialis, qui non solum est à principio activo extrinseco, sed nec habet in mobili principium intrinsecum passivum, quia lapis, qui est
materia

materia domus nullam habet naturalem inclinationem & appetitum ad formam domus; simile quid valet de ligno, quod non habet naturalem appetitum ad formam scamni, & sic de cæteris; quare materia artificialium non tendit ex se ad motus & formas artificiales, sed habet ens per accidens. Ex eo igitur quod motus proueniat ab extrinseco, non fit quod motus non sit naturalis, dummodò sit iuxta inclinationem ipsius mobilis; quare Cæli sunt natura, & ipsorum motus naturalis est, quia est secundum corporum celestium inclinationem.

II. Ob. Si daretur corpus immobile omni motu, esset in ipso natura, & tamen non esset principium mouendi, nec etiam naturaliter quiescendi; quia cum quies sit priuatio motus, non datur propriè quies ubi est incapacitas ad motum: ergò natura malè definitur principium mouendi & quiescendi.

Resp. In prædicto corpore non esset natura, & ita illud corpus esset mathematicum tantum, non verò physicum, & naturale.

Pro complemento quæstionis notetur, quod naturale quique potissimum modis dicitur. Primo prout opponitur supernaturali, in quo sensu etiam artificialia dicuntur naturalia. Secundo pro ut op-

D

poni

ponitur artificiali, in sensu nuper explicato. Tertio prout opponitur libero, sic dicimus causas necessarias naturaliter agere, hominem verò liberè. Quarto prout opponitur fortuito, seu casuali. Quinto denique prout opponitur violento.

QVÆSTIO II.

Vtrum ars opera naturæ facere possit.

EX dictis in superiori quæstione, differunt in pluribus ars & natura. Primo quidem quia natura est substantiale constitutum rei; ars vero non est substantiale constitutum, sed accidentale. Secundo artificiale non habet vim producendi sibi simile: e. g. domus domum, lectus lectum; naturale verò habet. Tercio omnia intrinseca constitutiva operis naturalis sunt à naturâ: constitutiva vero artificialis non sunt omnia ab arte, sed materia quæ præsupponitur artificiali, est à naturâ: e. g. materia, quæ præsupponitur formæ artificiali scamni, est lignum, quod à naturâ productum est. His prænotatis, breuiter

Dico. Ars potest quidem mediatè, non verò immediatè efficere opera naturæ.

Prob. Quia nequit ars operari, nisi variè disponendo corpora naturalia, seu applican-

applicando actiua passiuis , ergò nequit immediate , sed mediatè tantum efficere opera naturæ . Antecedens est euidens ; nam medecina , agricultura , & omnes alia artes semper præsupponunt naturalia pro materiâ , & ex ipsis aliqua conficiuntur pure applicando vnum alteri ; ergò nequeunt operari , nisi applicando actiua passiuis , & sic tantum mediatè , idest mediantibus virtutibus naturalibus , non verò immediate efficiunt opera naturæ .

Non immoror hîc in obiectionibus soluendis , omnes enim nihil aliud probare possunt , nisi quod artis beneficio naturales virtutes inuicem applicatæ naturales quosdam effectus producant , quod idem est ac artem mediatè producere opera naturæ .

DISPUTATIO II.

De Causis .

N Vllam Aristoteles definitionem causæ in communi assignauit , ac propterea alij alias attulerunt . Quidam definiunt . Causa est id , per quod satisfit interrogationi , qua inquiritur propter quid aliquid sit . Alij , causa est id , ad quod sequitur aliud . Alij , causa est id , à quo

aliquid per se pendet. Alij, causa est principium per se dans esse alteri realiter & naturâ à se distincto. Alij, causa est, quæ saltem sustentatiuè concurret ad dandum esse alteri, quod nec identicè quidem est à se. Alij, causa est principium, vnde aliquid est vel esse potest, tanquam à priori naturâ. Omnes istæ definitiones rectè consideranti non differunt in significatione, sed vt clariùs ratio causæ explicetur, placet illa, quam aſert Suarez tom. 1. Metaph. disp. 12. sect. 2. causa est principium per se influens esse in aliud. Dicitur *principium* & hoc est loco generis, cum sit illud commune, quod propinquius & immediatiùs competit definito. Dicitur *per se influens*, & per hoc differt à priuatione & causis per accidens, quæ non influunt, nec per se conferunt in aliud. Dicitur *in aliud*, vt significetur illud esse, quod causa dat effectui, debere esse causatum, & dependens ab ipsa, ac propterea distinctum ab esse ipsius causæ. Hic notate, quòd *alius* & *aliud* in eo differunt, quod *alius* sufficienter habetur per distinctionem solius suppositi seu personæ, & sic in diuinis Filius est alius à Patre, à quo solum distinguitur in personâ; *aliud* verò significat distinctionem etiam naturæ, quare Filius æternus nō est aliud à Patre. Ad saluandam rationem principij satis est vt

est ut, quod est ab ipso, sit alius; ac ad rationem causæ requiritur etiam, quod sit aliud, quare licet Pater æternus sit principium, non est tamen causa Filij.

QVÆSTIO I.

Quotuplex sit causa.

Aristoteles 2. Physic. tex. 28. quatuor causarum genera esse docuit, scilicet materialem quæ est materia, formalem quæ est forma, efficientem quæ est primum principium unde motus, ut pater filij, & finalem.

Dico. Quatuor tantum sunt causarum genera, scilicet materialis, formalis, efficiens, & finalis.

Probat. Tot sunt causarum genera, quot sunt modi, quibus constituentia compositum naturale influunt per se primo in ipsum: sed hi sunt tantum quatuor: ergo quatuor sunt causarum genera. Minor probatur; quia compositum, quod de nouo fit, non potest facere se ipsum, sed ab alio debet fieri, & hoc vocamus causam efficientem. Hæc (loquendo de naturali) non potest facere ex nihilo, iuxta illud superius dictum *ex nihilo nihil fit*; ergo debet facere ex suppositâ materia; & hanc vocamus causam materialem. In hanc materiam debet causa efficiens introducere aliquam formam substantialem.

lem, ut nuper ostensum est, & hanc dicimus causam formalem. Denique causa efficiens non operatur temerè & casu, sed mota ab aliquo fine, & hanc dicimus causam finalem: sed hæ omnes tantum per se primò influunt esse in compositum; ergò quatuor sunt causarum genera. Minor probatur; quia efficiens per suam actionem tendit per se primò ad hoc, ut compositum habeat esse; materia & forma per se primo dando se ipsas composito, ideo dant, ut constituatur in esse suo compositum; finis denique verè & per se primò mouet & excitat causam efficientem ad faciendum compositum, quod enim per se & ordinate efficiens tendat ad compositum, non habet nisi ad fine; ergò quatuor istæ causæ per se primo influunt esse in compositum; nec alia est præter istas assignabilis; ergò quatuor tantum sunt genera causarum.

Ex dictis patet, causas alias esse extrinsecas, & alias intrinsecas. Efficiens & finalis sunt extrinsecæ; materialis & formalis sunt intrinsecæ, quia cum causent dando se ipsas, sunt partes totius compositi, quod constituunt. Ex eo tamen quod sint partes compositi, nulla ipsarum est pars causæ, sed singulæ in suo genere sunt causæ totales, quia singulæ habent influxum proprium, & per se diuersum.

ab influxu alterius, & simul concurrunt ad constituendam vnam integram & totalem causam, seu ad faciendum totum & integrum compositum, quod est causatum; sic causa formalis e. g. non est pars efficientis, aut aliarum causarum, nec hæ sunt partes illius, aut ad inuicem.

I. Ob. Aristoteles ait causam esse illam per quam satisfit interrogationi propter quid, sed hoc competit soli finali; ergo &c.

Resp. Nego minorem; nam quæstioni propter quid satisfit etiam per alias causas: e. g. interroganti propter quid homo sit mortalis? respondemus propter materiam; propter quid sit viuens? respondemus propter animam; propter quid de nihilo transijt ad esse? respondemus propter causam efficientem.

II. Ob. cum Stoicis. Si omnia, finè quibus compositum fieri nequit, essent eius causæ, etiam tempus, locus, & motus essent causæ, nam finè ipsis compositum non fit; sed hoc est falsum; ergo sola causa efficiens est dicenda causa, reliqua verò omnia conditiones & adiumenta ipsius.

Resp. Nego maiorem & eius suppositum; supponit enim obiectio, quòd numerus causarum deducatur ex eo quod finè ipsis fieri nequeat compositum; nos enim

non probamus, ideo quatuor esse causarum genera, quia sine quatuor assignatis nequit fieri compositum; sed nitimur alio principio, scilicet quia quatuor sunt, quæ per se primò influunt in compositum, quòd non facit locus nec tempus, quia utrumque est accidens merè extrinsecum, nec motus, quia est id quo causa efficiens influit in effectum, non autem principium per se primò influens, ut requiritur ad rationem veræ causæ. E' contrà materia, licèt prærequiratur ad actionem agentis, tamen eodem instanti, quo agens operatur, materia etiam per se influit in compositum; & quamvis respectu compositi sit pars, tamen in suo genere est totalis eiusdem causæ; forma etiam, licèt sit effectus agentis, est tamen causa respectu totius compositi, cum compleat ipsius essentiam.

Hic pro quæstionis complemento notate, in quavis causâ quatuor esse consideranda, scilicet entitatem ipsius causæ, virtutem cauſandi, causalitatem, & conditiones ad actum cauſandum. Entitas causæ est res ipsa, quæ influit esse in aliud: e. g. in homine producente alium hominem, ipse homo producens est entitas causæ. Virtus cauſandi est ratio illa, vi cuius entitas causæ potest influere: e. g. in homine potentia generatiua est virtus cauſandi.

Quaest. II. De causalitate efficien. 81
sandi. Causalitas est actualis influxus in
compositum: e. g. ipsa actio generandi,
per quam homo actu generat hominem,
est eius causalitas. Conditiones dicun-
tur ea, sine quibus causa exercere nequit
suam causalitatem: e. g. ignis non potest
comburare lignum sine approximatione,
forma non potest informare materiam
sine intimâ præsentiâ, finis non potest
mouere agens ad agendum sine cognitio-
ne &c. approximatîo respectu ignis, inti-
ma præsentiâ respectu formæ, cognitio re-
spectu finis, sunt conditiones necessariae
ad hoc, vt tales causæ causent in actu se-
cundo suos effectus.

QVÆSTIO II.

*Quænam sit natura, & quid causa-
litas causæ efficientis.*

Inter entia naturalia existere de facto
multa, quæ per virtutem sibi intrin-
secam verè & realiter produciunt effe-
ctus, manifestum est; sic ignis calefacit,
sol illuminat, animalia mouentur, & ge-
nerant, homo intelligit & vult, mere-
tur & peccat: quare audiendi non sunt
qui docuere creaturas ex propria & in-
trinsecâ virtute nihil agere, sed Deum
ipsam solum agere ad præsentiâ creatu-
rarum, vt enim cetera præteream, est
alienum ab omni ratione, quod solus

Deus bonas & malas hominis actiones operetur, & quod propter ipsas præmium & pœnam homo accipiat. Auicennæ pariter ac Themistij opinio fouenda non est, qui causas naturales nihil aliud agere dixerunt, nisi disponere materiam per varia accidentia, vt in ipsam sic dispositam introducantur formæ, quas omnes putant produci à quadam substantiâ immateriali, quam colchodeam appellant. His prænotatis

Dico. Optimè explicatur natura causæ efficientis ab Aristotele 2. *Physic. tex. 29. Vnde principium mutationis primum aut quietis.*

Probat. Quia per id optimè explicatur causa efficiens, per quod ab omnibus alijs causarum generibus primò & immediatè differt: sed per allatam definitionem primò & immediatè ab alijs differt; ergò per allatam definitionem optimè explicatur. Minor probatur; quia nulla alia causa est primum principium mutationis, vt patebit infra; ergò per allatam definitionem primò & immediatè differt efficiens ab omni aliâ causâ.

I. Ob. Antequàm efficiens operetur, mouetur à causâ finali; ergò primum principium mutationis non est efficiens, sed finalis. Rursus causa instrumentalis est propriè efficiens, & tamen non est prin-

principium primum mutationis, cum non moueat nisi pramota à causâ principali; ergò saltem prædicta definitio non comprehendit omnem causam efficien-tem.

Resp. Quando causa efficiens dicitur primum principium mutationis, intelligitur de mutatione subiecti; finis autem, licet primò moueat agens, non mouet tamen primò subiectum; sic dum lucrum mouet artificem ad faciendum scamnum, non mouet ipsum lignum, ex quo fit scamnum, sed lignum primò mouetur seu mutatur ab artifice, qui est causa efficiens. Ad secundum de causâ instrumentali dico, quòd licet ipsa pramoueat à principali, tamen principalis non mouet prius subiectum quàm instrumentalis; sed amba simul mouent; sic e. g. dum quis calamo scribit, simul homo & calamus formant caractères, atque adeò vtraque primò mouet.

Causalitas efficientis est ipse influxus actualis, seu ipsa processio effectus à causa, quia per ipsam denominatur causa, agens in actu secundo; & talis actio specificatur à terminò, qui producitur; quare si terminus sit substantia, dicitur actio substantialis; si sit accidens, dicitur actio accidentalis.

Diuerſas pariter denominationes ac-

cipit actio à modo tendendi causæ inef-
fectum; si enim causa producit effectum
successivè, ut quando producit motum,
actio dicitur successiva; si causa producit
effectum totum simul, ut cum produci-
tur illuminatio, intellectio, & similia,
actio dicitur instantanea. Si producat
effectum ad extrâ, idest non receptum in
ipsâ causâ, ut cum artifex producit sca-
mnum, actio vocatur transiens: si pro-
ducat effectum ad intrâ, scilicet receptum
in ipsâ causâ, ut cum intellectus produ-
cit intellectionem, quæ in ipsomet intel-
lectu recipitur, actio dicitur immanens.

○ Emanatio in hoc differt ab actione
immanente, quod actio immanens fit
cum mutatione subiecti, idest recipitur
in subiecto, quod prius talem actionem
non habebat, atque adeò mutatur subie-
ctum de non esse sub illâ actione ad esse
sub illâ, e. g. intellectus de non esse sub
tali intellectione ad esse sub illâ: at ema-
natio fit sinè transmutatione subiecti,
res enim quæ emanat, cum sit naturalis
subiecti proprietas, per emanationem non
ponitur nec fit de nouo in subiecto, atque
adeò non est propriè effectus ipsius, cum
subiectum nunquam ipsa caruerit, eo
enim ipso, quod res est, habet proprie-
tates sibi connaturales, quæ non sunt
effectus rei, sed ea quæ fluunt ex ipsâ re.

QVÆ;

QVÆSTIO III.

Quotuplex sit causa efficiens.

Plures sunt causæ efficientis diuisiones, quarum notitia, quia perutilis est, videtur hîc non omittenda.

Primò diuiditur causa efficiens in primam siuè increatam, qui est Deus, & in secundam siuè creatam, quæ est creatura.

Secundò diuiditur in causam per se, & causam per accidens, quæ propriè & verè causa non est; sed quandam habet cum causâ similitudinem, aut coniunctionem. Causa per se est, à qua vt tali directè pendet effectus vt effectus est, vt pater est per se causa filij; artifex scamni. Causa per accidens est, à qua indirectè & non vt tali effectus pendet: e. g. musicus est causa per accidens scamni, quia hoc pendet ab homine, non vt musicus est, sed vt faber lignarius.

Tertiò diuiditur in vniuersalem, & particularem. Vniuersalis est, quæ cum pluribus causis particularibus habet concurrere ad earum effectus producendos, sic sol cum homine, equo, planta &c. concurrens ad producendos ipsorum effectus est causa vniuersalis. Particularis est, quæ non cum alijs causis subordinatis, sed se solâ peculiare effectus producit:

e. g.

e. g. artifex est causa particularis scammii.

Quartò diuiditur in principalem, & instrumentalem. Principalis est, quæ per virtutem nobiliorem vel æquè nobilem cum effectu, influit in actionem, per quam effectus producit. Instrumentalis est, quæ influit in effectum per virtutem inferiorem effectui, qui producit: e. g. calor disponens ad formam ignis influit in ipsam formam, quæ est virtutis superioris ipsi calori: semen influit in productionem animalis, quod est virtutis nobilioris quam semen,

Porro instrumentum diuiditur in actiuum & passiuum, coniunctum & separatum. Actiuum seu naturale est, quod habet in se qualitatem actiuam: e. g. semen habet in se virtutem actiuam ad producendam arborem. Passiuum seu artificiale est, quod a causa principali non accipit virtutem actiuam, sed solum motum localem: e. g. calamus ad scribendum nihil accipit, nisi motum localem. Coniunctum est, quod non agit nisi vt actu coniunctum causæ principali: e. g. calamus, penicillus, non agunt nisi coniuncti homini scribenti aut pingenti. Separatum est, quod non eget actuali coniunctione & concursu principalis ad agendum actu: e. g. semen non indiget actuali coniunctione aut concursu plan-

Quæst. III. Quotuplex sit effc. 87
tæ vt producat plantam.

Quintò diuiditur in vniuocam, & equi-
uocam. Vniuoca est, quæ operando per
virtutem propriæ formæ producit effe-
ctum eiusdem secum speciei: e. g. homo
generans hominem, leo leonem. Æqui-
uoca est, quæ producit effectum à se spe-
cie diuersum: e. g. Deus est causa æqui-
uoca creaturarum, sol est causa æqui-
uoca sublunarium.

Sextò diuiditur in liberam, & neces-
sariam. Libera est, quæ positis omnibus
prærequisitis ad agendum potest agere,
aut non agere. Necessaria est, quæ posi-
tis omnibus prærequisitis ad agendum
non potest non agere.

Septimò diuiditur in physicam, & mo-
ralem. Physica est, quæ per virtutem
intrinsecam seu realem operatur: e. g.
ignis per virtutem intrinsecam & rea-
lem comburit. Moralis est, quæ tantum
imputatiuè operatur, idest quæ realiter
non agit, sed ipsi imputatur effectus: e. g.
consulens homicidium, licet realiter non
occidat, est causa moralis homicidij,
quod alter eius consilio impulsus patra-
uit sine consortio alterius.

Octauò diuiditur in totalem, & par-
tialem. Totalis est, quæ sine consortio al-
terius in eodem genere & ordine pro-
ducit totum, sic materia est causa totalis
quia

quia in suo genere non admittit alterius consortium. *Partialis est, quæ cum consortio alterius in eodem genere & ordine causat totum, sic pater & mater sunt singuli partiales, quia in eo genere, in quo causant, vnus requirit consortium alterius.*

QVÆSTIO IV.

Primum causa efficiens ad agendum requirat passum sibi dissimile.

Nomine passi non intelligitur hic terminus actionis, cum enim intentio causæ sit producere effectum sibi similem; non potest illum requirere dissimilem; intelligitur ergo de initio ipsius actionis, an videlicet quando causa efficiens agere incipit, requirat, vt tunc passum sibi sit dissimile.

Dico. Causa efficiens ad agendum requirit passum sibi dissimile.

Prob. Quia causa efficiens agit quatenus est in actu, in passum quatenus est in potentia; ergo requirit passum sibi dissimile. Antecedens probatur; quia agere est dare alteri esse: sed nemo potest dare alteri esse, quod actualiter non habet; ergo causa efficiens agit quatenus habet actu illud esse quod intendit alteri communicare; ergo agit quatenus est in actu. Quod vero passum sit in potentia patet, nam

nā agens, dum dat esse passio, reducit ipsum de non habente tale esse ad habendum illud; ergo reducit ipsum de potentia in actum; ergo necessario requirit quod passum sit in potentia: sed quod est in potentia est dissimile illi, quod est in actu; ergo agens requirit passum sibi dissimile.

Ex hoc, quod causa tendat ad dandum esse effectui, duo deducuntur. Primum est actionem efficientis nunquam terminari per se ad non esse rei, quia terminus per se actionis realis debet esse quid reale: sed non esse seu destructio rei non est quid reale; ergo actio per se nunquam terminatur ad non esse seu ad destructionem rei: quare si ex actione positiva sequitur destructio alicuius rei, id non sequitur ex vi actionis, sed merè per accidens, & ex impossibilitate cum re, quæ per actionem generatur: e. g. corrumpitur lignum posita actione generativa ignis, non quia talis actio tendat per se ad destruendum lignum, sed quia esse ignis, quod per ipsam producit, est impossibile cum esse ligni; & hoc indicatur illo axioma, *nullum agens intendens ad malum operatur*. Secundum est, quod quando destruitur aliquid, & non generatur aliud, ut cum per absentiam solis à nostro hemisphærio destruitur
in

in aere lumen absque eo quod in eodem aere producat^{ur} aliquid cū eo lumine impossibile, tunc illa destructio non fit per aliquam actionē, sed per carentiam, iuxta illud axioma *sicut affirmatio est causa affirmationis, sic negatio est causa negationis.*

Ob. Maior ignis est similis minori, & tamen ipsum extinguit; duo vitra sunt similia, & tamen vnum collidit aliud. Vnum speculum speciem ab obiecto receptam transmittit in aliud speculum sibi simile; ergo agens non requirit passum sibi dissimile.

Resp. Quod maior ignis non extinguit directē sed indirectē minorem, scilicet quatenus pabulum ipsius absumit, quo absumpto necesse est perire minorem ignem. Vnum vitrum collidit aliud, quatenus habet impetum contrarium alteri, quem impetum non habet alterum, & sic est dissimile vitro collidenti. Speculum eo instanti, quo transmittit speciem, habet ipsam in se, cum illam primò receperit, & tunc, illam nondum habet, aliud speculum ac propterea est priori dissimile.

QVÆSTIO V.

*Vtrum accidentia possint substantiam
immediatè producere.*

Certum est, accidentia non posse principaliter producere substantiam, quia ut superius vidimus, cum causa principalis debeat esse nobilior, vel saltem æquè nobilis ac effectus; accidentia autem sint ignobiliora ipsâ substantiâ, repugnat esse principalem causam substantiæ; quare superest videndum, an possint esse causa instrumentalis.

Dico. Accidentia possunt immediatè producere substantiam.

Probatur. Quia non rarò præsentibus solis accidentibus producitur substantia; ergò accidentia immediatè producunt substantiam. Antecedens probatur; quia videmus, quòd dum aer inter calybem & filicem atteritur producto calore, producitur substantia ignis; idemque sequitur, dum vehementius cum aliquo duro corpore atteruntur funes à nautis & alijs artificibus; sed tunc sunt præsentia sola accidentia, non autem substantia ignis; ergò accidentia immediatè producunt substantiam.

Aduertite tamen, quòd sicuti causa principalis productiua substantiæ est substantia, ita ipsa accidentia producunt substantiam.

substantiam in virtute substantiæ, non quòd ipsa accidentia sint causa, sed quia sunt virtus ipsius causæ, scilicet substantiæ producentis; quare in rigore non esset dicendum quòd agant in virtute, sed potius vt virtus substantiæ. Ratio est quia vnumquodque principium actuum eo modo agit, quo est ens: sed accidens non est nisi ens entis, scilicet substantiæ; ergò non agit nisi vt ens, seu virtus substantiæ.

I. Ob. Nemo dat quod non habet: sed accidentia non habent in se substantiam, cum sint longè imperfectiora; ergò non possunt dare substantiam.

Resp. Concesso toto syllogismo nihil probatur contra nostram conclusionem; nam dare apud philosophiæ peritos, est idem ac principaliter communicare, vel causare; cum autem accidentia, nec principaliter communicent, nec causent substantiam, sed sint id, quo producitur substantia, non est necesse, quòd habeant substantiam, sed satis est, si sint instrumentum proportionatum, seu si sint, vt verè sunt, ipsa virtus agendi substantiæ producentis; sicuti per aduersarios, vt actio producat effectum, non requiritur, vt habeat in se formaliter aut eminenter effectum, sed satis est, si sit ratio producendi causæ continentis perfectionem, esse.

effectus; ita etiam, ut pennicillus producat picturam, calamus characteres, non requiritur, ut contineant in se tales effectus, sed satis est si sint instrumenta proportionata causis producentibus, scilicet pictori & scriptori, qui cum sint propriè dantes esse picturæ & scripturæ, debent illam in se saltem virtualiter præcontinerere.

II. Ob. Si accidentia producerent in virtute substantiæ, ipsum agere in virtute substantiæ poneret in illis aliquid supra conditionem accidentis: sed hoc est absurdum; ergo non agunt in virtute substantiæ.

Resp. Nego sequelam maioris; nam agere in virtute substantiæ non significat accidentibus additam seu transfusam in ipsâ substantialem virtutem; sed accipitur intransitive, idest significatur, ipsa accidentia esse virtutem, qua substantia agit; esse autem virtutem qua substantiæ nihil ponit in accidentibus supra ipsorum conditionem.

III. Ob. Quando producitur ignis ex attritu calybis cum lapide, calor non agit ut virtus ignis; ergo falsum est accidentia agere ut virtus substantiæ. Antecedens probatur: quia calor non est virtus ignis nisi quatenus productus ab igne; sed tunc, non est productus ab igne, sed à
causa

causâ vniuersali, e. g. à sole; ergo non agit vt virtus ignis, sed potius dicendus erit agere vt virtus solis, quod tamen est absurdum.

Resp. Nego antecedens, & maiorem ipsius probationis; nam accidentia considerata vt virtutes semper sunt virtutes substantiæ, ad quam dicunt essentialem relationem, & ita calor semper est virtus ignis, ad hoc autem vt sint virtus substantiæ, non requiritur vt ab illâ producantur, sed satis est si sint debita illi substantiæ, cuius sunt virtus; sic calor est virtus ignis, quia debitus est igni, etiamsi non ab igne, sed à sole, aut aliâ causâ quandoque producat, eo pacto quo pennicillus semper est instrumentum pictoris, licet ab alio artifice producat, quia artifex facit pennicillum vt pictori debitum; calamus est instrumentum scriptoris, quia scriptori debitus est, licet à scriptore non producat; quare meritò negatum est, quod accidentia ideò sint virtus substantiæ, quia à substantia producantur, potius enim dicendum est, quod ideò sint virtus substantiæ, quia ex propriâ naturâ sunt debita substantiæ, vt instrumenta, per quæ agat.

QVÆSTIO VI.

Quinam sit effectus, & quæ causalitas cau'æ finalis.

Finis est id, cuius gratia, inquit Aristoteles 2. Physic. tex. 29. sic sanitas est finis deambulantis, quia deambulatio fit gratiâ sanitatis.

I. Diuiditur in finem cuius, seu qui, & in finē cui. Finis cuius seu qui, est res ad quā adipiscendam agens mouetur, vt sanitas ad quam adipiscendam mouetur ambulans. Finis cui dicitur ille, cui procuratur finis qui; sic ipse ambulans, cui procuratur sanitas per ambulationem, est finis cui.

II. In formalem, & obiectiuum. Formalis est operatio, in qua vltimò sistit agens; obiectiuus est ipsum obiectum, quòd ea operatione attingitur: e. g. finis formalis physici est cōtemplatio naturæ; physicus enim in eâ contemplatione sistit: ipsa verò natura est finis obiectiuus.

III. In finem operis, & finem operantis. Finis operis est, id cuius gratiâ est opus seu facultas ex propriâ naturâ: e. g. finis operis in logica practica, est recta operatio intellectus, quia ex propriâ naturâ ad illam ordinantur præcepta logicæ. Finis operantis est id, cuius gratiâ non ipsum opus aut facultas ex propriâ

naturâ, sed operans aut habens illam facultatem aliquid facit: e. g. si logicam quis discat propter lucrum, hoc erit finis operantis.

IV. In finem proximum, & ultimum. Proximus est, qui ita propter se amatur, ut tamen vel ex naturâ suâ, vel ex intentione operantis tendat & referatur in ulteriorem finem, e. g. ad bonum reipublicæ. Ultimus est, qui ita propter se amatur, ut ad ulteriorem finem non ordinetur: e. g. gloria propter quam quis moritur. His prænotatis.

I. Dico. Effectus causæ finalis est quidquid fit gratiâ finis.

Prob. Quia ille est effectus alienius causæ, qui ponitur vi illius: sed quidquid fit gratiâ finis, ponitur vi finis, ut per se patet; ergo est effectus finis; quare electio & exequutio seu usus mediorum, complacentia ex bonitate apprehensâ, amor efficax bonitatis, consultatio præcedens electionem mediorum, & gaudium ex bonitate possessâ, cum sint omnia vi finis, meritò dicuntur effectus ipsius.

II. Quoad causalitatem finis in actu secundo Dico. Causalitas finis, est ipsa actio, qua ponitur effectus causæ finalis.

Prob. quia nomine causalitatis propriè & in actu secundo, intelligitur id,

quo

quo causa denominatur actu causans: sed finis denominatur actu causans, posita prædicta actione, & ipsa non posita, intelligitur quidem potens causare, sed non actu causans; ergò prædicta actio est causalitas finis; quare dum quis propter sanitatem ponit deambulationem, ipsa actio, qua ponitur deambulatio, est causalitas finis,

Ob. Contra primam concl. Illud est effectus finis, quod procedit ex amore ipsius: sed amor finis non procedit ex amore finis, alioquin daretur processus in infinitum: ergò non est effectus finis. Similiter gaudium oriens ex possessione finis, nequit esse effectus ipsius, quia acquisito fine cessat actio seu motus, ut ait Aristoteles 1. de Gener. tex. 55. sed cessante actione cessat causalitas, ergò finis iam acquisitus non causat; ergò gaudium proveniens post eius acquisitionem non est effectus finis.

Resp. Nego maiorem; nam ad hoc ut aliquid sit effectus finis, non est necesse ut procedat ex amore, sed ex bonitate finis, quæ alliciens voluntatem causat eius amorem, ac proinde verè talis amor est productus à fine. Ad secundum distingo antecedens: cessat actio seu motus qui tenditur ad consequutionem finis, concedo; actio qua quiescitur in fine, nego; actio er-

gò ad gaudium non est actio, qua tenditur ad assequendum finem; sed qua quiescimus vitaliter, in ipso fine, ac propterea non cessat etiam post acquisitum finem. Dixi *vitaliter* vt significarem quietem in fine non consistere in purâ carentiâ motus, vt est quies naturalis, sed in actione internâ, qua fruimur bono possessio.

Ob. Contra secundam concl. Actio, qua ponitur effectus causæ finalis, est vera motio; sed causalitas finis est motio metaphorica, vt ait Aristoteles: ergò actio prædicta non est causalitas finis. Confirmatur; quia videtur improbable, quòd eadem actio sit causalitas causæ efficientis & finalis.

Resp. Distinguo minorem: est metaphorica in ratione efficientis, concedo; in ratione finalis, nego: Aristoteles ergò sentit principium motus verè & propriè esse causam efficientem; causam verò finalem esse efficientem non propriè, sed translatiuè & metaforicè: e. g. dum ego ambulo gratiâ sanitatis, deambulatio verè efficitur à me, à sanitate verò non efficitur nisi metaphoricè, quod idem est ac dicere, prædicatum proprium causæ efficientis conuenire finali metaphoricè, & non propriè: at actio illa, quæ est causalitas finis, non est actio metaphorica, sed vera & propria actio, ideòque per ipsam

ipsam verè & propriè ponitur effectus finis. Ad confirmationē dico nihil repugnare, quòd vna eademque actio sit causalitas plurium & diuersarum causarum, sicuti eandem vnionem diximus esse causalitatem materiæ & formæ.

QVÆSTIO VII.

Vtrum bonitas finis sit ratio finalizandi.

CUm finis non moueat nisi præcognitus, iuxta illud, *nihil volitum quin præcognitum*, quaeritur hîc, an ratio finalizandi seu mouens sit cognitio ipsa, an verò bonitas in fine relucens. Vix reperitur iam qui affirmet cognitionem; de bonitate contradicunt Ocham, & Nominales, quibus videtur adhærere Scot. in 1. Sentent. D. 1. q. 4. dicente etiam malū subtractione mali posse mouere voluntatem ad amandum, atque adeò etiam malum quia malum esse rationem finalizandi.

Dico. Sola bonitas finis est proxima & formalis ratio finalizandi.

Prob. In causâ finali illa est ratio proximè mouens, cuius gratiâ ponuntur media, & quæ obtenta satiat appetitum: sed hæc non est nisi bonitas finis; ergo &c. Minor probatur: nam bonitas sanitatis est illa cuius gratiâ sumitur pharmacum ab ægroto; bonitas diuitiarum est illa propter quam auarus ponit.

negotiationem, & hi alijque similes quiescunt non habitâ cognitione sanitatis aut diuitiarum, sed habitâ ipsâ bonitate; ergo sola bonitas est illa, cuius gratia ponuntur media.

Quod verò malū qua malum non possit esse ratio finalizandi sic probatur: quia quod mouet voluntatem, ipsam allicit & trahit: sed hoc nullo modo potest præstare malum qua malum; ergo nequit mouere voluntatem. Minor probatur; quia malum vel allicit voluntatem ratione malitiæ formalis, vel ratione entitatis, quæ subest malitiæ; non ratione malitiæ, quia hæc cum consistat in defectu, nihil est, ideōque mouere nequit; non ratione entitatis quæ subesse potest malitiæ, quia hæc entitas est quid bonum; ergo malum qua malum nullo modo potest allicere voluntatem; ergo nec mouere. Confirmatur ex illo vulgatissimo axioma: *Benum est, quod omnia appetunt*, cuius sensus est, omnia appetere id quod sibi bonum est; appetitus enim fertur ad satisfactionem & quietem propriam in eo quod appetenti conueniens est; ergo malum qua malum, cum sit disconueniens, & nequeat esse satisfactiuum & quietatiuum, nequit mouere appetitum; quare meritò concludendū est cum S. Damasc. lib. 2. de fide c. 22. *Nemo intendens ad malū operatur.*

I. Ob. Causa finalis causat secundum esse intentionale: sed esse intentionale est cognitio; ergo causat vi cognitionis. Confirmatur; quia obiectum apprehensum ut bonum, cum re verâ non sit, causat: sed tunc non causat bonitas, quæ nulla est; ergo causat cognitio: consequentia probatur, quia sublata cognitione perit in fine tota virtus causandi; ergo &c.

Resp. Distinguo maiorem; causat secundum esse intentionale obiectuum, concedo; formale, nego: & distingo minorem; esse intentionale formale est cognitio, concedo; obiectuum, nego: quando ergo per cognitionem repræsentatur obiectum aliquod, duo sunt consideranda in illâ intentione, scilicet res ipsa cognita seu repræsentata, & cognitio per quam repræsentatur, ipsa verò res repræsentata in cognitione dicitur esse intentionale obiectuum. Id quod finalizat non est ipsa cognitio, sed est esse obiectuum rei relucens in illa cognitione; ægrotus enim ad sumendam medicinam mouetur non à cognitione, sed ab esse sanitatis per cognitionem repræsentatæ. Hinc patet ad confirmationem; quando enim amatur obiectum apprehensum ut bonum, cum re verâ bonum non sit, non amatur cognitio, sed bonitas per cognitionem repræsentata, quæ licet non sit à parte rei, est

negotiationem, & hi alijque similes quiescunt non habitâ cognitione sanitatis aut diuitiarum, sed habitâ ipsâ bonitate; ergo sola bonitas est illa, cuius gratiâ ponuntur media.

Quod verò malū qua malum non possit esse ratio finalizandi sic probatur: quia quod mouet voluntatem, ipsam allicit & trahit: sed hoc nullo modo potest prestare malum qua malum; ergo nequit mouere voluntatem. Minor probatur; quia malum vel allicit voluntatem ratione malitiæ formalis, vel ratione entitatis, quæ subest malitiæ; non ratione malitiæ, quia hæc cum consistat in defectu, nihil est, ideōque mouere nequit; non ratione entitatis quæ subesse potest malitiæ, quia hæc entitas est quid bonum; ergo malum qua malum nullo modo potest allicere voluntatem; ergo nec mouere. Confirmatur ex illo vulgatissimo axioma: *Bonum est, quod omnia appetunt*, cuius sensus est, omnia appetere id quod sibi bonum est, appetitus enim fertur ad satisfactionem & quietem propriam in eo quod appetenti conueniens est; ergo malum qua malum, cum sit disconueniens, & nequeat esse satisfactiuum & quietatiuum, nequit mouere appetitum; quare meritò concludendū est cum S. Damasc. lib. 2. de fide c. 22. *Nemo intendens ad malū operatur.*
I. Ob.

I. Ob. Causa finalis causat secundum esse intentionale: sed esse intentionale est cognitio; ergo causat vi cognitionis. Confirmatur; quia obiectum apprehensum ut bonum, cum re vera non sit, causat: sed tunc non causat bonitas, quæ nulla est; ergo causat cognitio: consequentia probatur, quia sublata cognitione perit in fine tota virtus causandi; ergo &c.

Resp. Distinguo maiorem; causat secundum esse intentionale obiectuum, concedo; formale, nego: & distingo minorem; esse intentionale formale est cognitio, concedo; obiectuum, nego: quando ergo per cognitionem repræsentatur obiectum aliquod, duo sunt considerata in illa intentione, scilicet res ipsa cognita seu repræsentata, & cognitio per quam repræsentatur, ipsa verò res repræsentata in cognitione dicitur esse intentionale obiectuum. Id quod finalizat non est ipsa cognitio, sed est esse obiectuum rei relucens in illa cognitione; ægrotus enim ad sumendam medicinam mouetur non a cognitione, sed ab esse sanitatis per cognitionem repræsentatæ. Hinc patet ad confirmationem; quando enim amatur obiectum apprehensum ut bonum, cum re vera bonum non sit, non amatur cognitio, sed bonitas per cognitionem repræsentata, quæ licet non sit a parte rei, est

tamen obiectivè in intellectu, & hoc satis est ut possit mouere. Quando autem, perit cognitio, non perit in fine virtus causandi, sed solum deest conditio, finè qua finis non causat, eo pacto quo deficiente approximatione non deficit virtus ignis ad calefaciendum, sed solum conditio, finè qua ignis non calefacit passum.

II. Ob. Aliqui interimentes se ipsos appetunt non esse: sed hoc est malum; ergo appetunt malum. Rursus potest aliquis amare peccatum ut peccatum est, scilicet ut est offensa Dei: sed hoc est amare malum ut malum; ergo malum ut malum, potest mouere voluntatem.

Resp. Distinguo minorem: est malum in se & physicè, cōcedo; in intentione operantium, nego; qui se interimunt, apprehendunt non esse ut bonum, scilicet ut liberatum ab ærumnis; sic damnati vellet non esse, quia per non esse apprehendunt se fore liberos ab æternis cruciatibus, quos patiuntur. Similiter qui amant peccatum ut offensam Dei, licet cognoscant & apprehendant illud esse malum Dei, tamen putant esse bonum sui, quia apprehendunt ut iucundum, & delectabile sibi videre Deum priuatum debito obsequio & honore, sicut improbi homines aliorum infamiam vel mortem, procurant, quia apprehendunt fore sibi

iucun.

secundum videre malum aliorum; quare semper appetitus fertur in bonum representatum in cognitione appetentis.

III. Ob. Voluntas aliquandò mouetur à fine ad vitandum aliquid: sed tunc mouetur ratione malitiæ; ergò malum ut malum potest mouere voluntatem, & sic esse ratio finalizandi.

Resp. Malum quod vitat est terminus à quo recedit voluntas; finis autem non est terminus à quo, sed terminus ad quem, ac propterea tunc voluntas fugit malum, ut adhaereat bono; quare bonum est id, quod trahit ad se voluntatem, & sic bonum habet rationem finis & finalizat, non autem malum.

Instabis. Voluntas vi suæ libertatis potest tendere ad minus bonum relicto maiori; ergò potest etiam tendere ad malum.

Resp. Nego consequentiam, quia malum ut malum est extrà obiectum voluntatis, ideòque circa ipsum nequit voluntas exercere suam libertatem, at minus bonum est intrà eius obiectum, ideòque circa ipsum tendere potest.

Quæres. Vtrum omnia agentia naturalia agant propter finem.

Resp. Nomine agentium naturalium intelliguntur hic non intellectualia, quorum aliqua operantur cum cognitione,

ut bruta, alia finè cognitione, ut plantæ: omnia autem propter finem operantur. Ratio est, quia omnia agentia naturalia operantur aut semper aut frequenter eodem modo: e. g. gallina fouet pullos, hirundo construit nidum, canis insequitur leporem, plantæ folia flores & fructus semper eodem modo aut frequenter producant; ergo propter finem agunt. Consequentia probatur; quia quæ temerè & casu fiunt, rarò & non eodem modo contingunt; ergo quæ fiunt semper aut frequenter, eodem modo fiunt non temerè & casu; ergo propter finem. Rursus ars operatur propter finem, quia ponit vnum propter alterum: sed etiam natura hoc præstat, ut patet in hirundine ponente nidum propter oua, oua propter pullos, in plantis ponentibus flores propter fructus, & in omnibus alijs naturalibus; ergo agentia naturalia operantur propter finem.

QVÆSTIO VIII.

Quid sint fortuna, casus, & fatum.

Fortunam ab antiquis deam creditam omnibus compertum est, & impugnatur ab Augustino lib. 4. de Ciuit. Dei c. 18. & Lactantio Firmiano lib. 3. de verâ sapient. 1. 28. & 29.

Fatum

Fatum apud antiquos dicebatur causa-
rum colligantia ex astrorum motibus ac
vi efficaciam trahens. Stoici verò, ut
patet ex Seneca lib. 2. Natural. q. 35.
necessitatem fati non ex astris, sed ex di-
uino decreto putantes, dicebant quòd
fatum est necessitas rerum omnium
actionumque, quam nulla vis rumpat, cui
necessitati non modò creaturas, sed etià
ipsum Deum, ità subesse, ut nec potuerit
res aliter condere quàm condidit, nec
aliter gubernare quàm gubernat; non
modò aliqui ex antiquis, sed etiam mo-
dèrni hæreticorum quidam sensere, ut
Petrus Abailardus, Vviclephus, à quibus
non multum differt opinio Caluini eiu-
sque asseclarum dicentium, Deum ità ap-
plicare & mouere causas secundas ad ope-
randum, ut necessariò illud tantum
agant, ad quod impelluntur, & nihil aliud;
quæ necessitas respectu solius Dei, non au-
tem hominum, variabilis est.

Ut ea quæ dicturi sumus in rem præsen-
tem facile percipiantur, sciendum est,
quòd ex effectibus naturalibus alij sem-
per fiunt, ut ortus solis; quidam frequen-
ter, ut quòd homo nascatur bipes; qui-
dam ratò & præter intentionem causæ,
& hi sunt effectus per accidens. Dupli-
citer autem aliquid est per accidens, sci-
licet vel ex parte causæ vel ex parte effe-

aus. Ex parte causæ, quando id, quod dicitur causa per accidens, coniungitur causæ per se: e. g. est per accidens ex parte causæ, quod musicus ædificet, quia musica, quæ est causa per accidens ædificij, coniungitur in eodem homine arti ædificatoriz, quæ est causa per se. Ex parte effectus, quando effectui per se intento & producto ab aliquâ causâ coniungitur alter non intentus & per accidens: e. g. si fossioni terræ, quam per se intendit rusticus, coniungatur inuentio thesauri non intenta, dicitur inuentio thesauri per accidens ex parte effectus. Porro hic effectus potest esse vel coniunctus effectui causæ operantis ex electione, ut est inuentio thesauri iuncta fossioni factæ à rustico, qui ex electione fodit; vel causæ operantis non ex electione, ut cum descensui lapidis iungitur mors hominis inde transeuntis, lapis enim non ex electione, sed naturaliter descendit. His prænotatis.

Fortuna est causa operans ex electione, cuius effectui per se intento coniungitur alter per accidens, ut dictum est de fossione inueniente thesaurum.

Casus est causa operans non ex electione, cuius effectui per se coniungitur alter per accidens. Cum autem respectu Dei omnia dirigentis nihil accadat præter intentionem, propterea nullus est effectus for-

fortuitus respectu illius.

Fatum non esse admittendum in sensu nuper explicato docet catholica fides, & naturalis ratio suadet, si enim vel ex astris vel ex Deo necessitas imponatur creaturis rationalibus in operando, eo ipso auferetur liberum hominis arbitrium, & evertitur omnis iustitia civilis gubernationis; sicut enim inevitabile esset quidquid fieret, sic immerito etiam reprehenderentur & punirentur, qui delinquant, cum non suo vitio sed fatali necessitate delinquerent.

Si ergo nomine fati velimus appellare immobilem dispositionem in rebus mobilibus, per quam divina providentia suis quæque necesse ordinibus, potest admitti; nam hoc pacto significatur causas secundas esse subordinatas divinae providentiæ, quæ omnia ab æterno cognoscens ut futura sunt, omnibus iuxta ipsorum naturam ita providit, ut infallibiliter (quod nomine immobilis indicatur) sit eventurum quidquid ab illo prævisum est; talis tamen prævisio, ut suo loco dicemus, nullam imponit causis secundis necessitatem operandi; non enim ideo erunt earum effectus, quia prævisi sunt; sed potius ideo sunt prævisi, quia erunt à suis causis iuxta proprias naturas operaturis.

QVÆSTIO IX.

Vtrum totum physicum distinguatur intrinsecè à partibus simul sumptis & unitis.

EX dictis patet, partes constitutivas totius esse materiam & formam unitas. Certum est totum distingui à partibus singillatim acceptis, nam de singulis est negabile verè dicendo, totum non est materia, totum non est forma; quare dubium est an distinguatur à partibus simul sumptis & unitis.

Dico. Totum intrinsecè non distinguitur à partibus collectiue sumptis.

I. Prob. Quia si totum distingueretur à partibus collectiue sumptis, vel esset unitum, vel non unitum cum ipsis. Si primum, ergò ex vnione totius cum partibus fieret totum; ergo totum esset pars, quod implicat. Si secundum; ergò totum intrinsecè non constaret partibus. Consequentia probatur; quia nihil intrinsecè constat ex ijs à quibus est separatum.

II. Prob. Quia ab eo non distinguitur totum quo præcisè habito & intellecto habetur & intelligitur totum: sed præcisè habitis & intellectis partibus collectiue sumptis habetur & intelligitur totum; ergò totum non distinguitur à partibus collectiue sumptis. Minor probatur

tur; quia præcisè habitis & intellectis e.g. materia & anima rationali unitis, habetur & intelligitur animal rationale seu homo quod est totum; ergo præcisè habitis partibus collectiue acceptis habetur & intelligitur totum; ergo totum ab illis non distinguitur.

I. Ob. Cum Scotistis. Partes collectiue acceptæ causant totum; ergo distinguuntur à toto. Consequentia probatur; nam omnis effectus distinguitur à sua causa, . Confirmatur; quia si partes essent idem cum toto, essent etiam idem inter se, iuxta illud, *Quæ sunt eadem vni tertio sunt eadem inter se*.

Resp. Nego antecedens; nam collectiue sumptæ sunt ipsum causatum seu totum, quod causant; distributiue acceptæ, scilicet cum sumuntur vna in recto & alia in obliquo: e. g. materia quatenus recipit formā, & forma quatenus actuatur materiam. At si sumantur collectiue, scilicet omnes in recto, e. g. materia & forma simul unitæ, non causant. Ad confirmationem distinguo; quæ sunt eadem vni tertio adæquatè, concedo; inadæquatè ut est in hoc casu, nego.

Instabis. Accipi collectiue vel distributiue est opus intellectus: sed opus intellectus non facit, ut aliqua distinguantur, vel identificentur realiter cum aliquo; ergo &c.

Resp.

Resp. Concedo totum, sed hoc nihil facit contra nos; nam etiam affirmare, vel negare aliquid de alio est opus intellectus, & tamen si affirmetur de homine rationale, est verum, si negetur est falsum. Cum igitur dicimus partes collectivè aut distributivè, explicamus in qua suppositione fit illud *omnes partes*, cum dicuntur esse ipsum totum, scilicet in suppositione collectivà; eo pacto quo in propositione *omnes Apostoli sunt sancti* est acceptio distributiva, *omnes Apostoli sunt duodecim* est collectivà.

II. Ob. Singulæ partes sunt causæ partiales totius; ergo partes collectivè acceptæ sunt causa totalis; ergo totum distinguitur à partibus collectivè acceptis. Confirmatur; quia in eo genere, in quo datur causa partialis, debet dari totalis, ut patet in causa extrinseca; ergo &c.

Resp. Nego antecedens; nam singulæ, ut superius dictum est, sunt causæ totales, cum in eo genere in quo causant non admittant aliam concausam. Ex quo patet ad confirmationem.

III. Ob. Si totum non distingueretur à partibus collectivè sumptis, non posset in generatione hominis assignari substantialis terminus generationis, scilicet vlla entitas substantialis, quæ per generationem producat; ergo &c. Antecedens
pro-

probat; nam in homine non generatur materia, non generatur forma, quæ sunt ipsa hominis substantia; ergo nullus poterit assignari substantialis terminus generationis.

Resp. In omni generatione terminum ut quod esse ipsum totum, ad quod per se ordinatur generatio; terminum verò ut quo esse formam: in generatione autem hominis forma non attingitur terminatiue, scilicet ut terminus formaliter productus per ipsam generationem, sed dispositiue, scilicet quatenus ab homine generante inducuntur tales dispositiones, quæ de se formam rationalem exigunt, estque propterea non accidentaliter sed substantialiter generatio hominis, quia dispositiones ab homine generante productæ sunt per se ordinatæ ad formam substantialem.

Instabis. Sequeretur, quòd sicuti totum corrumpitur, etiam partes collectiue sumptæ corrumpantur.

Resp. Conuenire partibus collectiue sumptis ea, quæ conueniunt toti, ideoque etiam de ipsis verificatur corrumpi, perit enim similitudo quam habent inter se, qua percute non sunt amplius collectiue.

QVÆSTIO X.

*Utrum detur mutua prioritas
naturæ.*

Prioritas alia est temporis, ut Alexander Macedo fuit prior nobis prioritate temporis. Alia est ordinis, ut logica est prior prioritate ordinis physicâ. Alia est dignitatis, vi cuius dicitur prior, qui maiorem obtinet dignitatem: sic princeps est prior subditis. Alia est à subsistendi consequentiâ, cum scilicet ex vnius existentia inferatur existentia alterius, & non è contrâ: e. g. ab existentia hominis inferatur existentia animalis; est enim legitima illatio *Est homo, ergò est animal*, non autem è contrâ *Est animal, ergò est homo*. Quod inferatur dicitur prius altero, sic *animal* est prior *homine*, ideòque dicitur antecedens; id ex quo inferatur dicitur consequens, ut est *homo* in exemplo allato. Alia est prioritas naturæ, quæ est habitudo eorum inter se, quorum vnum per se determinat aliud ad existendum. Dubitatur hîc an duo possint ità se habere ut hoc determinet illud ad existendum, & vicissim determinetur ab illo.

Dico. Repugnat mutua naturæ prioritas seu mutua causalitas.

Prob. Repugnat, quòd causa opere-
tur, ut sit: sed admissâ mutuâ causalitate

e. g.

e. g. inter A & B, causa operaretur ut sit; ergo repugnat mutua causalitas. Maior est evidens; causa enim operatur, quia est, operari namque sequitur ad esse, ac proinde semper supponit esse causam, à qua fiat operatio. Minor probatur; quia si esset mutua causalitas inter A & B, A operaretur ut esset B, & ut essent ea, quæ causarentur à B, iuxta illud *Causa causa est causa causati*: sed inter ea, quæ causarentur à B esset A; ergo A operaretur ut esset A; ergo implicat mutua causalitas.

I. Ob. Materia est causa formæ, & forma materiæ; ergo datur inter ipsas mutua prioritas naturæ.

Resp. Quòd materia causet formam, verum est, cum pateat ex dictis, quòd ad existentiam formæ materialis concurrat cum efficiente materia non ut pura conditio; sicuti in artificialibus concurrat materia artificialium e. g. lignum ad formam scamni non ut conditio, sed ut subiectum simul cum artifice dans esse, scamni figuræ: omnis autem concursus ad existentiam alterius vel est conditionis vel causæ, ac proinde concursus materiæ ad existentiam formæ materialis est concursus causæ. Concessa igitur prima parte antecedentis, nego secundam partem; nam forma nec essentiam nec existentiam tribuit materiæ, sed composito ut
 supe

114 Lib. II. Disp. II. De causis
superius dictum, est.

II. Ob. Expulsio formæ præcedentis est causa introductionis nouæ, & introductio nouæ est causa expulsionis præcedentis; ingressus venti in cubiculum est causa aperitionis fenestræ, & aperitio fenestræ causa ingressus venti; ideò enim introducitur noua forma, quia expellitur præcedens & è contra; & ideò aperitur fenestra, quia ingreditur ventus & è contra: ergò datur mutua prioritas naturæ.

Resp. Nego antecedens. Ad illud ideò introducitur noua forma, quia expellitur vetus &c. concedo; per hoc tamen non rectè deducitur, quòd vna sit causa alterius, sed solùm, quòd sint connexæ expulsio formæ præcedentis & introductio nouæ, aperitio fenestræ & ingressus venti, sicuti cum dicitur ideò Petrus est homo quia est animal rationale, non deducitur ex hoc quòd *animal rationale* sit causa hominis, sed solum, quòd sit prædicatum connexum cum subiecto *homo*, quare particula *ideò, quia, & similes*, non semper important rationem causæ, sed aliquando connotant conditionem, & aliquando connexionem.

III. Ob. Possunt duo dicere, ego nolo me mouere nisi quandò videro te moueri, & alter similiter, nolo me mouere
nisi

nisi quando videro te moneri; in tali casu mutuò penderbūt isti motus vnus ab alio; ergò dabitur mutua causalitas.

Resp. Si vterque faciat, quod dixit, neuter vnquam mouebitur, atque ità non dabitur mutua causalitas.

I N T E R T I V M

*Aristotelis Librum de Physico
Auditu.*

DISPVATIO I.

De Motu.

CUm natura, de qua hīc agitur, sit principium motus, ad rectè intelligendam naturam, motum quoque intelligere necesse est, quare in hoc libro de motu sermonem habet Philosophus, quia ignorato motu & naturam ignorari necesse est.

QVÆSTIO VNICA

De natura & proprietatibus motus.

CUm dixerit Philosophus 2. Poster. & 7. Metaph. convenientissimam viam ad inueniendas definitiones esse diuisionem, vt exactam motus definitionem assignet, aliquas hīc diuisiones præparat.

mittit. Diuidit ergò primò ens, dicen-
do, quòd aliud est in actu, aliud in poten-
tiâ, aliud verò medio modo se habens
inter potentiam & actum perfectum.
Quod est in potentia tantum, nondum
mouetur: e. g. cum aqua est tantum in
potentiâ calida, nondum calefit. Quod
est in actu perfectò, non mouetur, sed iam
motum est: e. g. cum aqua iam est calefa-
cta, terminatus est motus calefactionis.
Quod verò medio modo se habet, cum
sit partim in potentia & partim in actu,
hoc mouetur: e. g. in motu alterationis
aquæ, cum hæc aliquantulum calefieri
cepit, est partim in actu caloris, habet
enim aliquem calorem, & partim in po-
tentiâ ad vltiorem, scilicet ad perfectum
calorem, & propterea dicitur tunc aqua
imperfectè calida. Hinc intelligitur quo-
modo motus dicatur actus imperfectus:
est actus, quia inest subiecto, quod est
potentia; est imperfectus, quia conno-
tat seu dicit ordinem ad actum vltiorẽ;
si enim paruus ille calor non diceret or-
dinem ad vltiorem gradum caloris,
non esset motus, sed terminus motus.
His positis

Dico. Motus est actus entis in poten-
tiâ, in quantum huiusmodi.

Probat, & explicatur hæc motus
definitio. Id, quo aliquid prius in po-
tentiâ

centiâ existens fit actu, est actus; sed aliquid fit actu, dum mouetur, cum prius esset in potentiâ; ergo motus est actus. Rursus omnis actus eius verè est actus, in quo semper inuenitur: e. g. lumen est actus diaphani, quia semper inuenitur in diaphano: sed motus semper inuenitur in ente existente in potentiâ ad vltiorem actum; ergo est actus entis existentis in potentiâ. Denique per particulam in *quantum* huiusmodi significatur, quòd licet mobile idem, quod est in potentiâ, sit etiam in aliquo actu: e. g. aqua quæ est in potentiâ ad calorem est actu aqua; tamen motus non conuenit subiecto vt in actu est, sed vt in potentiâ est ad vltiorem terminum; sic aqua mouetur ad calorem, non quia est actu aqua, sed quia quæ actu est aqua, est in potentiâ ad calorem vltiorem:

Ex dictis colligitur, motum propriè talem esse, & successiuum, & continuum. Est successiuus, quia est actus subiecti, quod adhuc tendit ad vltiorem actum. Est continuus, quia si ponatur actus in subiecto sinè continuatione, sed per instantia interpolata mediante aliqua quiete, iam subiectum recipiens actum non tendit ad vltiorem actum, quod requiritur ad motum; quare meritò Aristoteles ait, motum esse de genere continuo.

rum; ac propterea mutationes instantaneæ, ut generatio formæ substantialis, quæ tota simul producitur; lumen quod totum simul producitur in aere; visio, intellectio, & similia, quæ dicuntur motus instantanei, sunt motus tantum improprii; similitudinarii, & latè sumpti, non verò propriè tales, ipsis enim verè allata motus definitio non competit.

Genera motus propriè sumpti tria sunt, scilicet ad quantitatem, qualitatem, & ubi, quia hæc tria tantum successivè possunt acquiri, ut patebit consideranti reliqua prædicamenta; substantia enim in instanti producitur, reliquorum verò res prædicamentorum, cum propriam entitatem non habeant, nec etiam habent propriam producibilitatem; nec etiam, ut ait Aristoteles, datur motus ad motum, quia daretur processus in infinitum.

I. Ob. Omnes calefactiones siue instantaneæ, siue successivæ sunt eiusdem speciei; ergo vel omnes sunt motus, vel nullæ.

Resp. Distinguo antecedens; sunt eiusdem speciei in ratione termini seu qualitatis, quæ acquiritur, concedo; in ratione tendentiæ ad ulteriorem qualitatem, nego; successiva enim tendentia, cum dicat terminum ulteriorem, differt essentialiter ab instantaneâ, quæ ulteriorem ter-

mi-

minum non respicit.

II. Ob. Potentiæ infinitæ respondere debet effectus possibilis proportionatus: sed potentia motrix est in Deo infinita; ergo debet ipsi respondere possibilis motus infinitè velox, ac proinde instantaneus. Confirmatur; quia Angeli & corpora gloriosa mouentur in instanti, & tamen ipsorum motus est verè motus localis.

Resp. Distinguo maiorem; debet respondere effectus possibilis proportionatus proportionè geometrica, concedo; arithmetica, nego: etiam potentia Dei productiua muscæ est infinita, & tamen non est possibilis musca infinitè perfectæ, sed tantum musca perfectior & perfectior; ita satis est quod sit possibilis motus velocior & velocior, non autem infinitè velox seu instantaneus, quia iste est chymericus, non enim esset motus, cum successione careret. Ad confirmationē dico, notum Angelorum & beatorum dici instantaneum, non quia sit in instanti indiuisibili, sed quia fit brevissimo tempore.

Pro complemento questionis notetur, quòd motuum localium alij sunt per se, & alij per accidens. Motus per se est, cum res proprio motu mouetur. Per accidens verò, cum res mouetur tantum ad motum alterius: e. g. qui in navi quiescit mouetur.

120 *Lib. III. Disp. I. De motu*
uetur per accidens, quia mouetur ad motum nauis.

Rursus alij sunt motus locales recti, cum scilicet mobile fertur per lineam rectam; alij obliqui, scilicet cum fertur per lineam transuersam; & alij circulares, scilicet cum mobile fertur circa aliquod centrum.

Denique motus localis alius est naturalis, alius præternaturalis, alius violentus. Naturalis est, qui fit ex principio innato, seu extrinseco non repugnante passo, ut est motus grauium deorsum, seu uersum, & motus progressius in uiuentibus. Præternaturalis est, qui est à principio extrinseco illum non exigente, nec renitente passo, sed indifferenter se habente, ut est motus Cæli. Violentus est, qui fit à principio extrinseco renitente passo, ut motus grauium sursum.

DISPUTATIO II.

De Infinito

QVÆSTIO VNICA

*Utrum possibile sit infinitum
actu creatum.*

Considerans Philosophus quòd magnitudo, motus, & tempus, de quibus

quibus naturalis agit scientia, necesse est, ut vel finita sint, vel infinita, conueniens putauit hîc agere de infinito, de quo cap. 3. tex. 34. dicit esse *Quod impossibile est transire, seu transitum habens inconsumabilem* & cap. 6. tex. 63. *Infinitum id est cuius secundum quantitatem accipientibus semper aliquid accipere extrâ est, quæ definitiones coincidunt cum illâ, quam afferunt aliqui, Infinitum est, cuius finis non est.*

Diuiditur autem infinitum in id, quod est infinitum actu, & in id, quod est infinitum potentiâ. Actû est, quod secundum ea, quæ actu continet, finem non habet, sic Deus est actu infinitus, quia secundum perfectiones, quas actu continet, non habet finem. Potentiâ infinitum est, cuius quidquid actu est, finitum est, quod verò potentiâ impertransibile est, hoc infinitum syncategorematicum solet appellari, in quo dicuntur esse finita in infinitum, seu non tot quàm plura, & medium tenet locum inter finitum simpliciter, & infinitum simpliciter, quod categorematicum appellatur, quia participat de utroque; de finito quidem, quatenus quidquid actu habet, determinatum & finitum est, de infinito verò simpliciter, quia quod habet in potentiâ, transitum habet inconsumabilem.

Dari infinitum potentiâ clarum est ; nam productâ quavis magnitudine potest ipsi addi palmus , producto quolibet numero potest addi vnitas , imò inter vnitatem & binarium sunt infiniti numeri potentiâ , si enim accipiatur hæc minutionum series $1 \quad \frac{1}{2} \quad \frac{1}{4} \quad \frac{1}{8} \quad \frac{1}{16} \quad \&c.$ nunquam deuenietur ad binarium ; tota ergò controuersia reducitur ad hoc , an dari possit infinitum actu creatum , de increato enim sanus nemo dubitare potest quod existat .

Dico . Impossibile est infinitum actu creatum in quolibet genere .

I. Probatur esse impossibile infinitum actu in numero . Implicat in terminis partem esse æqualem toti : sed admissio numero actu infinito , pars esset æqualis toti ; ergò implicat numerus actu infinitus . Minor probatur ; detur infinitus numerus , continebit infinitos binarios , quorum partes sunt vnitates , ex quibus conflatur ; sed erunt infinitæ etiam vnitates ; ergò vnitates erunt æquales binarijs , Consequetia patet ; nam ex Euclide æqualia sunt quæ sibi mutuò congruunt : sed vnitates in eo casu congruunt binarijs , cum sint infinitæ ; ergò .

Rursus implicat numerus omnium maximus : sed numerus actu infinitus esset omnium maximus , cum infinito maius

excogitari non possit; ergò implicat. Minor probatur; quia detur infinitus numerus hominum, singuli duos habebant oculos, ideòque numerus oculorum erit duplus numeri hominum; sed omne duplum est maius subduplo; ergò numerus oculorum erit maior numero hominum; ergò numerus hominum nō erit omnium maximus, & simul ex hypotesi erit omnium maximus; ergò implicat numerus infinitus.

II. Probatur, quòd repugnet infinitū in mole, seu magnitudine. Quia implicat infinita distantia duobus terminis clausa: sed admissā magnitudine infinitā id sequitur; ergò implicat. Minor probatur; quia à quolibet puncto magnitudinis duci possunt duæ lineæ rectæ, quæ quò magis ab illo puncto recedunt, eò magis distant inter se; ergò à quolibet puncto magnitudinis infinitæ duci poterunt in infinitum duæ lineæ, quæ cum recedant infinitè à puncto, distabunt infinitè inter se; ergò dabitur distantia infinita duobus terminis clausa; hoc implicat in terminis; ergò &c. Rursus ex Euclide omnis pars si est aliquota sæpius repetita totū adæquat, ut 2. sæpius repetitum adæquat 8. si est aliquanta sæpius repetita totum excedit, ut 3. quinquies repetitum excedit 10. sed palmi magnitudinis infinitæ sæpius repe-

titi nec adæquarent, nec excederent totum; ergò non essent illius partes: sed simul essent partes; quia pars est, quæ simul cum aliâ constituit intrinsecè totum, quod utique præstant palmi in quavis magnitudine; ergò essent & non essent illius partes.

III. Probat, quòd repugnet infinitum actu creatum in perfectione, seu creatura omnium possibilium perfectissima. Quia quælibet creatura infinite distat à Deo; ergò inter ipsam & Deum est semper possibilis alia & alia creatura, quæ de diuinâ perfectione participet: sed si dari posset creatura omnium possibilium perfectissima, inter ipsam & Deum non esset possibilis alia, quæ de diuina bonitate participaret; ergò est impossibilis talis creatura. Confirmatur; quia possibilitas dicit participabilitatem Dei; ergò posita omni possibilitate, seu creaturâ omnium possibilium perfectissimâ, nulla esset amplius Dei participabilitas. Consequentia probatur; quia si creatura esset ubique, non posset ulterius immensitas Dei ab ipsâ participari: si esset semper, non posset ulterius participari æternitas; si omnia sciret, non posset ulterius participari sapientia; si omnia posset, non posset ulterius participari omnipotentia; ergò si esset infinite perfectâ, non posset
ulterius

ulterius participari infinita Dei perfectio. Nec dicat aduersarius, superesse Deo independentiam, quia Deus in ratione independentiæ non est participabilis; ergò si participetur in alijs rationibus infinite, participatur quantum participabilis est; ergò non esset amplius participabilis.

I. Ob. Cum Arriaga. Tota collectio creaturarum possibilium distat infinite à Deo; ergò posset adhuc ulterius diuina perfectio participari; ergò præter collectionem illam esset aliqua creatura possibilis: sed implicat extra totam collectionem possibiliū esse possibilem aliam creaturam; ergò implicat diuinam perfectionem posse ulterius participari. Rursus in tota collectione creaturarum possibilium aliqua est, quæ excedit ceteras, & non exceditur; ergo est perfectissima. Insuper cognoscitur à Deo creatura perfectior homine, quæ sit A, item perfectior A, quæ sit B, & sic in infinitum; ergo cognoscitur perfectissima. Denique Deus producere potest creaturam perfectissimam, quam potest producere:

Resp. Ad prima duo capita obiectionis, nego suppositum; nam supponitur, quòd possibilia possint accipi collectivè, quod est falsum; implicat enim, quòd post quamlibet imaginabilem multitudinem
non

non sit possibilis alia & alia multitudo in infinitum, cum omnis multitudo imaginabilis infinitè distet à Deo, ac proinde sit Deus vltèrius adhuc in infinitum participabilis: si autem accipi possent collectiue omnes creaturæ possibiles, iam vltra illam collectionem aliæ non essent possibiles, & ita non esset Deus vltèrius participabilis. Ad tertiũ, nego consequentiã; quia nequit cognosci possibile à Deo id, quod est chymera, vt esset creatura omnium possibilium perfectissima. Ad quartum dico, nullam fuisse possibilem perfectissimam, atque adeò perfectissimam nullam potest producere.

II. Ob. Hæc propositio *Creatura est infinita* non inuoluit contradictionem, in ipsa enim non est affirmatio & negatio de eodem: ergò est possibilis creatura infinita. Antecedens probatur; quia non inuoluit ex parte entis, cum ratio infiniti reperiatur in ente diuino: non inuoluit ex parte producti ab alio, cum etiam Filius æternus sit à Patre, & tamen est infinitus; ergò nullo modo inuoluit contradictionem.

Resp. Distinguo antecedens: non inuoluit formaliter, concedo; consequenter, nego: ad probationem dico, inuoluere contradictionem ex parte entis producti ex nihilo sui; quænam sit hæc contradictio iam patuit supra.

III. Ob.

III. Ob. Deus est infinite bonus; ergo est infinite sui communicatus, non tantum ad intra; sed etiam ad extra: sed si non posset produci infinitum actu, non esset infinite sui communicatus ad extra; ergo potest produci. Confirmatur I. quia Dei potentia est actu infinita; ergo potest producere infinitum actu, alioquin non posset attingere effectum sibi proportionatum. Confirmatur II. quia potest Deus facere actu quicquid potest facere; sed potest in hoc instanti producere actu omne possibile, quod potest producere actu in hoc instanti; ergo potest producere infinitum actu. Confirmatur III. quia si Deus operaretur ex necessitate, produceret infinitum actu; ergo potest etiam producere nunc operans liberè.

Resp. Concesso antecedenti distinguo consequentiã; est infinite sui communicatus formaliter, scilicet dando se ipsum, ut se dedit humanitati Christi, concedo; efficienter, nego. Ad I. confirmationem, concedo antecedens, & nego consequentiã; quia ad impossibile, quale est infinitum actu, non datur potentia; effectus autem proportionatus causæ infinite est, ut possit omnia producere numquam deveniendo ad finem, scilicet ut possit producere infinita syncategorematicè. Ad II. confirmationem distinguo minorem; potest in

hoc instanti producere omne possibile distributiue, idest nullum est ex possibilibus, de quo non sit verum, in hoc instanti posse produci à Deo, concedo; collectiue, nego. Ad III. confirmationem, dico, quod si Deus operaretur, seu produceret creaturas ex necessitate, non esset Deus sed chymera, atque adeò nihil produceret.

IV. Ob. Deus cognoscit creaturas posibles, non alias post alias, sed omnes simul, ergò sunt simul collectiue sub cognitione diuinà; ergò possunt omnes simul collectiue produci.

Resp. Distinguo consequentiã; sunt simul actualitate cognitionis & obiecti, concedo; simul actualitate existentie possibilis, nego; sicuti ergò nunc cognoscit Deus omnia instantia diei crastinæ, & hæc in eius cognitione sunt simul, idest vno & eodem instanti est cognitio omnium & sunt obiectum diuinæ cognitionis, nec tamen possunt produci, & existere simul omnia; ita, licet vnico actu cognoscat simul omnia possible, non tamen sunt possible existere simul; quare quæ simul & vnico actu cognoscit Deus, non propterea cognoscit posse existere simul & collectiue, sed solum distributiue.

V. Ob. Sunt posibles infiniti actu homi-

homines; ergò est possibile infinitum actu. Antecedens probatur; quia quotiescumque plura sunt singillatim possibilia, & vnum alteri non repugnat, possunt omnia produci simul, vt patet de decem, viginti, & pluribus hominibus: sed omnes homines posibles sunt huiusmodi; ergò sunt posibles actu omnes simul. Confirmatur; quia valet argumentari à distributiuo ad collectiuum; hic est rationalis, ille est rationalis, & alter est rationalis; ergò omnes simul sunt rationales; ergò etiam valebit hic homo est possibilis cum alio, hic alius est possibilis cum alio, & singuli sunt posibles cum alijs; ergo omnes sunt actu simul posibles.

Resp. Nego antecedens: ad probationem distinguo; possunt omnia produci simul, si ly omnia supponat distributiuè, concedo; si supponat collectiuè, nego; si enim supponat collectiuè, est quid impossibile, atque adeò est de subiecto non supponente. Ad confirmationem, nego, quòd vi formæ valeat argumentari à distributiuo ad collectiuum; est enim omnino falsum, hæc pars montis est parua, hæc alia est parua; ergò totus mons est paruus; hic homo est vnus, hic alius est vnus; ergò omnes sunt vnus; quare si quando valet, id fit vi materiæ tantum;

sed quidquid hoc sit, transeat totum antecedens, & distingo consequentiam; omnes collectiue sunt actu possibiles, nego: distributiue, concedo.

Instabis. Ergò posset Deus facere tantum homines finitos.

Resp. Nego consequentiã, quia potest facere finitos in infinitum, scilicet numquam deueniendo ad finem, non autem finitos idest numerum tantum finitum.

VI. Ob. Numerus maior omni finito est infinitus: sed est possibilis numerus maior omni finito; ergò est possibilis numerus infinitus.

Resp. Nego maiorem. Sensus enim propositionis est, quòd dato quolibet numero finito maior est alius, qui tamen non est infinitus sed finitus, cum vltra quemlibet, qui assignetur, assignabilis sit alius; sed quicumque assignatus erit, semper finitus erit.

Instabis. Creaturæ possibiles constituent numerum, non finitum; ergò infinitum.

Resp. Constituire numerum infinitum potentiã, seu syncategorematicè.

I N Q V A R T V M
Aristotelis Librum de Physico
Auditu .

DISPUTATIO I.

De Loco .

Cum motus naturam declarasset Philosophus, quia inter omnes motus primus dignitate censetur localis, utpote qui minus immutat mobile, quia ipsum non intrinsecè sed extrinsecè tantum mutat, ad hoc ut cognosceretur perfectè huius natura, de loco hinc agere instituit.

QVÆSTIO I.

Quid sit locus .

I. Prenotandum est ad clariorem loci intelligentiam, id quod prenotavit Aristoteles hinc cap. 3. tex. 23. scilicet quòd octo modis aliquid esse potest in alio. Primo ut pars in toto, e. g. digitus in manu. Secundo ut totum in partibus, ut homo in animâ rationali & materiâ unitis. Tertio, ut species in genere, e. g. homo in animali. Quarto, ut genus in specie, e. g. animal in homine. Quinto, ut forma in subiecto, e. g. anima in corpore.

pore, albedo in pariete. Sexto, vt effectus in causâ: e. g. quod fit à me, erat in me, seu in potestate meâ. Septimo aliquid est in aliquo vt in fine, e. g. cor amantis est in amato. Octauo, vt locatum in loco, vt Petrus est in schola.

II. Prænotandum est, esse quasi principia per se nota quædam, quæ videntur per se inesse loco, & sunt quatuor. Primò quòd locus contineat id cuius est locus, ita vt non fit aliquid locati, sed quid extrà ipsum locatum. Secundò quòd primus & immediatus locus, idest ille, in quo corpus primò est, æqualis sit, non autem maior, aut minor locato. Tertiò quòd locus non deficit locato, scilicet quòd si vnum amittat locum, acquirit alium. Quartò quòd in omni loco grauium & leuium inuenitur quædam differentia loci fursùm & deorsùm, & quodlibet graue vel leue, cum est extrà proprium locum, fertur ad ipsum, & cum est in eo, naturaliter manet, & quiescit in ipso.

III. Prænotandum, quòd sicuti in definienda quidditatiuè qualibet re, ita in definiendo loco, quatuor debent attendi. Primò vt ostendatur quid sit locus, quia definitio est oratio explicans quid res sit. Secundò vt soluantur quæcumque opponuntur circâ locum, nam cognitio veritatis

tatis est dubiorum solutio. Tertio ut ex assignatâ definitione manifestentur proprietates loci: definitio enim est medium, quo proprietates de subiecto demonstrantur. Quarto ut ex definitione loci fiat manifesta causa, cur aliqui circa locum errant. His prænotatis

Dico. Locus est superficies prima corporis continentis immobilis.

Prob. Per id optimè definitur locus, per quod satisfit interroganti ubi res sit? Sed per huiusmodi definitionem hoc habetur; ergo &c. Minor probatur; quia interroganti ubi res est? respondemus adæquatè assignando primam superficiem ambientis immobilem; ergo &c. Antecedens probatur; quia interroganti, e. g. ubi est Petrus? respondetur per id, in quo primò & immediatè est: e. g. est in domo, non quidem in tota domo, sed in hac, aut illâ determinatâ parte domus, quæ est æqualis Petro: sed id, in quo primò est Petrus, & quod est æquale Petro, est sola superficies prima ambientis; ergo interroganti ubi est Petrus? respondetur per primam superficiem ambientis. Similiter non satisfit interroganti ubi est? si dicatur est in curru, aut in equo, quia hæc sunt mobilia, benè tamen si respondeatur, est in domo, est in vrbe, quia hæc immobilia sunt; ergo per superficiem

ciem primam corporis ambientis immobilis satisfat interroganti ubi res est? ergo per id optimè definitur locus.

Circà immobilitatem superficiei advertite, non requiri ut sit eadem in se invariata superficies, sed satis esse si sit eadem moraliter secundum easdem differentias distantiae & propinquitatis respectu locati, & punctorum vel realiter, vel imaginariè fixorum: e. g. flante vento mutatur circà turrim superficies aeris; sed quia superficies novi aeris succedentis est moraliter eadem, quia servat eandem propinquitatem ad turrim, & eandem distantiam à punctis fixis, seu ultimæ sphaeræ, seu spatij imaginarij, quod est supra ultimam sphaeram, quam habebat aer præcedens, propterea turris dicitur esse in eodem loco immobili, ubi erat prius.

Ob. Si locus esset aliquid, esset corpus, & ita deberet habere locum, dareturque locus loci, & sic processus in infinitum.

Resp. Locum non esse corpus, sed superficiem corporis, quæ est in corpore, cuius est superficies, non ut locatum in loco, sed ut terminus ipsius corporis, quod licet etiam ipsum sit in loco, & ita aliud & aliud non datur processus in infinitum, quia devenitur tandem ad ultimam

nam sphaeram, quæ ab alio loco non continetur.

Ex his manifestè constat errasse antiquos, quorum aliqui dixere, locum esse materiam, alij formam, cum contingat corpus, non mutatâ materiâ & formâ, mutare locum, quem propterea per allatam definitionem constat esse quid extrinsecum locato, cum tamen materia & forma sint intrinseca corpori, cuius sunt constitutiva.

Diuiditur locus in proprium, & communem. Proprius est superficies immediate circumscribens locatum. Communis est, qui mediatè tantum rem continet: e. g. dum Petrus dicitur esse in schola, reliquum scholæ, præter superficiem immediate ipsum ambientem, est locus communis Petri, & idem est cum dicitur est in Ciuitate, in Europa &c.

Quæres. An vltima sphaera sit in loco?

Resp. Non esse in loco physico extrinseco & reali, quia non habet superficiem, qua contineatur. Dici tamen potest esse metaphysicè & imaginariè in loco, quatenus possumus supra ipsam imaginari puncta fixa, à quibus distet, & quibus propinqua sit vltima sphaera.

QVÆSTIO II.

*Vtrum præter locum extrinsecum detur
etiam locus intrinsecus.*

Nomine loci intrinseci intelligitur aliquid, per quod corpus locatum constituatur in loco, quod aliquid est veluti accidentalis unio locati cum loco.

Dico. Præter locum extrinsecum admittenda est ubicatio distincta à loco & locato, per quam locatum est formaliter in loco.

Probat. Quia locatum, e. g. Petrus, est in loco formaliter non per hoc, quod sint Petrus & locus; ergo est in loco per aliquid ab ipso, & loco distinctum. Antecedens probatur; quia datur de facto Petrus & hic locus, & tamen Petrus non est in hoc loco; ergo Petrus est in loco per aliquid ab ipso & à loco distinctum, quod vocamus ubi intrinsecum, seu modalem entitatem, per quam Petrus ad hunc locum ita determinatur, ut sit impossibile ipsam esse & Petrum non esse in hoc loco; sicuti de unione diximus esse impossibile, ut ipsa sit & partes per ipsam non sint unitæ.

I. Ob. Supposito quod Petrus non distet ab hoc loco, & non detur illa ubicatio superaddita, adhuc Petrus erit in hoc loco; ergo non datur ubicatio superaddita

addita. Confirmatur; quia si per diuinam omnipotentiam, auferatur ille modus vbicationis, res manebit in eodem loco, vbi erat prius, ergò non est in loco per vbicationem distinctam.

Resp. Nego suppositum, implicat enim in terminis, quod Petrus sit praesens huic loco sine vbicatione superaddita; ipsa enim formalis praesentia non est Petrus neque locus extrinsecus, sed id quo Petrus non distat à loco extrinseco, idest ipsamet vbicatio; quare supponere praesentiam sine vbicatione, est supponere praesentiam sine praesentia. Hinc patet ad confirmationem, non posse fingi, quod res maneat in eodem loco, si auferatur talis vbicatio; nam eo ipso auferatur formalis praesentia locati ad talem locum, quod est idem ac mutare locum.

II. Ob. Vt res sit formaliter in loco, sufficit, vt existat simul cum loco sine vbicatione superaddita, vel saltem vt per motum ponatur in tali loco; ergò necessaria non est vbicatio superaddita.

Resp. Nego suppositum, quòd res existat simul cum loco sine vbicatione superaddita; nam *simul* vel significat Petrum & hunc locum tantum, vel aliquid plus: si primum; ergò quotiescumque detur Petrus & hic locus, Petrus erit simul cum hoc loco, quod est falsum; ergò

ergò significat aliquid plus, quàm Petrum & hunc locum, ac proinde implicat quod sit simul cum hoc loco, & non detur vbicatio superaddita, quia híc simul nihil aliud dicit quàm talem vbicationem. Nec per motum saluatur talis vbicatio, quia motus est id, per quod acquiritur vbicatio, atque adeò est antecedens vt ratio formalis, qua mobile tendit ad locum, non autem est ratio formalis, qua mobile est in loco.

QVÆSTIO III.

Virum repugnet idem corpus esse simul in pluribus locis, aut plura corpora esse in eodem loco.

Naturaliter plura corpora in eodem loco non posse simul esse experientia demonstrat, cum non possit poni manus vbi est liber, nisi remoueatur liber, & sic de cæteris. Supernaturaliter verò posse plura corpora penetrari in eodem loco possibile est, imò de facto euenisse, cum Christus Dominus ianuis clausis ingressus est ad Apostolos, docent Philosophi Catholici, diuinæ enim omnipotentix concedendum est, quidquid contradictionem non inuoluit. Nullam autem inuoluit contradictionem, quòd plura corpora eodem in loco penetrentur.

Est etiam certum naturaliter non posse

se idem corpus siue definitiue siue circumscriptiue esse simul in pluribus locis. Pro huius rei intelligentiâ notate, quòd esse definitiue in loco, est esse totum in toto loco & totum in singulis partibus loci, vt est corpus Christi in totâ hostiâ consecratâ, & in singulis eius partibus; esse circumscriptiue est esse totum in toto loco, & partes singulas in singulis partibus loci, sic naturaliter existunt omnia corpora. Quòd verò per diuinam potentiam possit idem corpus esse definitiue in vno vel pluribus locis, & circumscriptiue in alio loco, indubitatum est apud Catholicos, qui fatentur & venerantur Corpus Christi definitiue in pluribus locis seu hostijs consecratis, & circumscriptiue in Cælis. Tota ergo controuersia reducitur ad hoc, an idem corpus, esse simul in pluribus locis circumscriptiue, sit possibile.

Dico. Possibile est idem corpus esse simul circumscriptiue in pluribus locis.

Prob. Possibile est, quod positum non inuoluit contradictionem: sed corpus esse simul circumscriptiue in pluribus locis, e. g. Romæ & Florentiæ, non inuoluit contradictionem; ergò est possibile. Minor probatur; quia contradictio non est esse Romæ & Florentiæ, cum vtraque sit affirmatio, sed esse Romæ, simulque non esse

esse Romæ, esse Florentiæ simulque non esse Florentiæ: sed hoc non sequitur posito simul corpore circumscriptiue in duplici loco; ergò non sequitur contradictio. Minor est manifesta; quia qui dicit corpus esse simul circumscriptiue Romæ & Florentiæ, nullo modo negat esse simul, aut Romæ aut Florentiæ; ergò &c.

II. Prob. Quia plus est idem corpus esse simul definitiue in pluribus locis, quam esse circumscriptiue, ergò si potest esse definitiue, potest etiam circumscriptiue. Antecedens probatur; quia ut corpus sit definitiue simul in pluribus locis duo requiruntur miracula, vnum scilicet quòd corpus idem sit simul in pluribus locis, aliud quòd vbicetur definitiue; at ad hoc ut sit simul in pluribus locis circumscriptiue vnum tantum requiritur miraculum, scilicet ut sit in pluribus locis; ergò &c.

I. Ob. Circumscribi loco est loco comprehendi; ergò est ita corpus esse in loco, ut nihil ipsius sit extra illum locum; ergò quod est circumscriptiue in vno loco nequit esse circumscriptiue alibi.

Resp. Concedo antecedens, & nego consequentiã; nam si quid probaret argumentum, probaret, quòd Christus existens circumscriptiue in Cælo non esset totus sub speciebus consecratis; quòd si concedit aduersarius, quòd licet Christus
cir.

circumscriptiue sit in Cælo, tamen est etiam totus sub speciebus consecratis, non erit verum, quod circumscribi loco sit nihil corporis esse alibi. Ad hoc ergo ut res circumscribatur loco, satis est, ut tota sit intra illum locum, non verò requiritur ut non sit alibi.

II. Ob. Corpus replicatum esset diuisum à se ipso, diuisum est enim corpus existens Florentiæ à corpore, quod est Romæ. Rursus posset Romæ applicari ad ignem, & sic calefieri, Florentiæ immergi aquis, & sic frigefieri.

Resp. Distinguo antecedens; esset diuisum extrinsecè, scilicet quoad locum, concedo; intrinsecè quoad entitatem, nego: corpus non replicatum, quod est Florentiæ, est quidem diuisum intrinsecè ab eo quod est Romæ; at corpus replicatum est idem Romæ & Florentiæ, ac proinde intrinsecè non est à se diuisum, sed diuisa sunt tantum loca, in quibus idem reperitur. Ad secundum, admissa hypotesi, sequeretur idem, quod sequeretur, si in eodem loco simul ignis & aqua corpori applicarentur; reciperet enim qualitatem illius, quod preualeret.

Instabis; ergo si præualeret ignis Romæ applicatus, calefaceret corpus quod est Florentiæ, & sic daretur actio in distans,

Resp.

Resp. Concedo, quòd calefaceret Romæ corpus, quod est Florentiæ, sed non daretur actio in distans, quia tale corpus cum esset etiam Romæ, non distaret ab igne romano. Idem dic, si vulneraretur Romæ & non Florentiæ, & de similibus, licet enim actio vulnerandi exerceretur Romæ & non Florentiæ, tamen vulnus inflictu esset in corpore tam Romæ quàm Florentiæ, quia est idem corpus.

III. Ob. Non potest falsificari principium per se notum: sed si possibili esset replicatio corporum, falsificaretur; ergo &c. Minor probatur; quia est principium per se notum, quæ sunt in locis distinctis, sunt distincta: sed hoc falsificaretur; ergo &c.

Resp. Retorqueo argumentum. Est æquè per se notum, quòd ubi sunt accidentia propria panis, est substantia panis, ubi sunt accidentia propria vini, est substantia vini, & tamen in Eucharistia non habet locum. Est æquè per se notum, quòd vnicus locus non indicat nisi vnum corpus, & tamen in sententia aduersariorum, qui admittunt plura corpora posse simul vno in loco penetrari, non verificatur illud principium. In formâ distinguo maiorem; non potest falsificari principium metaphysicum, concedo; physicum, nego: principium autem allatum est *phy-*

physicum, non verò metaphysicum. Ad-
dite, quòd in replicatione non verificatur
aliqua esse in locis distinctis, sed aliquid
esse in locis distinctis.

IV. Ob. Si Petrus esset simul Romæ &
Florentiæ, posset Romæ sedere & Flo-
rentiæ ambulare; posset Româ venire
Florentiam, & Florentiâ petere Romam,
& sic occurrere sibi ipsi; ergò &c.

Resp. In nullo istorum reperiri con-
tradictionem, atque adeò non rectè de-
duci esse impossibilia; quandò autem sibi
ipsi occurreret Petrus, nihil aliud fieret,
nisi quòd haberet intrâ idem spatiû duas
vbicationes, alteram naturalem, alteram
miraculosam; & quòd vi vnus respiceret
orientem, vi alterius respiceret occiden-
tem; non tamen posset dici penetratus
cum se ipso, quia penetratio dicit duo,
Petrus autem esset vnus.

V & ultimò Ob. Sequeretur quòd vnus
homo posset replicari in mille locis, & sic
æquivalere mille hominibus; posset in
vno loco amare Deum, in alio odisse.
Rursus posset vna candela replicari in to-
to Mundo, & ita illuminare totum Mun-
dum.

Resp. Distinguo antecedens; posset æ-
quivalere extrinsecè, scilicet quoad re-
plendum locum, concedo; intrinsecè,
nego: nam intrinsecè etiam in mille lo-

cis eſſet vnus, & haberet ſolas vires vnus. Amor & odium eiſdem in eadem voluntate pro eodem inſtanti pugnant ſimul, & nihil facit locus ad hæc, quia non exercentur in ordine ad locum; ac proinde non poſſet ſimul amare & odiſſe Deum. Ad illud de candela, concedo; ad hoc enim vt lumen illuminet plura corpora, ſatis eſt, ſi fiat præſens illis; quare ſi per replicationem fiat præſens toti Mundo, nullum eſt inconueniens quòd totum illuminet Mundum.

DISPUTATIO II.

De Tempore.

V Acuum ſuperius examinauimus, ac proinde temporis naturam hinc inquirere placet.

QVÆSTIO VNICA

Vtrum præter tempus extrinſecum, ſit admittendum etiam intrinſecum.

A Riſtoteles hinc tex. 101. definit tempus ſic; *Eſt numerus motus ſecundum prius, & poſterius.* Cuius definitionis rationem reddit, quia id, quo iudicamus aliquid plus & minus, eſt numerus eius: ſed tempore iudicamus motum plurem & mino-

minorem ; ergo tempus est numerus motus . Numerus autem dupliciter dicitur , scilicet numerus numeratus , & numerus numerans . Primus est numerus rerum à parte rei , vt decem homines , decem partes motus . Secundus est numerus , quo numeramus , scilicet numerus absolute acceptus & abstractus à rebus , vt duo , tria , quatuor , &c. Tempus autem est numerus numeratus , non autem numerus numerans , quia est numerus prioris & posterioris in ipso motu ; quare , sicut motus est quid reale , indubitatum pariter est tempus esse quid reale , non autem purè intentionale , vt quidam dixerunt . Quòd autem tempus sit id , quo iudicamus motum plurem & minorem , patet ; nam eadem mensura vni motui pluries applicatur quàm alteri : e. g. mensura diurna pluries applicatur mensi quàm hebdomadæ , pluries anno quàm mensi .

Et quoniam hæc mensura debet esse notissima , meritò ponitur communiter in circulatione primi mobilis ; quæ regulatissima est , & in orbe toto notissima . Primum enim in vnoquoque genere mensura est cæterorum ; à qua opinione parum vel nihil distat eorum sententia , qui circulationem Solis volunt esse huiusmodi mensuram ; nam & hi conueniunt cum

alijs in assignanda mensura regulatissima & notissima. Ex his patet, tempus esse mensuram rebus extrinsecam, sicut est extrinseca panno mensura, qua ipsum metimur. Superest examinanda difficultas, an præter hanc mensuram seu tempus extrinsecum, detur aliud tempus intrinsecum, scilicet aliqua modalis entitas distincta à re durante & tempore extrinseco, per quam res hoc vel illo tempore formaliter duret, ut diximus dari præter locum extrinsecum etiam intrinsecum.

Dico. Præter tempus extrinsecum & rem, datur tempus intrinsecum seu duratio superaddita.

Probat. Quia intelligi potest res & tempus extrinsecum, absque eo quod res intelligatur, tali tempore durare; ergò, ut intelligatur durare tali tempore, aliquid plus, quam res & tempus extrinsecum, requiritur. Antecedens probatur; quia de facto intelligo Antichristi existentiam & diem hodiernam, & tamen per hoc non intelligo talem existentiam durare die hodiernâ; ergò, ut intelligatur durare die hodiernâ, requiritur aliquid superadditum, quod vocamus tempus intrinsecum.

Ob. Non potest intelligi existere tempus extrinsecum & res, quin intelligatur
tur

tur res coexistere tali tempore; ergò nihil requiritur superadditum.

Resp. Nego antecedens; nam existentia rei est indifferens vt coniungatur cum tempore hodierno vel crastino, & quolibet res, quæ est indifferens vt coniungatur cum aliâ, potest intelligi, imò esse sine illâ, atque adeò vt res duret potius hodie quàm cras, requiritur aliquid, rei & tempori extrinseco superadditum.

Instabis. Per hoc præcisè quod existat, durat nunc; ergò non requiritur aliquid superadditum.

Resp. Distinguo antecedens; durat nunc ratione rei significatæ præcisè, nego; ratione rei consignificatæ, concedo; dum dicitur, e. g. Petrus existit, per *ly existit* significatur non modo existentia Petri, & tempus extrinsecum, sed forma per quam hoc tempore potius quàm alio existit.

Pro complemento quæstionis sciendum est, quòd tam vbiicationis intrinsecæ quàm durationis huiusmodi principium productiuum est ipsamet res, quæ per ipsam vbiicatur, & quæ durat, quæ proinde prior est naturâ non autem tempore suæ vbiicatione & duratione intrinsecâ.

Porro duratio aliâ est, quæ principio & fine caret, vt est duratio Dei, & est æternitas definita à Boetio *Interminabilis*

vita tota simul & perfecta possessio. Alia, quæ habet principium, sed non finem, ut duratio Angeli & Animæ rationalis, diciturque ævum, seu æternitas. Alia est principium & finem habens continua & successiva, cuius scilicet partes non existunt nisi in continuo fluxu, nec ununtur nisi inione fluenti, non autem permanenti, quarum aliqua comparatæ ad instans præsens dicuntur præteritæ, & aliæ futuræ, & hæc duratio est tempus, ab Aristoteli explicatum. Hac duratione, mensurantur intentionaliter, etiam entia permanentia; sic dicimus primum Angelum iam durasse tot annos, quia coexistit tot circulationibus primi mobilis; licet enim mensura physica & realis, quæ per simplicem applicationem mensurat, debeat esse homogenea cum mensurato, non est necesse, ut sit homogenea mensura, quæ applicatur intentionaliter, scilicet cum ratiocinio saltem virtuali, ut sit quando iudico me aut Angelum durasse tot annos, quot sunt primi mobilis circulationes.

Ex his manifestè patet tam motum quam tempus esse genera quantitatis continuæ successivæ, cum habeant aliquam extensionem & divisibilitatem in partes priores & posteriores. Nec obstat, quod numerus numerans sit quantitas di-

secrta, quia ut vidimus, tempus non est
numerus numerans, sed numeratus.

Quæres. Quomodo temporì attribua-
tur corruptio, non autem generatio,
cum tamen utraque fiat in tempore.

Resp. Quia generationis semper ap-
paret aliqua causa, cui proinde genera-
tio tribuitur. At cum in multis corru-
ptionibus, ut cum senio deficit animal,
non sit manifesta, sed lateat causa cor-
rumpens, solet propterea tribui tempo-
ri talis corruptio, ad differentiam illa-
rum corruptionum, quarum manifesta,
nobis est causa, quas propterea non tri-
buimus temporì, ut cum ab inimico oc-
ciditur homo, dicimus enim ipsum ante
tempus obiisse, quia inimico occidenti,
& non temporì tribuimus eius mortem.

I. N. Q. V. I. N. T. V. M.

Aristotelis Librum de Physico

Auditu.

DISPUTATIO VNICA

De speciebus motus.

Explanato motu, & ijs quæ consequi-
tur motum in cōmuni, diuisione mo-
tus in suas species hic Philosophus tradit.

QVÆ.

QVÆSTIO VNICA

Quot sint species motus.


VT ad quæstionem propositam facile respondeamus, prænotandum est, triplici modo aliquid transmutari, scilicet per accidens, secundum quid, & simpliciter. Per accidens, est, cum mutatio accidit alicui non vi eius, quod habet: e. g. cum dicitur musicus mouetur, motus enim accidit huic homini non vi musica. Secundum quid, est, cum res dicitur mutari, quia aliqua eius pars mutatur: e. g. dicitur sanari homo, quia sanatur eius manus aut pes, quæ sunt eius partes. Simpliciter, est, cum aliquid primo & per se, scilicet non ratione partis, neque per accidens mutatur: e. g. lignum calefit non ratione alicuius suæ partis, sed quia totum & secundum se est calefactibile. His prænotatis.

Iam dicit Philosophus, quòd tria sunt genera motus, scilicet motus localis, alteratio, & augmentatio. Omnes motus, qui sunt in vnâ coordinatione prædicamenti, e. g. omnes motus locales, dicuntur vnus motus genere. Motus rerum, quæ in alias species non diuiduntur, dicuntur vnus motus specie: e. g. quia albedo non diuiditur in alias species, omnis dealbatio est vnus specie motus.

Vnus

Vnus verò numero motus est, qui ab vno numero subiecto in eadem specie vel genere & eodem tempore fit: e. g. si Petrus hoc tempore ambulet, eius ambulationis est vnus numero motus; quare ad vnum numero motum tria requiruntur, scilicet vnitas téporis, vnitas rei in qua est motus, & vnitas subiecti quod mouetur.

Cuilibet motui accidit esse regularem, vel irregularem. Motus est regularis, quando tota alteratio est vniformis, & quando mobile mouetur in magnitudine regulari & vniformi. Dicitur magnitudo vniformis, cuius quælibet pars est posita vniformiter post aliam partem, vt est in lineâ rectâ & circulari. Motus irregularis ex duplici capite contingit, scilicet ex parte magnitudinis non vniformis, vel ex parte modi ipsius motus. Magnitudo est non vniformis, quando non quælibet pars vniformiter est posita post aliam: e. g. in his duabus lineis, quæ



faciunt angulum A in puncto A, vna applicatur alteri, non in directum, sicuti applicantur sibi inuicem in directum partes vnus & eiusdem lineæ; quare motus obliqui & reflexi, quia faciunt angulum, sunt irregulares.

Ex parte modi est irregularis motus, cum una pars est alia velocior; velocitas & tarditas, cum in qualibet specie motus reperiri possint, non sunt species, neque differentia motus, cum nulla species & differentia possit esse in omni specie sui generis.

Contrarietas motuum desumitur ex contrarietate terminorum, ad quos terminatur motus. Ratio est, quia cum contrarietas sit differentia secundum formam, ab eo motus recipit contrarietatem, à quo recipit formam seu speciem, scilicet denominationem: sed hanc recipit à termino ad quem, e. g. dicimus dealbatio est motus ad albedinem, calefactio ad calefactionem, sanatio ad sanitatem; ergo à termino ad quem recipit contrarietatem.

Hinc satis liquet quietem in termino ad quem, esse perfectionem ipsius motus, ac proinde non contrariari motui, qui ad ipsam tendit; sed illam solam quietem esse motui contrariam, quæ est in termino à quo: e. g. motus ex aegritudine ad sanitatem non contrariatur quies in sanitate, sed quies in aegritudine, à qua proinde motus recedit.

I N S E X T U M
Aristotelis Librum de Physico
Auditu.

DISPUTATIO VNICA

De Continuo.

Quantitas est accidens illud, quo satisfacimus interroganti quanta res est? sic interroganti quantum est hoc lignum? respondemus, bipalmare &c.

Alia est continua, alia discreta. Continua est, cuius partes termino communi copulantur, vt partes ligni, lapidis, & cuiuslibet alterius molis. Discreta est, cuius partes nullo communi termino copulantur, vt sunt numeri 2. 4. 6. &c. De quantitate continua nobis in hoc libro sermo est, quam supponimus esse accidens distinctum à rei substantiâ, tum quia dum respondemus interroganti quanta res sit? non explicamus rei substantiam, dicendo esse magnam vel parvam; non enim exprimimus quid sit; tum quia in venerabili Eucharistiæ Sacramento pereunte panis & vini substantiâ, non perit quantitas; ergò euidenter est quantitatem à substantiâ distingui, ac proinde esse accidens.

QVÆSTIO I.

*In quo consistat formalis effectus
quantitatis.*

Quidam in ratione mensuræ aptitudinalis actiue, scilicet qua vnum aptum est mensurare alterum, vel in ratione mensuræ passiuæ, qua vnum aptum est mensurari ab altero, consistere dixerunt quantitatis rationem. Alij effectum eius formalem ponunt in eo, quod det extensionem partibus in loco. Alij in eo, quod partes vnā extra aliam ponat in ordine ad se ipsas.

Dico. Effectus formalis quantitatis consistit in exigentiā naturalis impenetrationis cum alio subiecto quanto.

Prob. Quia ille est effectus formalis primarius alicuius formæ, qua per nullam aliam tribuitur, & quo habito præcisè & intellecto habetur & intelligitur in subiecto forma: sed à nullā aliā formā quā à quantitate tribuitur corporibus impenetrabilitas, & hac habitā præcisè & intellecta habetur & intelligitur in subiecto seu corpore quantitas; ergo impenetrabilitas, seu exigentiā impenetrationis, est effectus formalis primarius quantitatis.

I. Ob. Dicitur potest effectum formalem quantitatis esse extremitatem partium in ordine

ordine ad locum, idest, extendere partes in loco: ergò &c.

Resp. Hoc esse proprium vbicationis circumscriptiue, quæ per hoc à definitiua diuersificatur. Profectò habet Corpus Christi totam suam quantitatem sub speciebus Eucharisticis, & tamen non habet partes extensas in ordine ad locum, quia caret vbicatione circumscriptiua; ergò extendere partes in ordine ad locum est munus vbicationis, & non quantitatis.

II. Ob. Dici potest, quòd effectus formalis quantitatis sit extreitas partium in ordine ad se; aut quòd sit ratio mensuræ aptitudinalis seu actiue seu passiue; ergò &c.

Resp. Partes per se ipsas esse aptas facere totum huius aut illius figuræ, & non esse inuicem identificatas, sed distinctas; habent enim mutuam negabilitatem in recto, cum pars materiæ capitis non sit materia pedis, & è contra; ideòque non constituuntur vna extrà aliam per quantitatem. Nec etiam rectè constituitur ratio quantitatis in ratione mensuræ; nam æquale vel inæquale consequuntur ad quantitatem, sicuti simile aut dissimile sequuntur ad qualitatem, non autem sunt ipsa ratio quantitatis.

QVÆSTIO II.

Vtrum continuum componatur ex punctis mathematicis?

TRiplex de compositione continui sententia est. Prima dicentium componi ex punctis Zenonicis, quæ plerique mathematica appellant. Secunda putantium componi ex partibus in infinitum diuisibilibus; tales tamen partes aliquas esse actu distinctas, alias non actu sed potentia tantum distinctas quidam eorum affirmant; alij vero nullas actu partes in continuo distinctas admittunt, sed omnes in potentia, ita vt quantitas capitis & pedis sit actu eadem & indistincta, solumque capax vt distinguatur per diuisionem. Tertia sententia docet continuum componi ex punctis physicis actu finitis & distinctis.

Punctum Zenonicum est quantitatis pars indiuisibilis adeo minima, vt illa minor nequidem concipi possit.


Dico. Continuum non componitur ex punctis Zenonicis.

I. Probatur; quia admissis punctis Zenonicis nullum mobile velocius alio moueretur: sed aliquod mobile mouetur alio velocius; ergo non sunt admittenda puncta Zenonica. Sequela maioris probatur; quia si moueantur simul ceruus & testudo

do, non potest hæc minus percurrere quàm ille, quia minus indiuisibili excogitari nequit; ergò tot indiuisibilia percurrit testudo quot ceruus; ergò ceruus non est velocior testudine.

Respondent, motum testudinis esse tardio-rem, quia post singula instantia motus intercipitur morula per vnum instans: e. g. postquam testudo cucurrit primo instanti vnum indiuisibile spatij, secundo instanti quiescit, in tertio mouetur, in quarto quiescit, & ità in cæteris; cum tamen ceruus numquam quiescat.

Sed contrà. Dum rota mouetur, circuli minores concentrici, partesque rotæ,




viciniores centro tardius mouentur quàm circuli remotiores à centro, & tamen nullæ intercedunt morulæ in minoribus circulis, partibusque centro vicinioribus; ergò nequit saluari velocitas, & tarditas }

158 Lib. VI Disp. vnic. De continuo
tas motus per morulas.

II. Probatur; quia omnis linea potest
diuidi bifariam æqualiter; sed admissis
punctis Zenonicis linea constans quinque
punctis non posset diuidi æqualiter, cum
punctum excedens bipartito secari ne-
queat nec physicè nec imaginariè, alio-
quin si secaretur saltem imaginariè, pun-
ctum Zenonicum non esset id, quo minus
excogitari nequit, cum iam c. n. cipere-
tur dimidium puncti, idest quid minus
puncto; ergò nequit componi continuum
ex punctis Zenonicis.

III. Probatur. Circulus minor con-
centricus foret æqualis maiori; nam cer-
tum est, quod à quolibet puncto circuli
maioris possunt duci lineæ rectæ ad cen-
trum, quæ non possunt se tangere nisi in
centro, alioquin non essent rectæ, sed
obliquæ: sed singulæ lineæ designabunt
punctum in circulo minori, cum minus
puncto designare non possint; ergò tot
erunt puncta in circulo minori, quot li-
neæ ducentur à maiori: sed ducentur à
maiori tot lineæ quot sunt in ipso puncta;
ergò tot erunt puncta in minori circulo,
quot in maiori, & ita minor erit maiori
æqualis. Item diagonalis in quadrato
non esset maior latere, quia ex quouis
puncto lateris AB ductæ lineæ ad latus
CD designabunt tot puncta in diagona;

II, quot sunt in latere, operient enim totam diagonalem; ergò diagonalis erit æqualis lateri. Totum hoc patet in subiecta figura.



QVÆSTIO III.

Utrum continuum constet ex diuisibilibus in infinitum?

SEcunda sententia Plurimorum est putantium se peripateticam de continuo doctrinam optimè tenere, si dicant continuum non esse diuisibile in indiuisibilia, sed in partes, quarum singulæ sunt item diuisibiles in alias minores & minores, ita ut neque per diuinam potentiã possit deueniri ad partem, quæ in alias non sit vltèrius & vltèrius in infinitum diuisibilis.

Dico. Continuum non constat ex diuisibilibus in infinitum.

I. Probatur. Quia si continuum esset diuisi-

diuisibile in infinita inessent ipsi actu infinita: sed actu infinita implicat, vt supra ostensum est ex doctrina Aristotelica; ergo implicat continuum esse diuisibile in infinita. Sequela maioris probatur; quia nihil est diuisibile, nisi in ea, quæ actu ipsi insunt; ergo si esset continuum diuisibile in infinita, inesset ipsi actu infinita. Antecedens probatur inductione & ratione. Inductione quidē non esset diuisibilis homo in animam rationalem & corpus, nisi actu inessent ipsi anima & corpus: nō esset diuisibile corpus in caput, pectus, & pedes, nisi actu inesset ipsi caput, pectus, & pedes (semen enim animalis, quod hæc habet in potentia tantum, per nullam diuisionem in illa membra diuiditur) ergo nihil est diuisibile nisi in ea, quæ actu ipsi insunt. Ratione verò probatur idem antecedens; quia diuisio non tollit identitatem sed vnionem; ergo quæ possunt diuidi non sunt idem, sed vnita: vnita autem insunt actu; ergo &c. Antecedens patet, tum ex ipsâ nctione diuisionis, quæ est conuictorum separatio, tum ex illo principio lumine naturæ noto, *Idem non potest diuidi à se ipso*, & ex illo vulgatissimo proloquio, *Omnis separabilitas realis est indicium actualis distinctionis*; ergo quæ sunt inuicem diuisibilia & separabilia, non sunt actu idem; sed distincta actu; ergo insunt actu;

ergo

ergò si continuum est diuisibile in infinita, insunt actu infinita, quod implicat.

II. Prob. Quia vel ea, in quæ continuum est per aduersarios diuisibile, insunt actu omnia; vel insunt quædam actu, & quædam potentiâ; vel omnia in potentiâ: nullum ex his sustineri potest; ergò continuum non est diuisibile in infinita. Minor probatur; si omnia insunt actu, datur infinitum actu creatum; quod implicat. Si partim actu partim potentiâ; sic arguo. Dantur aliquæ partes actu in continuo; ergò dantur actu infinitæ partes. Consequentia probatur; ideò dantur aliquæ actu, quia in aliquas est diuisibile: sed est diuisibile in infinitas, seu vt ipsi dicunt, in non tot quin plures; ergò dantur actu infinitæ seu non tot quin plures; non enim est maior ratio cur in ligno bi. palmari sint actu duo palmi, & quatuor semipalmi, & non sint actu aliæ partes minores semipalmis, & sic cæteræ.


Nec denique dici potest, omnes partes inesse potentiâ, actu vero nullam esse distinctam; quia si continui nulla pars est actu distincta, sequitur ex doctrinâ Aristotelis non esse continuum; ergò implicat partes in continuo esse omnes potentiâ. Sequela antecedentis probatur; quia quæ sunt actu indistincta, sunt actu idem: sed quæ sunt actu idem, non sunt continuum;

ergò

ergò &c. Minor probatur; quia quæ sunt actu idem, sunt sibi magis intima, quàm ea, quæ sunt actu distincta & compenetrata: sed actu distincta & compenetrata non sunt continuum; ergò nec actu identificata sunt continuum. Maior patet; quia plus est esse intimè præsens per identitatem, quàm per vicationem. Minor probatur; quia Aristoteles hîc tex. 2. docet indivisibile Zenonis non posse facere continuum, quia totum tangens totum est in eodem loco cū alio: sed si partes in continuo sint actu idem, sunt omnes plusquàm tangentes se totas, & sunt in eodem loco, ergò multo minus sunt continuum. Addo esse manifestè contra mentem Aristotelis non admittere partes actu distinctas, & loco separatas in cōtinuo; ait enim loc. cit. *Continuum enim habet hanc quidem aliam, illam verò aliam partem, & dividitur in sic diversas, & loco separatas.* Rursus tex. 1. definit, *Continua, quorum vltima sunt vnum.* Vltimum autem, & id cuius est vltimum non sunt idem, sed distincta, idem enim malè dicitur vltimum sui, sed est vltimum alterius, cum vltimum dicatur comparatiuè ad id, quod non est vltimum; ergò per Aristotelē in continuo sunt vltima, & alia non vltima, vltima autem & non vltima idem non sunt, sed distincta; quare idem Philosophus in 6.

et tex. 1. ait. *Alterum enim est ultimum, & id cuius est ultimum.* Denique tex. 3. probat continuum non constare actu ex indiuisibilibus Zenonicis, quia vnumquodque in ea diuiditur, ex quibus est; ergo sentit esse actu in continuo ea; in qua est diuisibile, atque adeo esse partes actu non potentia. Confirmari posset totum hoc ex eo, quod distinguuntur actu & realiter, quibus actu conueniunt contradictoria: sed quantitati capitis & pedis conueniunt contradictoria; ergo &c. Minor patet; nam, quantitas capitis est figurata figura rotunda, quantitas pedis non est figurata figura rotunda: sed hæc sunt contradictoria; ergo &c.

I. Ob. Possunt, imò debent in linea finita designari nouæ & nouæ partes in infinitum; ergo continuum est diuisibile in nouas & nouas partes in infinitum. Antecedens probatur ex subiectis figuris.



Si protrahatur in infinitum linea C D, possunt a puncto A duci infinitæ lineæ rectæ in lineam C D, quæ, quo longiores erunt, fient viciniore lineæ A B, nec tamen vnquam perueniunt ad implendum totum spatium E F; si enim replerent, lineæ replens non posset rectè tangere lineam C D: ergo tale spatium licet angustum, est diuisibile in partes in infinitum; ergo constat partibus in infinitum diuisibilibus? Similiter si producantur in infinitum lineæ parallelæ A B, C D, tum ex puncto G ducatur



funis, quo successiuè tangantur in infinitum partes lineæ superioris A B, in linea E F semper nouæ & nouæ partes designabuntur, numquam deueniendo ad finem, quia funis vtpote ductus per puncta lineæ superioris numquam poterit vltimam partem lineæ E F tangere; alioquin linea superior non esset parallela inferiori.

feriori; ergo linea finita E F est diuisibilis in partes in infinitum.

Resp. In primis nego suppositum, scilicet & quod possint protrahi lineæ in infinitum, & quod ab eodem puncto possint duci lineæ infinitæ, nam est expresse contra Aristotelē lib. 3. *Physic.* cap. 7. & contra rationes à nobis ibi allatas. Notetur ergo, quod Mathematicus, dum agit de punctis & lineis, nihil curat, an puncta & lineæ sint physice diuisibiles an indivisibiles, abstrahit enim ipsa à quantitate prout physice est à parte rei; solumque ipsam considerat idealiter, seu ut est in mente ipsius, in qua acceptione ideali, legitima est demonstratio, cum nulla sit implicantia, quod per nostrum concipiendi modum protrahantur lineæ infinitæ ab eodem puncto, & quod nostra mens, lineas in infinitum protensas concipiat; hoc autem est spectare extensionem & non res extensas, de quibus hic est sermo; quare cum innumera possit sibi mens fingere, quæ tamen sic esse à parte rei impossibile est, non debemus geometricas demonstrationes de quantitate per mentem abstracta transferre tam facile ad quantitatem physice existentem; propter hoc enim multi Geometræ minus cautè procedentes inani conatu ad physicam materiam id applicari præsentiant, quod

166 *Lib. VI. Disp. vnic. De continuo*
quod sibi in ideâ demonstratum agnouerant; quare merito dixi prædictas demonstrationes rectè & verè procedere mathematicè, non autem physicè.

QVÆSTIO IV.

Vtrum continuum constet ex punctis physicis.

PUNCTUM physicum sic dictum, tum ut distinguatur à Zenonico, tum quia est physica & realis entitas, est quid realiter indiuisibile, virtualiter tamen diuisibile, idest reuerà diuidi nequit in plures partes, æquualet tamen pluribus minoribus & minoribus in infinitum, ita ut tantum valeat, quantum plura minora & minora in infinitum, eo pacto quo anima rationalis est realiter indiuisibilis, quia in plures animas seu partes diuidi nequit, est tamen virtualiter diuisibilis, quatenus æquualet pluribus & pluribus animabus inferioribus in infinitum. Æternitas Dei est realiter indiuisibilis, virtualiter verò diuisibilis, quia re ipsâ diuidi nequit in plures durationes, est tamen virtualiter diuisibilis, quia æquualet pluribus durationibus distinctis minoribus & minoribus in infinitum.

Porro punctum physicum duobus modis est diuisibile virtualiter seu potentiâ. Primo intrinsecè, quatenus dato quouis puncto

puncto potest aliud dari minus & minus in infinitum. Secundo extrinsecè, idest potest coextendi pluribus, & pluribus in infinitum. Est impenetrabile, alioquin totum constans ex penetrabilibus, non esset impenetrabile. Est etiam extensum, continuum enim, quod est extensum, nequit non constare ex extensis. Nec miretur aliquis entitatem indivisibilem & extensam dici, quia in schola Divi Thomæ est communissima opinio animas brutorum, licèt materiales, esse indivisibiles & extensas. Similiter Angelus, licèt actu indivisibilis, potest tamen coextendi spatio divisibili, & sic concipi extensus.

Ex his liquet, quod sicuti, si darentur puncta Zenonica, ad hoc ut vnum indivisibile physicum æquivalens quatuor illorum existeret, e. g. in quatuor punctis spatij, deberet habere quatuor partiales vicationes, aut vnam illis æquivalentem; ità similiter, ut existat adæquatè in indivisibili physico spatij æquivalente, e. g. quatuor Zenonicis, debet habere quatuor partiales vicationes, aut vnam illis æquivalentem, quòd si habeat vnam vel duas partiales vicationes, existeret in illo indivisibili spatij non quidem adæquatè, sed inadæquatè.

Exemplo res fit clara. Quia natura humana æquivalet naturæ plantæ, & bru-

168 *Lib. VI. Disp. vnic. De continuo*
ti, & insuper est intellectiua; ut intellectus adequatè ipsam cognoscat, debet habere tres partiales cognitiones, quarum vnâ cognoscat ut vegetatiuam, aliâ ut sensitiuam, & aliâ ut rationalem, aut saltem vnâ cognitionem his æquiualentem; quòd si vnâ vel duas tantum partiales cognitiones habeat, cognoscet naturam humanam inadæquatè. Sicuti autem naturaliter per quatuor, e. g. partiales vbicationes indiuisibile physicum, existit adæquatè in vno indiuisibili spatij, ita per quatuor partiales vbicationes potest existere in quatuor indiuisibilibus spatij, in singulis inadæquatè; patet enim nihil plus requiri ad existendum in quatuor inadæquatè, quam ad existendum in vno adæquatè. His præmissis.

Dico. Continuum componitur ex punctis physicis finitis.

Prob. Continuum, ut vidimus, non constat ex diuisibilibus in infinitum; ergò constat ex indiuisibilibus, non Zenonicis, neque infinitis; ergò ex physicis & finitis. Confirmatur; quia illa sententia est amplectenda, quæ rei naturam & proprietates ita explicat, ut omnia vitet inconuenientia: sed huiusmodi est sententia componens continuum ex punctis physicis, ut patebit in solutione obiectionum; ergò &c.

I. Ob.

I. Ob. Punctum non additum puncto non facit extensionem; ergo continuum constare nequit ex punctis. Antecedens probatur; quia vel punctum tangit punctum secundum se totum, vel secundum aliquid sui. Si secundum aliquid sui; ergo datur in puncto aliquid & aliquid, & sic partes, ac proinde non est indivisibile. Si secundum se totum; ergo penetratur cum puncto: sed quod penetratur cum alio non facit extensionem; ergo &c.

Resp. Plus est identificari, quam se tangere secundum se tota, & tamen partes potentiales ab innumeris admixtæ, cum actu sint identificate, faciunt extensionem; cur ergo extensionem non facient puncta actu distincta, quæ se tantum tangunt? In forma, nego antecedens; facit enim lineam. Ad probationem posset negari suppositum; nam propositio illa disiunctiva, *vel tangit secundum se totum, vel secundum aliquid sui*, fieri potest solum, ubi reperitur ratio totius, & ratio partis, quod utique in puncto physico non reperitur. Nihilominus concesso, quod punctum tangat punctum secundum se totum, nego consequentiam; quia penetrari cum alio est esse in eodem loco, non autem illud secundum se totum tangere: quæ se tangunt sunt unum ita iuxta aliud, ut

H

nihil

nihil inter ipsa mediet; quæ verò sunt penetrata, sunt ambo in eodem loco; sic ego modò sum ita præsens toti diuinæ immensitati, vt non sim præsens omnibus locis, quibus præsens est diuina immensitas; sic mea manus ita est præsens, & quasi tangit totam meam animam, vt tamen non sit vbicumque est mea anima. Similiter si duo Angeli ita iuxta ponantur, vt nihil mediet inter vtrunque, potest vnus occupare locum ad orientem, & alter ad occidentem, & sic licet secundum se totos entitatiuè se tangant, non tamen erunt compenetrati, cum eodem loco ambo non respondeant.

II. Ob. Omnis linea diuidi potest bifariam æqualiter: sed si detur linea constans septem punctis non poterit sic diuidi; ergò continuum non constat ex punctis.

Resp. Distinguo maiorem, potest diuidi mathematicè, concedo; physice, nego: potest diuidi mathematicè, quia cum mathematica diuisio perficiatur imaginatione, nulla potest diuidi linea, cuius subduplam non possit intellectus concipere. Si verò quis non tantum imaginariè, sed per decussationem velit diuidere lineam constantem septem punctis, linea diuidens cadet in quartum punctum, & ex vtrâque parte puncti, in quod cadet, re-

lin.

linquet æqualem numerum punctorum, scilicet hinc tria; & inde tria; & in alterutrâ ex his significationibus intelligendum est, posse quamlibet lineam æqualiter diuidi.

III. Ob. Etiam in hac hypotesi est inexplicabile, quomodo circulus minor non sit æqualis maiori concentrico; à quolibet enim puncto maioris poterunt duci lineæ rectæ ad centrum, quæ in minori totidem puncta designabunt, & sic erunt tot puncta in minori, quot in maiori.

Resp. Distinguo, à quolibet puncto circuli maioris duci possunt ad centrum lineæ rectæ mathematicæ seu imaginariæ, concedo; physicæ & reales, nego; nam in minori circulo se confundent, & sic non erunt rectæ; nec tot designabunt puncta in minori, quot in maiori. Rursus etiam dato, quòd possent à quolibet puncto circuli maioris duci lineæ rectæ physicæ, & hæ transirent per circulum minorem, non sequitur in nostra hypotesi circulum minorem esse æqualem maiori; nam lineæ, quæ in circulo maiori habet vocationem adæquatam, per quam adæquatè correspondet vni indiuisibili, habet in circulo minori vocationem inadæquatam, per quam correspondet inadæquatè vni indiuisibili, scilicet quatenus æquualet vni

indivisibili Zenonico, & ita quatuor lineæ: e. g. quæ in circulo maiori per quatuor vicationes adæquatas signant quatuor puncta, in circulo minori per quatuor vicationes inadæquatas signant vnum tantum punctum; ex quo liquet, quomodo circulus minor non sit æqualis maiori.

IV. Ob. Nequit etiam in hac hypotesi explicari, quomodo ceruus currat velocius, quam testudo; ergo &c.

Resp. Nego antecedens, & explico. Dum ceruus & testudo currunt e. g. quatuor instantibus temporis, ceruus primo instanti acquirit vicationem adæquatam, per quam adæquatè correspondet vni indivisibili spatij; secundo instanti aliam adæquatam, & sic tertio, & quarto; quare quatuor instantibus quatuor indivisibilia spatij percurrit. Testudo verò primo instanti acquirit vnam vicationem inadæquatam, secundo instanti aliam inadæquatam, & sic tertio, & quarto; quare quatuor instantibus acquirit quatuor partiales vicationes, per quas adæquatè correspondet vni indivisibili, quatenus scilicet illud æquale e. g. quatuor Zenonicis; atque ita quatuor instantibus testudo sistitur in vno tantum indivisibili adæquatè.

V. Ob. Nequit in hac hypotesi explicari

cari rarefactio & condensatio; ergò &c.

Resp. Nego antecedens, & explico. Rarefit e. g. aqua, cum quolibet indiuisibile aquæ, quod prius erat adæquatè in vno tantum indiuisibili spatij, ponitur in pluribus spatij indiuisibilibus, in singulis inadæquatè, atque adeò eadem omnino aqua maius occupat spatium: tunc verò densatur, quando quodlibet indiuisibile aquæ, quod erat inadæquate in pluribus indiuisibilibus spatij, ponitur adæquate in paucioribus. Hæc explicatio fundamentum habet in ijs, quæ Aristoteles 4. physic. tex. 84. & 85. de raro & denso docet, scilicet quòd cum vna eademque sit materia rari & denfi, non fit rarum & densum per additionem partium subintratum, vel subtractionem earundem, vt dicunt, qui ponunt vacuum inter partes corporis; sed per hoc, quòd materia earundem partium recipiat in rarefactione maiores dimensiones, in condensatione verò minores: sicuti si conuexitas maioris circuli restringatur ad minorem circulum, fit magis curuum non per hoc, quòd producat de nouo circularitas in aliqua parte, quæ antea non esset circularis, sed recta; sed quia, quòd erat minus curuatū, fit magis curuatum; quæ omnia manifestè declarant, in rarefactione acquiri tantum plures vbicationes inadæquatas in-

pluribus indiuisibilibus (spati), in condensatione verò acquiri vicationes adæquatas in paucioribus indiuisibilibus.

VI. & vlt. Ob. Aristoteles 8. physic. tex. 68. ait *In continuo insunt quidem infinita dimidia, sed non actu, sed potentia* & lib. 1. de generat. c. 2. tex 9. *Omne corpus sensibile quous in puncto esse diuisibile, atque indiuisibile nihil est absurdum potentia, si quidem diuisibile existit, actu indiuisibile*; ergò continuum non constat ex punctis physicis. Rursus si darentur hæc puncta, possent duæ lineæ altera ducta ex oriente, altera ex occidente terminari ad idem punctum, & illud tangere in diuersis locis; nam alia est facies, qua punctum spectat orientem, alia qua spectat occidentem; ergò in eodem puncto essent diuersæ partes, & sic non esset indiuisibile. Denique si punctum physicum materiæ esset indiuisibile, substantia materialis haberet proprietates spiritualis, cum sit proprium rei spiritualis indiuisibilitas.

Resp. Aristotelis mentem esse, quòd in continuo sint infinita dimidia potentia, idest virtualiter, & æquialenter, quatenus quodlibet indiuisibile physicum æquualet minoribus & minoribus in infinitum, & in hoc sensu verificatur, continuum esse diuisibile in infinitum. Dum dicit, *quous in puncto*, iam fatetur in-

con;

continuo esse puncta, non Zenonice, quæ
 expresse impugnavit, igitur physica. .
 Quòd autem diuisibilitas potentiâ sit di-
 uisibilitas virtualiter & æquialenter,
 clarum est consideranti discrimen inter
 indiuisum & indiuisibile: indiuisa enim
 sunt quæ licet actu seiuncta non sint, pos-
 sunt tamen inuicem seiungi; at indiuisi-
 bilia sunt, quæ nec actu seiuncta inuicem
 sunt, nec seiungi possunt; cum ergò dicit
 Aristoteles punctum continui esse actu
 indiuisibile, idem est ac si dicat, carere
 potentiâ ad veram & realem diuisibili-
 tatem; sicuti, cum dicimus, *color non est*
gustabilis, non solum significamus actu
 non gustari, sed nec habere potentiam
 ut gustetur: si igitur continui punctum est
 indiuisibile, non habet potentiam ut di-
 uidatur; dum dicitur potentiâ diuisibile,
 significatur virtualiter & æquialenter
 diuidi posse. Ad secundum respondeo,
 lineas orientalem & occidentalem ter-
 minari ad diuersas facies puncti diuersi-
 tate connotati, idest spatij puncto cir-
 cumfusi, concedo; diuersitate entitatis in
 puncto, nego: habet quidem punctum
 diuersas facies non entitatiuè, sed purè
 connotatiuè, quatenus non est idem spa-
 tium ipsi circumfusum, & ab ipso conno-
 tatum ad orientem, ac connotatum ad
 occidentem; sicuti si Angelus quadripal-

176 *Lib. VI. Disp. unic. De continuo*
mariter extensus sit, & iuxta ponatur
vnus Angelus ab oriente alter ab occi-
dente, non designabunt in Angelo par-
tes diuerſas, ſed puras connotationes, ſeu
reſpectus extrinſecos. Ad vltimam inſtā-
tiam, nego, eſſe proprietatem rei ſpirituā-
lis indiuiſibilitatem; in ſchola enim Tho-
miſtica brutorum animæ indiuiſibiles af-
firmantur, & tamen ſpirituales non ſunt.
Res ergo materialis, licet indiuiſibilis,
exigit extensionem impenetrabilē, ſpiri-
tualis verò habet extensionem penetrabi-
lem.

I N S E P T I M V M
Aristotelis Librum de Phyſico
Auditu.

DISPUTATIO VNICA

De motu in ordine ad motorem.

H Actenus egit Philoſophus de motu
ſecundum ſe, & de ijs quæ ad ipſum
conſequentur. Hic agere inſtituit de motu
comparatiuē ad motores & mobilia.

QVÆSTIO I.

*Utrum omne quod mouetur ab alio
moueatur?*

D Ari aliqua, quæ non habent in se prin-
cipium sui motus, ac proindè ab
extrinseco, scilicet ab alio mouentur, ma-
nifestum est in omnibus, quæ per violen-
tiam mouentur, vt lapides sursum proie-
cti, & similia. Quia tamen aliqua ha-
bent in se principium sui motus, vt ani-
mata &c. ideò an etiam hæc ab alio mo-
ueantur inquirendum est.

Dico. Omne, quod mouetur, ab alio
moueri necesse est.

Prob. Quia, quod necessariò quiescit
ad quietem alterius, non mouetur à se, sed
ab alio: sed omne corpus mobile necessa-
riò quiescit ad quietem alterius; ergò non
mouetur à se, sed ab alio. Minor proba-
tur: quia omne mobile est diuisibile: sed
quod est diuisibile, necessariò quiescit ad
quietem alterius; ergò &c. Minor proba-
tur; quia si diuidatur e. g. corpus homi-
nis ab eius animâ, cessat moueri cor-
pus, & quiescente corpore necessariò quie-
scit totum; ergò quod est diuisibile, neces-
sariò quiescit ad quietem alterius. Quòd
quiescente corpore quiescat totum, pa-
tet; nam implicat moueri per se totum,
cuius vna pars quiescit; ergò quiescente
H 5 parte

parte quiescit totum ; ergò totum non mouetur à se, sed ab alio. Rursus vel moueatur creatura ad esse simpliciter, vel ad esse tale, scilicet accidentale, non potest moueri à se ; ergò ab alio moueri necesse est. Antecedens probatur : quia, quod mouetur ad esse simpliciter, idest producitur, est posterius naturâ quàm causa ipsū producens ; ergò producitur ab alio. Consequentia est euidentis ; nam si produceretur à se ipso, esset prius naturâ se ipso, & sic esset antequàm esset. Quòd verò mouetur ad esse tale, scilicet accidentale, pariter ab alio mouetur ; nam vel mouetur ab extrinseco, vt mouentur proiecta, & sic ab alio ; vel ab intrinseco, vt animata, & sic pariter ab alio saltem inadæquatè distincto, scilicet distinctione includentis & inclusi. Denique motus est aliquid consequens ad esse rei mobilis ; ergò ab illo datur motus à quo datur esse, iuxta illud *Quidat esse dat consequentia ad esse* : sed esse datur mobili ab alio ; ergò & motus saltem remotè datur ipsi ab alio ; ergò omne, quod mouetur, ab alio moueri necesse est.

QVÆSTIO II.

*Utrum mouens agere possit in
mobile distans?*

PRænotandum est, posse mouens dupli-
ci pacto distare à mobili. Primo
distantiâ suppositi, sed non virtutis, sic
distat sol à terra, quia non est præsens
terræ per suum suppositum, seu entitatem;
est tamen præsens per suam virtutem scili-
cet per lucem, calorem, & alias qualita-
tes, quas diffundendo per spatium inter-
medium immittit vsque ad terram. Se-
cundo distantia, & suppositi, & virtutis;
sic distat à nobis ignis romanus, qui nec
per suam entitatem, nec per suam virtu-
tem nos attingit. De hac secundâ distan-
tiâ præsens est difficultas, an scilicet ali-
quod mouens, quod distet supposito, &
virtutem non diffundat per medium, pos-
sit agere in mobile.

Dico. Mouens nequit agere in mobi-
le, cui præsens non sit, aut præsentia sup-
positi, aut præsentia virtutis.

Prob. Quia mouens est perfectiūm
mobilis: sed vt perfectiūm perficiat
perfectibile, debet ipsi aliquo modo ap-
plicari; ergo &c. Minor probatur: quia
forma nequit perficere materiam, nisi
ipsi sit intimè applicata; ergo perfectiūm
nequit perficere perfectibile, nisi sit ipsi

applicatum. Confirmatur; quia si mouens neque præsentia supposito, neque presentia virtutis esset applicatum mobili, nihil mouentis attingeret ipsum mobile: sed cum nihil mouentis attingit mobile, non mouetur mobile à mouente; ergò &c. Minor probatur; quia per hoc præcisè mobile nō mouetur à mouente, quando mouens nō agit, quia nihil mouētis attingit mobile; ergò si nihil mouentis attingat mobile, hoc ab illo non mouetur: sed si mouens distet tūm supposito, tūm virtute à mobili, nihil mouentis attinget mobile, & hoc ita se habebit, quando mouens agit, ac quando non agit, in vtroque enim casu æquè aberit ab ipso mouens; ergò nisi sit præsens mouens, vel supposito, vel virtute, non agit in mobile. Denique non alia potest reddi ratio, cur ignis possit calefacere ad tantam distantiam, & non maiorem, & sic de cæteris agentibus, nisi quia eorum virtus vtpote commensurata ipsorum naturæ, & perfectioni limitatæ ac finitæ, potest peruenire vsque ad illam distantiam, & non vlteriùs; ergò agentia naturalia, vt agant, debent saltē per suam virtutem peruenire ad mobile; ergò nequeunt agere in distans.

I. Ob. Magnes distans trahit ferrum, succinum paleas, & lapis proiectus mouetur in aere, etiamsi mouens non sit præsens

sens ; ergo &c.

Resp. In magnete & succino reperiri virtutem , quam diffundunt per medium usque ad passum,qua virtute fiunt præsentes istæ causæ suis mobilibus , & hoc patet ex eo, quod fortiùs trahunt viciniora, minùs fortiter remotiora , & nullo modo ea , quæ sunt valdè remota ; quòd non aliundè prouenit , nisi quia virtus maior diffunditur in spatium vicinum, & paulatim debilitatur, donec omninò definit .

II. Ob. Puluis sympathicus & vnguentum armarium sanant vulnera etiam distantia; ergo mouens mouet mobile distans .

Resp. Etiam hæc,licèt distent supposito,sunt mobili propinqua per suam virtutem;ac proindè non agunt in distans. Sed vt res clarior fiat

QVÆSTIO III.

Quo pacto agant puluis sympathicus, & vnguentum armarium .

I. **P** Rænotandum est , quod sympathia est mutua diuersorum corporum ad inuicem consensio & inclinatio à naturâ insita . Antipathia vero est diuersorum corporum naturalis dissensio.

II. Prænotandum,præter quatuor qualitates primas,quæ manifesta dicuntur,scilicet

licet calorem, frigus, humiditatem, & siccitatem, alias dari, quæ quia sensibus non immediatè & per se, sed mediatè, & per suos tantùm effectus subiiciuntur, *insensibiles* & *occultæ* vocantur; dici solent etiã *specificæ*, quia certæ speciei corporum naturalium insitæ sunt: sic experimento artis medicæ compertum est, reperiri qualitates *catharticas*, scilicet purgantes, *smecticas*, scilicet absterfivas, *diureticas*, scilicet mouentes urinam, *narcoticas* scilicet inducentes stuporem, *causticas* scilicet adurentes, *deleterias* scilicet nativum calorem delentes, & alias, quæ profectò cum manifestis seu quatuor primis qualitatibus, confundi non possunt; nec enim aqua pura licet frigidissima, vinum sublimatum seu aquavita, licet maxime calidum, numerantur inter deleteria, vt numeratur venenum, nec per excessum vllius primæ qualitatis fiunt effectus, qui ab insensibilibus qualitatibus producuntur, inter quas, vt cæteras mittâ, qualitas magnetica id manifestissimè cõprobat, cuius proprietates quicumque animaduertent, insensibilium qualitatum existentiam in dubiũ reuocare non audebit. His prænotatis,

Dico, iuxta pulueris sympathici & vnguenti armarij Propugnatores. Pulvis & vnguentum sympathicum, non agunt in distans, sed diffundendo virtutem

tutem vsque ad passum.

Prob. Quia quoties aliquod agens vehementissimè agit in mobile proximum, moderatè in minùs proximum, & debiliùs in magis remotum; signum est agere diffundendo virtutem per medium: sed hoc pacto agunt puluis & vnguentum sympathicum: ergò. Maior inductione patet, præsertim in igne, qui immediatè applicatus passo ipsum comburit, moderatè distans leniter calefacit & fouet, magis remotus minus calefacit. Minor pater experientià; nam puluis immediate applicatus vulneri tam vehementer agit vt interimat, moderatè distans fouet, ac in maximà distantia debilius operatur; quare Papinius insignis eius propugnator ait, quòd licet operetur in loco quantumvis remoto, præstat tamen moderata loci intercapedo: & eruditissimus Hyeronimus Vitalis Clericorù Regularium Theatinorum insigne decus, in suo lexico mathematico, digressionem Physico-theologica ad verbum *Sympathia* Quæst. I. n. 15. inquit, *Puluis fortius agit immediatè vulneri applicatus quàm sanguini, sed ea vtique virtute agit, quæ nimietate sua agro noxia sit, & maximè violenta; sanguini autem diffuso applicatus temperata, lenior & oportuna. Ergò agit, virtutem diffundendo per medium vsque ad passum. Confirmatur; quia videmus*

demus, quòd si linteò cruento solum venenum inspergatur, non nocet ægro; si verò mixtum fuerit cum pulvere, interimit, ergò signum est vim pulueris veluti vehiculum, trahere venenum secum vsque ad vulnus; ergò pulvis fit præsens passo præsentia virtutis.

Ob. Si pulvis operaretur diffundendo virtutem vsque ad passū, eius actio posset impediri interpositione parietum, & aliorum corporum, sicuti impeditur illuminatio solis, calefactio ignis, & similia; sed hoc est falsum; ergò non agit diffundendo virtutem per medium; ergò agit in distans.

Resp. Nego sequelam maioris; nam plurimæ sunt qualitates insensibiles, quæ interpositione corporum non impediuntur à proprijs effectibus in loca distantia producendis; sic à densitate terræ non impeditur sol, quin producat in eius visceribus aurum: luna etiam sub nostro delitescens emispherio causat in selenite lapide, quantumvis intra parietes & in scrinijs probè concluso, motus & maculas lunares: vis magnetica nullius obiecti corporis impeditur, quin polum attingat: si ex panibus in clibano existentibus, & semicoctis sumas placentam, & manibus vel gladio ita discindas, ut suam deperdat formam, alij panes etiam post parietem

cem, & alia obiecta corpora læduntur, & integra crusta à micâ diuellitur. Alia innumera his similia narrat Kircherus in arte magnetica, & Vitalis loco nuper citato; quare mirum non est, quod etiam insensibilis qualitas pulueris obiectu parietum à suo effectu non impediatur.

Multi pulverem sympathicum, vel nihil agere, vel si agit, ope cacodæmonis operari contendunt, cum ipsis videatur improbabile, quod ad quamcunque distantiam operetur, & quod tot, & diuersi effectus ab vno medicamento, quot requiruntur in curatione vulneris, fiant. Quibus respondent pulueris propugnatores, quod si astra è Cælis, distantia scilicet incomparabiliter maiori, quam inter pulverem & vulnus sanandum, multa operantur in terris: si montes & alia obiecta etiam valde distantia immittunt ad nos species sui; mirum videri non debet quod puluis suam virtutem ad vulnus transmittat. Ab vno autem & eodem medicamento plures ac diuersos produci effectus minus est mirandum; nam, vt cætera sileam, ipse Kircherus P. 7. c. 3. de elixir vitæ docet, naturalem calorem fouere, radicale humidum sustentare, crassa incidere, subtilia condensare, mollicare dura, pinguefacere macilentum, & extenuare pinguius. Magnetica vir-

tustalis est, vt duæ acus eidem polo magnetico affricatæ virtutem prorsus contrariam hauriant. Similiter eadem vis magnetica simul est tractiua, & directiua, & alios plures prorsus admirabiles effectus præstat; quid mirum igitur, quod vnus & idem pulvis effectus pariter diuersos habeat? Quidquid sit, præter plures Philosophos & Medicos, virtutem sympathicam huiusmodi defendunt etiã ex Theologis Bertrandus Loth Dominicanus in Resolut. Theolg. tr. 14. q. 1. art. 3. Crescentius in Præsid. Rom. lib. 3. n. 113. Moronus in Respons. moral. respons. 95. n. 167. Ignatius Lupus in edictum sanctæ Inquisitionis P. 3. lib. 19. Paulus Vecchi in Observationibus medic. in Sacram Scripturam, obseruat. 60. & Hieronymus Vitalis loco nuper citato, cum alijs. Qui plura de hoc puluere & vnguento parando desiderat, videre poterit Paracelsum eius inuentorem, qui Maximiliano Cæsari donauit, Seruium in libello de vnguento armario, Goclenium in Synarchrosi magnetica, Gabelcouerium in præctica Germanica, Nagatum, Colerū & Schenchium.

I N O C T A V V M

Aristotelis Librum de Physico
Auditu .

DISPVATIO VNICA

De primo Motore .

EX illâ veritate, quòd omne, quòd mouetur, ab alio moueri necesse est, conclusit Philosophus, ne detur processus in infinitum, deueniendum esse ad aliquem primum motorem immobilem, qui omnia moueat.

QVÆSTIO VNICA

Vtrum existat primus motor immobilis?

QVoniam protervæ cervicis athei existentiam primi motoris negare non erubescunt, admittendo processum in infinitum, licet lumini rationis repugnet, propterea

Dico. Etiam admissio in creaturis processu in infinitum demonstratur existentia primi motoris.

Probat. Omne mobile indifferens est ad esse, vel non esse; ergò ut aliquandò sit, debet pro priori naturæ intelligi aliquid, quod ipsum determinet ad esse: sed
hoc

hoc nequit esse, neque vnum, neque alterum, neque infinita mobilia; ergò debet esse aliquid supra omne mobile, seu primus motor immobilis. Minor probatur; quia quod est ex se indeterminatum, & insufficiens ad esse, nequit se solo dare alteri determinationem & sufficientiam ad esse: sed quodlibet mobile utpote contingens, est ex se indeterminatum & insufficiens ad esse; ergò nullum mobile potest se solo dare alteri determinationem, & sufficientiam ad esse; ergò supra vnum, & alterum, & infinita mobilia, debet dari aliquid, tribuens determinationem & sufficientiam ipsis ad esse; ergò datur primus motor. Confirmatur & explicatur hæc ratio; nam si mendico addatur unus, & alter, & infiniti mendici carentes pane, tam implicabit dari ab infinitis quàm ab uno & altero panem, quia tam carent pane infiniti mendici, quàm unus, & alter: sed tam carent determinatione & sufficientiâ ad esse infinita mobilia, quàm unum aut alterum mobile; ergò tam repugnat tribui ab infinitis, quàm ab uno & altero determinationem & sufficientiam ad esse; ergò etiam admissò processu in infinitum, debet dari supra omne mobile primus motor immobilis, qui omnibus talem determinationem & sufficientiam ad esse tribuat.

Hæc

Hæc nostrorum summa votorum fuit
quandiu non Deum in Deo, saltem Deum
in his quæ ab ipso sunt & mouentur, in-
spicere, ut hîc per speculum & in enigma-
te intuentes, quem facie ad faciem
uisuros speramus, arctissimo
interea charitatis vincu-
lo prototypon su-
um completa-
tur ima-
go.

F I N I S

APPROBATIONES

P Ioseph Maria Ambrogi Ordinis Theat.
 tinorum uideat si in opere isto aliquid sit contrarium Sanctæ Fidei & bonis moribus, & referat. Datum 19. Februarij 1681. ab Incarnat.

Alexander Puccius Vic. Gen. Flor.

I Vssus à Dominatione tua Illustriss. hanc Philosophici Cosmi plagam legendo percurrere, nihil in ea offendi, quod bonis moribus aduersetur, aut quod (sicuti Christianā decet Philosophiam) Diuinæ Fidei non ancilletur. Miratus insuper Authoris ingenium, qui breuitati consulens, ita obscuritatem vitauit, ut singulari cum claritate magis abditos Philosophiæ recessus legentium oculis exponat, ac propterea dignam illam existimo, ut in commodum studiosæ Iuuentutis publica luce donetur. Ex Domo nostra S. Michaelis 23. Februarij 1681. ab Incarnat.

D. Ioseph Maria Ambrogi C. R. Cōs.
 S. Off.

Imprimatur seruatis seruandis.

Alexander Puccius Vic. Gen. Flor.

A D Illustrissimum D. Aduocatū
 Augustinum Coltellini Consultorem Iubilatum huius S. Officij Florentiæ,
 vt

et diligenter examinet præsentem Librū,
cui titulus *Cosmus Philosophicus*, & ubi
nihil obtiterit, probet. Datum ex adi-
bus S. Off. Flor.

F. Franciscus Augustinus Gambaroua
Cancel. S. Off. Flor.

Quæ de leuandis Tyronibus à molesto
scribendi labore in Logicis diximus,
nunc rata repetitūque volumus in Phisicis,
eadem simili modo probantes, ut ad publicam
Adolescentium utilitatem in lucem prodire
possint; dumque reliqua Cl. Authoris cupide
expectamus, eidem omnia fausta ex Museo
nostro præcamur.

Augustinus Coltellinus.

Die x. Martij 1682. Attenta antedi-
cta attestatione Imprimatur.

F. Franciscus Augustinus Gambaroua Canc.
S. Off. Flor.


Matthæus de Mercatis Aduocatus pro
Sereniss. Magnoduce Etruriæ.

AAAAA

2550388

VVVVVVV





7. 11. 1919

10. 11. 1919

12.6.183

B.N.C.F.



C F 0 0 2 5 5 0 3 0 0

